

অভিনব নাট্যসম্ভার ! বৈচিত্র্যময়-শাব-ব্যঞ্জন !!

শ্রীকৃষ্ণকুমার দে এম. এ, বি, টি, প্রণীত

নূতন পঞ্চাঙ্গ পৌরাণিক নাটক

# কুরুক্ষেত্রের আগে

[ সুপ্রসিদ্ধ নট কোম্পানিতে অভিনীত ]।

কুরুক্ষেত্রের রক্তরঞ্জিত ভীষণ দশাই জানে ; কিন্তু তারও আগে শ্রীকৃষ্ণের হৃদয়নটকে একটি সোনার সংসার সে ছারখার হইয়া গিয়াছিল, সে কথা কজন জানে / কে সে হংস ডিম্বক, তাদের পরিচয় মানুস কবে ভুলিয়া গিয়াছে। তুল যাওয়া সেই মর্ম্মস্পর্শী কাহিনী এই নাট্যরূপে এই

## “কুরুক্ষেত্রের আগে”

ধর্ম্মরাজ্য সংস্থাপনে শ্রীকৃষ্ণের অমোঘ রাজনীতি, সৌমদত্তের কূটবুদ্ধির খেলা, ডিম্ব কব অপূর্ব জাতপ্রেম সরল ভাষায় সাবলাল চন্দ্র কপাষিত। বৈচিত্র্যময় ঘটনার ঘাত-প্রতিঘাতপূর্ণ নাটক। সৌখিন সম্প্রদায়ের অভিনয়ের সুবর্ণ সুযোগ।  
মূল্য ২'৫০ আড়াই টাকা।

নির্মল-সাহিত্য-মন্দির

২৭এ, তারক চাটার্জী লেন, কলিকাতা—৫

মুদ্রাকর—শ্রীগৌরহরি দাস

সরমা প্রেস

২২, গ্রেট স্ট্রিট, কলিকাতা-৫

[ প্রকাশক কর্তৃক সর্বস্বত্ব সংরক্ষিত ]

# বীরহাঙ্গীর

[ যুক্তির মন্ত্ৰ ]

( ধৰ্ম্মমূলক ঐতিহাসিক নাটক )

নিয়তি, পীরপূজা, যুক্তি-তীর্থ, ব্রহ্মতেজ, অমরাণতী, চাষার মেয়ে, চক্রী,  
বনবীৰ, দেশের দাবী, দলমাদল, রামরাজ্য প্রভৃতি গ্রন্থ প্রণেতা—

নাট্যভারতী শ্রীকানাইলাল শীল প্রণীত ।

কলিকাতার সুপ্রসিদ্ধ

ভাণ্ডারী অপেরা কর্তৃক অভিনীত ।

—নির্মল-সাহিত্য-মন্দির—

২৭এ, তারক চাটজ্জী লেন, কলিকাতা ।

শ্রীনির্মলচন্দ্র শীল কর্তৃক

প্রকাশিত ।

সন ১৩৬৫ সাল ।

শতাধিক সৌখীন ও পেশাদার নাট্যসম্প্রদায়ের অভিনয়-শিক্ষক

ত্রীকণিভূষণ বিজ্ঞাবিনোদ সঙ্কলিত

## অভিনয়-শিক্ষা

[ সাহিত্যাচার্য্য ত্রীমণিলাল বন্দ্যোপাধ্যায়ের সুরক্ষিত স্ফূটিকাঙ্কলিত ]

কাব্যশাস্ত্র—নাট্যশাস্ত্র—নাট্যকার—নাট্যকলা—নাট্যসমাজ—রঙ্গালয়  
—রঙ্গমঞ্চ—দৃশ্যপট—অভিনয়—অভিনেতা—সহ-অভিনেতা—স্মারক—শিক্ষক  
—শিক্ষানবীশ—দর্শক—পৃষ্ঠপোষক—বসপ্রসঙ্গ—ভাবপ্রসঙ্গ—যাত্রাভিনয়  
—নাট্যসম্প্রদায়-গঠন প্রণালী ইত্যাদি সম্ভারে পূর্ণ। অভিনয় শিখিতে ও  
শিখাইতে, শ্রেষ্ঠ অভিনেতা হইতে, অভিনয়-সংক্রান্ত সমস্ত বিষয় শিক্ষা  
করিতে এমন পুস্তক আর হয় নাই। বঙ্গ-রঙ্গমঞ্চের বহু শ্রেষ্ঠ শিল্পীদের  
ফটোচিত্রে পরিশোভিত, স্বরম্য বোর্ড বাঁধাই। মূল্য ৩ টাকা।

ত্রীব্রজেন্দ্রকুমার দে, এম-এ, বি-টি, প্রণীত ঐতিহাসিক নাটক

## ধর্মের বলি

[ আর্ধ্য অপেরায় প্রসংসার সহিত অভিনীত ]

নবাব মুশিদকুলি খাঁব নির্ধ্যাতনের কথা সগাই জানে, কিন্তু তাঁর মধ্যে সে  
ব্রাহ্মণসন্তান ছিল, তার কান্না কি আপনি শুনেছেন? দেখেছেন বিই  
বিরাট বনস্পতির ডুই শাপার ছটি ফল? যদি না দেখে থাকেন, নর  
পাতায় খুঁজুন। দেখবেন ভুলেব হিমালয়, শোকের মহাসাগর, প্রেম  
আচারের কী শোচনীয় পরিণতি! মূল্য ২.৫০ টাকা।

ত্রীনন্দগোপাল রায়চৌধুরী প্রণীত ডিটেকটিভ নাটক

## ছদ্মবেশী

[ সুপ্রসিদ্ধ রয়েল বীণাপাণি অপেরায় মহাসমারোহে অভিনীত ]

রহস্য-ঘন রোমাঞ্চকর কাহিনী—নতুন পরিকল্পনা—অভিনব ঘটনা-  
বিব্রাঙ্গ—সাবলীল এর সংলাপ। পৈশাচিক ষড়যন্ত্র, নির্ধম ওপ্তহত্যা, বিস্ময়-  
কর লোমহর্ষণ ঘটনার ঘাত-প্রতিঘাত ও ছদ্মবেশীর দুঃসাহসিক কাব্যকলাপে  
পূর্ণ। প্রতি দৃশ্বে কোতূহল জাগে এরপর কি—এরপর কি? সর্বশেষে  
চরম মুহূর্ত্তে ছদ্মবেশীর আত্মপ্রকাশ ও রহস্যোদ্ঘাটনের সঙ্গে নাটকের  
পরিসমাপ্তি। যাত্রাদলে এ ধরনের নাটক এই প্রথম। মূল্য ২.৫০ টাকা।



নাট্যসাহিত্যের একনিষ্ঠ সাধক, বাণীর বরপুত্র,  
সর্বজনপ্রিয়, যশস্বী ও প্রবীণ নাট্যকার  
সাহিত্য-রত্নোপাধিক  
বন্ধুবর শ্রীবিনয়কৃষ্ণ মুখোপাধ্যায় মহাশয়ের  
করকল্পে

তুমি নাট্যজগতে ঊর্দ্ধ্বল স্থানি,  
বাণীর পূজারী শিখা।

লেখনীতে তব ফুটিল হৃদে  
নব মন্তর কল্পনায় ॥

হে হোর বন্ধু প্রীতির নিলয়,  
ধর এই ক্ষুদ্র দান।

বাণীর কুঞ্জে পেছোঁছি কুড়ায়ে  
করিও না ধান-অভিধান ॥

নিবিড় হৃৎক বাঁধন হোদের  
“স্মৃতির স্বপ্ন” শৃঙ্খলে।

বিদায়-বেলায় প্রীতি-উপহার  
থাকুক স্মৃতির বেদীস্থলে ॥

“কানাইলাল”



## কৈফিয়ৎ

ইতিহাসপ্রসিদ্ধ বাংলার বীরত্বইয়াগণের মধ্যে বীর হাঙ্গীর অগ্রতম। এই হাঙ্গীরের বৈচিত্র্যময় জীবন-কাহিনী লইয়া নাটকখানি রচিত। গুপ্তশত্রু কর্তৃক নিহত মল্লভূমাবিপতির একমাত্র শিশুপুত্র হাঙ্গীর দৈববিড়ম্বনায় দস্যুগৃহে প্রতিপালিত ও দস্যুর রীতি-নীতি আচার-ব্যবহারে দীক্ষিত হইয়া দস্যুসমাজে প্রতিষ্ঠা লাভ করেন, কিন্তু জন্মগত সংস্কার তাকে মুক্তিপথে টানিয়া লয়। নরহন্তা দস্যু বীর হাঙ্গীরের আকস্মিক পরিবর্তন ও মুক্তির মঞ্চে দীক্ষা গ্রহণ বিস্ময়ের নয়। প্রতিক্রিয়াশীল জগতের ইহাই চিরন্তন ধারা। দস্যু রত্নাকরও মহাশি বান্দীকি নামে প্রসিদ্ধি লাভ করিয়াছেন। এই বীর হাঙ্গীরেবই ঐকান্তিক সাধনায় শ্রীশ্রীমদনমোহন দেবের মূর্তি মল্লভূমে প্রতিষ্ঠিত হয়, যাহার কীর্তিকাহিনী বাঙালীর প্রাণে চিরজাগ্রত রহিয়াছে ও থাকিবে।

কাহিনীটির ঐতিহাসিক তথ্য সামান্য, সে কারণ ঘটনাটী নাটকে রূপায়িত করিতে কল্পনাব্যবসায় ব্যতীত গত্যন্তর ছিল না। আমার মনে হয়, ইহাতে মূল ঘটনার বহু বিবরণ নাই বরং পরিপূষ্টিই হইয়াছে; তবে ভালমন্দ পাঠকগণের বিচার্য্য।

ইতিপূর্বে নাটকখানি স্বপ্রসিদ্ধ বাসন্তী অপেরায় মুক্তির মন্ত নামে অভিনীত হয়। পরে আই, এন, এ পিকচার্স “বীর হাঙ্গীর” আখ্যা দিয়া নাটকখানি ছায়াচিত্রে রূপায়িত করেন। বর্তমানে ভাণ্ডারী অপেরার পরিচালক শ্রীযুক্তনাথ চক্রবর্তী ও শ্রীসৌরেন কুণ্ডু মহাশয়ের অহরোধে নাটকের কিয়দংশ পরিবর্তন ও পরিবর্জন করিয়া “বীর হাঙ্গীর” নামে তাঁহাদের দলের অভিনয় উপযোগী করিয়া সংগঠন করা হইল।

পরিশেষে সহৃদয় নাট্যমোদগণের নিকট আমার নিবেদন, তাঁহারা আমার পূর্ববর্তী নাটকগুলিকে যেরূপ স্নেহের চক্ষে দর্শন করিয়াছেন, আশা করি আমার “বীর হাঙ্গীর” তাহা হইতে বঞ্চিত হইবে না। ইতি—

প্রকাশক

## কুশীলবগণ

### —পুরুষ—

স্বরথমল্ল	...	...	মল্লভূমাধিপতি ।
স্বধীরথমল্ল	...	..	ঐ ভ্রাতা, কুশভূগাধিপ ।
হাধীর	...	...	{ ভূতপূর্ব মল্লভূমাধিপতির অপহৃত পুত্র ।
চিমনগাল	...	...	দহ্যসদ্বার ।
রণলাল	...	...	দহ্মা-সহচর ।
চন্দন	...	...	স্বধীবণের নিকৃদ্দিষ্ট পুত্র ।
শ্রীনিবাস	....	...	বৈষ্ণব সাধক ।
সনাতন	...	...	ভক্ত গৃহস্থ ।
বটুকেশব	...	...	স্বধীরথের পার্শ্বচর ।
গোলাম মহম্মদ	...	...	{ গোড়ের অগ্ৰতম সেনাপতি স্বধীবথের দন্ধ ।
বকাউল্লা	...	...	ঐ মোসাহেব ।
রঞ্জন	...	...	পাইক ।

প্রেমানন্দ, পুরোহিত, যোগময়, মন্ত্রী, রক্ষী ইত্যাদি ।

### —স্ত্রী—

কল্যাণী	...	...	স্বরথমল্লের কন্যা ।
অর্পণা	...	...	স্বধীরথমল্লের কন্যা ।
স্নেথা	...	...	ঐ সহচরী ।
পাগলিনী	...	....	হাধীরের ধাত্রীমাতা ।

ভৈরবীগণ, নর্তকীগণ, বাইজীগণ, দম্বালাগণ ইত্যাদি ।

## কানাইলালের সাকল্যযুগিত জনপ্রিয় নাটকাবলী

**রামরাজ্য**—পৌরাণিক নাটক। আৰ্য্য অপেরায় অভিনীত। রাম-রাজত্বের প্রধানতম ঘটনার বিবরণ, রাজ্যে অকালমরণ, গণ-আন্দোলন, তৎপ্রতিকারার্থে শূদ্রতপস্বী শম্বুক-সংহার, সীতার বনবাস, রামচন্দ্রের অশ্ব-মেধ-যজ্ঞ, লব-কুশের যুদ্ধ, শম্বুক-পত্নী তুন্দ্রহার আশ্রয় প্রতিহিংসা, সীতার পাতাল প্রবেশ প্রভৃতি ঘটনা নাট্যকাব্যের ঐন্দ্রজালিক লেখনী স্পর্শে সঞ্জীবিত। এরূপ করুণ রসাত্মক নাটক যাত্রাজগতে বিরল। মূল্য ২'৫০ টাকা।

**চক্রা**—পৌরাণিক নাটক। বজ্রন অপেরায় অভিনীত। আৰ্য্যদেবী কালব্যবনের রহস্যময় জন্মবৃত্তান্ত, ঋষি গার্গ ও গোপার সম্মানপালনে উদ্ভ্রান্ত ভ্রমণ, অনাযাগ্যহে পালিত কালের জন্ম-পরিচয় শ্রবণে অভিজাত্যের দাবী, যাদব কড়ক প্রত্যাখ্যাত কালের আৰ্য্যবিদ্বেষ, জরাসন্ধসহ মিলন ও মথুরা অভিযান, চক্রীর ছলনায় মুচুকুন্দ কড়ক কালব্যবন ধ্বংস। মূল্য ২'৫০ টাকা।

**দেশের দাবী**—অভিনব গণনাট্য। প্রসিদ্ধ রজন অপেরায় অভিনীত। অত্যাচারী ধনিক ও শাসকেব শাসন ও শোষণেব চাপে নিরীহ শান্তিপ্রিয় প্রজাগণেব মাথার উপর দিয়া দে প্রলয়ের বাহা পতিয়া গিয়াছে, তাহারই মর্ম্মস্থদ অভিব্যক্তি এই “দেশেব দাবী”। দেশে জেগে উঠলো গণ-আন্দোলন—তাবা বুঝতে শিখলে নিজেব ভালমন্দ—অত্যাচারেব নিকড়ে বুক ফুলিয়ে দাডালো দেশের দাবী নিয়ে। ঘটনাব ঘাত-প্রতিঘাতে হাসি-কান্নার সংমিশ্রণে দেশাত্মবোধের জীবন্ত চিত্র। মূল্য ২'৫০ টাকা।

**চাষার মেয়ে**—ঐতিহাসিক নাটক। রাস্তা অপেরায় অভিনীত। মহারাণা সংগ্রাম সিংহের কৃষ্কজালে জড়িতা চাষার মেয়ের মর্ম্মস্থদ কাহিনী। রাঠোর-রাজকুমার কড়ক মেবাররাজকুমারী রত্নমালা হরণ, রাঠোর ও মেবারে দারুণ সংঘর্ষ, চন্দ্রাওয়ের প্রতিহিংসা, সবিতার নির্ধ্যাতন, বাদলের অমায়িক কার্য্যকলাপ, বাকী বীরবাহিনীর মহত্ব ইত্যাদি। অল্পলোকে সহজে শ্রবণ অর্জন হয়। মূল্য ২'৫০ টাকা।

**দলমাদল**—প্রেমভক্তিমূলক ঐতিহাসিক নাটক। সুপ্রসিদ্ধ রজন অপেরায় অভিনীত। নারায়ণদত্ত ভাস্কর পণ্ডিতের বাংলায় অভিযান, দেশ-ব্যাপী হাফাকার, নবাব আলিবর্দীর প্রজাপাংসলা, মোহনলাল ও যুবরাজ কৃষ্ণসিংহের বীরত্ব, মীর দ্বিগের বিশ্বাসঘাতকতা, বিষ্ণুপুররাজের মদনমোহনে অটল বিশ্বাস, মদনমোহন কড়ক দলমাদল কামানে অগ্নি সংযোগ ও বর্গী বিতাড়ন প্রভৃতি। সৌখীন সম্প্রদায়ের উপযোগী। মূল্য ২'৫০ টাকা।

— \* ( ) \* —

**ଅଥବା ଦୃଶ୍ୟ ।**

গীতকণ্ঠে ভৈরবীগণের প্রবেশ ।

### ভৈরবীগণ ।—

ଗୀତ ।

জয় ভবেশ্যামিনী                  পতিতপাবনী,  
      মৃগুমালিনী কালিকে ।  
ভবানী ভবদারা,                  গতিমা সারাসায়া,  
      শিবানী শঙ্করী নগেন্দ্রবালিকে ।  
অস্থিকে অভয়া,                  বরদা মহামায়া,  
      তারি ত্রিনয়নী কমলমালিকে ।  
মহিমমন্দিনী,                  দক্ষুজদলনী,  
      অসুরনাশিনী ভুবনপালিকে ।

[ প্রশ্নান

## তাত্ত্বিক পুরোহিত ও রণলালের প্রবেশ ।

পুরোহিত । দেবী কপালিনী এতদিন পরে  
 চাহিলেন মুখ তুলি আমাদের পানে ,  
 তাই তাঁর আশিস-করণাধার  
 তব শিরে হইল বসিত ।  
 দম্যদল, ভূতপূর্ণ দলপতি  
 একযোগে সবে মনোনিীত  
 করিল তোমাঘ  
 নবীন সর্দার বলি ।  
 শুভ অভিমুখে ত  
 আগোজ্ঞ চামুণ্ডাপূজার --  
 স্নানক্ষণ নিষ্কলঙ্ক শিশু  
 বলি দিতে দেবীর উদ্দেশে ।  
 তা অলুচবগণ সংগ্রহ করেছে বলি,  
 বলি অস্ত্রে সবার গোচবে  
 পরাইব ললাটে তোমাঘ কপিব তিলক,  
 পূর্ণ রূপে অভিমুখ-ক্রিয়া ।  
 বণলাল । অভিমুখে শিশু বলিদান  
 বসি কি মোদের প্রভু ?  
 পুরোহিত । যুগ যুগ ধনি এই রীতি  
 দম্যর কল্যাণ তবে আসিতেছে চলি,  
 তাই দম্যদল-প্রতি  
 স্প্রসন্ন চামুণ্ডা জননী ।

বিশ্বয় মানিছ আমি  
যুক্তিহীন প্রশ্ন শুনি তব ।  
সর্দাবের গোরণ-আসন  
চিরকাম্য দস্যুর জীবনে ;  
সে আসনে অভিমিত্ত হইবে তুমি,  
এ কি দুর্দলতা তব ?  
এ কি প্রশ্ন দহ্মাণ্ডক পাশে,  
আদেশ বাহার বিনা বাক্যব্যয়ে  
অবনতশিবে নিয়ত পালন কবে  
ভক্তিভাণে সবে ?

রণল'ল ।

ক্ষমা কব দেব !  
দহ্মাদলে কবিদ্য প্রবেশ,  
বাহুধল বুদ্ধিধল চাতুর্বী-কৌশলে  
করেছি অজ্ঞান স্নেহ বৃদ্ধ সন্দেহেব,  
পুরস্কাব তার আজ  
এই শুভ অভিসেক ।  
কিন্তু প্রভু ! রাতি-নীতি অজ্ঞাত আমার,  
তাই হীনবুদ্ধি দাস  
হয়েছিল কোতূহলী জানিতে পিধান ।  
অজ্ঞানের অপরাধ  
গুরুপাশে মার্জনীয় চিরদিন ।

পুরোহিত ।

প্রীত আমি বাক্যে তব, করিলাম ক্ষমা ;  
কিন্তু সাবধান !  
মনে রেখো নীতি-বাক্য সাব—

গুরু কিম্বা সর্দারের ঠাই  
প্রশ্ন করা নিতান্ত গর্হিত ।  
যাক্—ব'য়ে যায় শুভক্ষণ,  
কর ত্বরা বলি-আয়োজন ।  
ততক্ষণ পূজা শেষ করি আমি ।

রণলাল । যথাদেশ প্রভু !  
অজ্ঞাত বিধান মোর,  
ভরি তাই, ক্রটি পাছে হয় ।

[ প্রস্থান ।

পুরোহিত । [ পূজায় বসিলেন । ]

গীতকণ্ঠে প্রেমানন্দের প্রবেশ ।

প্রেমানন্দ ।—

গীত ।

রূপের খনি তুই জননি, কোথায় সে রূপ হারিয়ে এলি ?  
রক্তলোভে রক্তমুখি, আপন মুখে মাগ্‌লি কালি ॥  
রক্ত নিয়ে করিস্ পেলা, প'রে নরমুণ্ডমালা,  
খেয়ে লাজের মাধা বিবসনা, কোন্‌ দ্রুবে ঘর ছেড়ে এলি ?  
ণবের বৃকে নৃগ্যপরা, পদন্তরে টলছে ধরা,  
আপনহারা আনবপানে ত্রিনয়নে আগুন ঝালি ॥

[ প্রস্থান ।

বালক চন্দনকে লইয়া রণলালের প্রবেশ ।

চন্দন । তুমি আমায় এখানে নিয়ে এলে কেন ?

- রণলাল । কেন আনিষাছি ?  
মূৰ্খ শিশু ! দেবী তোরে করেছে আহ্বান ।
- চন্দন । এত ভাগ্যবান আমি,  
দেবী মোবে কবেছে আহ্বান ?  
কিস্ত কেন—কোন্ প্রয়োজনে ?
- রণলাল । চেয়ে দেখ্ অন্ধ শিশু দেবীর মুরতিপানে,  
রক্ত-আঁখি ধন্থ-পঙ্ক জলে,  
বক্ত-লালসায় লঙ্-লঙ্ কবিছে রসনা,  
তাই শবাসনা কবি বক্তপান  
নরমুণ্ডমালা পরিয়াছে আপনাব গলে ।
- চন্দন । এই দেবী—ভয়ঙ্করী মুরতি যাহাব ?  
রক্তপিষাসিনী বামা!—সে কখনো দেবী নয়,  
নিশ্চয় রাক্ষসী সে !
- রণলাল । রসনা সংযত কর্ অশিষ্ট বালক !  
দেবীনিন্দা না আনিম্ মুখে ।
- চন্দন । তোমরা সকলে পূজা কর এই দেবতার ?  
মূৰ্ত্তি দেখি যার অন্তর কাঁপিযা ওঠে,  
আমি যাইব না সেই দেবতার ঠাই ;  
দাও মোরে পাঠাইয়া জননীর পাশে ।
- রণলাল । ওই তো জননী মূৰ্খ, করালিনী জগতজননী ।  
ভাগ্যবান্ তুই, তাই এসেছিস্ মোর ঠাই  
শুভক্ষণে বলিঙ্গপে আজি ।  
জননী ডেকেছে তোরে,  
রক্ত তোর করিবেন পান ।



চন্দন ।

মাতা করে বক্তৃপান নিজ সন্তানের,  
এ কেমন মাতা ?  
কখনো সে মাতা নয়, রাক্ষসী—ডাকিনী ।  
আমি যাইব না সেই বাক্ষসীর পাশে ;  
থুলে দাও বাঁধন আমাব,  
যাই আমি আব কাছে ।  
ভান না হোমবা, আমারে না দেখি  
মাতা মোব কত না কাঁদিছে !  
ছেড়ে দাও—ওগো ছেড়ে দাও—

রুণলাল ।

আমি নাই ছেড়ে দিব বলি !  
স্থিৰ হ'য়ে দাড়া এইখানে  
যতক্ষণ পূজা নাহি শেষ হয় ;  
তাবপব সব তুংখ সব জ্বালা  
সকল ভাদনা ত্রোব  
শেষ হয়ে একটি নিমিসে ।

পুরোহিত ।

[ পূজা শেষ করিয়া উঠিলেন । ]  
পূজা সাদ্ধ হইয়াছে মোর ,  
প্রস্তুত কি বলি ?  
তবে বুখা কেন কালক্ষয় ?  
নাও—থড়া নাও !  
আম শিশু, মাথা দে রে হাড়িকাঠে ।

চন্দন ।

কেন ? কেন মাথা দিব হাড়িকাঠে ?

পুরোহিত ।

বক্ত চাই তোব  
মিটাইতে জননীর শোণিত-পিপাসা ।

চন্দন ।      শোণিতপিবাসী যদি তোমার জননী,  
তুমি কেন দাও না শোণিত  
নিজ বক্ষ চিবি মিটাইতে মাতার পিপাসা ?  
পুৰোহিত ।    প্রগল্ভ বালক !

বসনা সংযত কব,  
রাখ মাথা হাড়িকাঠে ।

চন্দন ।      আমি রাখিব না—

### গীত ।

একের রক্তে গড়া ছেলে, মা কি বে তার রক্ত পাষ ?

কিসের নেশায জ্ঞান হারালি, রাধাসী সাঙালি মাঘ ॥

যে মার নামে বিপদ কাটে,

সেই মাকে পাওয়াস ছেলে কেটে,

হ'যে মাথের ছেলে চুল্লি না মা, দিলি কালি ঢেলে মা নামটায ॥

পুৰোহিত ।    প্রগল্ভতা বাপ্ বালক !—হাড়িকাঠে মাথা দে !

রণলাল !    গজা নাও । কি, এখনও দাড়িয়ে বইলি যে ?

[ পুৰোহিত বলপূর্বক চন্দনের মাথা বুপকাঠে লাগাইয়া

দিল, চন্দন “মা—মাগো” বলিয়া কাতব

আর্তনাদ কবিধা উঠিল । ]

পুৰোহিত ।    আব কেন রণলাল !

কব খড়্গাঘাত মাতৃনাম স্মরি,

শিশুবন্ধ অঞ্জলি পূবিয়া

দেবীরে উৎসর্গ কর, তাবপর

ললাটে তোমার পরাইয়া শোণিত-তিলক

শুভ অভিষেক-ক্রিয়া করি সমাপন ।

রণলাল । [ খড়্গ উত্তোলন করিয়া ] জয় মা চামুণ্ডে—

[ রণলাল খড়্গাঘাত কবিরাব উদ্যোগ করিল, ঠিক সেই মুহূর্তে

হাঙ্গীর ছুটিয়া আসিয়া বাধা দিল । ]

হাঙ্গীর । [ কঠোবস্বরে ] খড়্গ নামাও রণলাল ।

রণলাল । কাব আদেশে ?

হাঙ্গীর । আমাব আদেশে ।

রণলাল । জানো, সর্দাবেব উপব আদেশ করবার অধিকাব কারো নেই ? সকলেই সর্দাবেব আজ্ঞাদীন !

হাঙ্গীর । আমি সেই মীমাংসাই করতে চাই রণলাল ! সর্দারী পাবার যোগ্যতা কার আছে, তোমার না আমার ? তবে তার আগে রোধ করতে চাই ওই শিশুহত্যা । যদি ভাল চাও, খড়্গ নামাও ।

পুরোহিত । তা হয় না হাঙ্গীর ! দেবতার নামে উৎসর্গ করা বলিকে মুক্তি দেওয়া মহাপাপ ।

হাঙ্গীর । নির্দোষ শিশুকে হত্যা করার চেয়ে মহাপাপ নয় পুরোহিত ! আমি এ হত্যা করতে দেবো না । ওঠো বালক, মুক্ত তুমি ! মা রাক্ষসী নয় যে সন্তানরক্ত পান করবে ! মা জগজ্জননী—চিরমঙ্গলময়ী—চিরশ্রেয়ময়ী—চিরমমতাময়ী । [ চন্দনকে যুগকাষ্ঠ হইতে টানিয়া তুলিল । ]

রণলাল । তোমার এ আচরণের অর্থ কি হাঙ্গীর ?

হাঙ্গীর । অর্থ আগেই বলেছি । আগে মীমাংসা হ'য়ে যাক—সর্দারী পাবার যোগ্যতা কার আছে—তোমার না আমার ? তারপর অভিষেকের অনুষ্ঠান, তার আগে নয় ।

রণলাল । কিন্তু আমি বুদ্ধ সর্দারের মনোনীত—

পুরোহিত । দস্যুদলও বণলালকে অভিবাদন জানিয়ে বৃদ্ধ সর্দারের নির্বাচন মেনে নিয়েছে ।

হাঙ্গীর । কিন্তু আমি মেনে নিই নি ; তখনও প্রতিবাদ করেছি, এখনও করছি । শুধু প্রতিবাদ নয়, আজ তার মীমাংসা করতে এসেছি দ্বন্দ্বযুদ্ধে । রণলাল ! অস্ত্র ধর ।

রণলাল । তা হয় না হাঙ্গীর । তুমি বৃদ্ধ সর্দারের স্নেহের নিধি । তোমাব অপরাধ অমার্জনীয় হ'লেও তোমার গায়ে অস্ত্রাঘাত করতে পারবো না । তোমাব এ ঔদ্ধত্য, তোমাব এ বিদ্রোহের কথা সর্দারকে জানানো—

হাঙ্গীর । সে অবসর তোমায় দেবো না রণলাল ! থাকুন পুরোহিত তাঁর অভিষেক-সম্ভার নিয়ে ঐখানে দাঁড়িয়ে—এই দ্বন্দ্ব-যুদ্ধের শেষ পর্য্যন্ত অপেক্ষা ক'বে । নাও, ধব—অস্ত্র ধব ।

রণলাল । ভাবী দস্যুদলপতিকে ক্ষেপিও না হাঙ্গীর ! অনর্থ হবে ।

হাঙ্গীর । আমি সকল অনর্থের জগাই প্রস্তুত রণলাল । অস্ত্র ধর—আত্মরক্ষা কব !

রণলাল । মৃত্যুকে স্মরণ কর তবে হাঙ্গীর ! [ উভয়ের যুদ্ধ ]

বেগে বৃদ্ধ সর্দার চিমনলালের প্রবেশ ।

চিমন । এ কি করছো হাঙ্গীর—এ কি করছো রণলাল ? তোমার শুভ অভিষেকের মধুময় ক্ষণে কনিষ্ঠ ভাইয়ের সঙ্গে দ্বন্দ্বযুদ্ধে প্রবৃত্ত হয়েছ ? ছিঃ-ছিঃ-ছিঃ !

রণলাল । এতে আমার অপরাধ নেই সর্দার !

হাঙ্গীর । আমি রণলালকে দ্বন্দ্বযুদ্ধে আহ্বান করেছি পিতা !

চিমন । কারণ ?

হান্দীর । একটা অগাধ নির্বাচনের প্রতিকূলে দাঁড়িয়ে আমি প্রমাণ করতে চাই নিজেব শ্রেষ্ঠত্ব এং দেখাতে চাই সর্দাবী পদ লাভ করতে আমি যোগ্যতব কি না । আব সঙ্গে সঙ্গে ঘোড়াতে চাই আপনার—

চিমন । অবিচার—কেমন ? অবিচার নয় হান্দীর ! যোগ্যতায় তুমি সর্বশ্রেষ্ঠ হ'লেও আমি তোমায় ডাকাতের সর্দার হ'তে দেবো না ; কাবণ, সে সর্দাবী তোমার জন্ত নয় ।

হান্দীর । এর অর্থ ?

চিমন । অর্থ তোমাব অভিজাত্য—তোমার জন্ম—তোমার পিতৃপুণ্যেব গৌরব তোমার প্রতিপলে ।

হান্দীর । এ কি হেয়ালী পিতা ?

চিমন । তোমার দেহে বাজবক্ত, হীন দস্যরক্তে তোমাব জন্ম যে হয় নি হান্দীর !

হান্দীর । তবে কি—তবে কি আপনি আমার পিতা নন ?

চিমন । না—

হান্দীর । তবে আমার পিতা কে ?

চিমন । মল্লভূমির ভূতপূর্ব অধীশ্বব তোমাব পিতা ।

হান্দীর । সর্দাব !

চিমন । মল্লভূমিব সিংহাসনেব গায়া অধিকাবী তুমি—রাজা স্ববথ নয় ।

হান্দীর । এতদিন আমার এ কথা বলেন নি কেন ?

চিমন । তুমি শোন্বার যোগ্যতা লাভ কর নি বলে ।

হান্দীর । এ কি সমস্তা ! এ আমার কি শোনাতে সর্দার ?

চিমন। এখনও কিছু শোনাই নি বৎস! সব শোনাবো তোমায়; শুনতে শুনতে তোমার সমস্ত দেহ বোমাঙ্কিত হ'য়ে উঠবে—মগজের বক্তৃতা টগবগ ক'বে ফুটতে থাকবে—হৃদয়ে প্রতি-  
হিংসার আগুন দাউ-দাউ ক'বে জ্বলে উঠবে।

হান্সার। যখন পিতাকে জানি না—কখনও চোখে দেখেছি  
চ'লে মনে হয় না, তখন আপনিই আমাব পিতা, আব আমিও  
দস্যুর সম্মান লোকত্রাস নৃশংস দস্যু।

চিমন। তুমি আমার পুত্রাধিক বৎস! আমার পরিচয় শুনবে  
কুমার? আমি তোমার পিতার সামান্য একজন দেহবক্ষী ছিলাম।  
ঔপাতিশত্রুর গুপ্ত ছবিকাব হাত হাতে একদিন তোমাব পিতাকে  
বক্ষা করেছিলুম, প্রতিদানে পেয়েছিলুম তার অকৃত্রিম ভালবাসা;  
কিন্তু এতখানি স্থখ আমাব সইলো না। সেনাপতিব গুপ্ত চক্রান্তে  
জন্মের মত আমাদেব ত্যাগ ক'বে তোমাব পিতা চ'লে গেলেন  
জীবনেব পরপাবে, আব প্রতিশোধ নেবার জন্য নিজের হাতে গড়া  
দলে সর্দারী নিয়ে দেহবক্ষী আমি চিন্ময়—হ'লুম দস্যুসর্দাব চিমনলাল।

হান্সার। তারপর?

চিমন। আরও শুনতে চাও?

হান্সার। আমি শুনবো—আমি শুনবো—

চিমন। শুনবে যদি, আমার সঙ্গে এসো। বণলাল! আজকের  
মত অভিষেক-ক্রিয়া বন্ধ বইলো। তুমিও আমাব সঙ্গে এসে  
বণলাল! পুৰোহিত! দেবীমন্দিরের দ্বার রুদ্ধ ক'রে দাও।

[ সকলের প্রস্থান।

## দ্বিতীয় দৃশ্য ।

কুশভূগাধিপ স্বধীরথের দিলসকল ।

নর্তকীগণ নৃত্যগীত করিতেছিল, স্বধীরথ ও  
বটুকেশ্বর সুরাপান করিতেছিল ।

স্বধীরথ । গাও—গাও, গীতের ঝঙ্কারে ফিরিয়ে নিয়ে এসো  
আমার সেই পিছে ফেলে আসা মনুব যৌবন ।

নর্তকীগণ ।—

## গীত ।

ধর হে প্রাণের বঁধু, স্বধার আঁধার অধরে ।

তোমারই তরে সখা তোমারই তরে

যতনে এনেছি কত আদরে ।

জদয-আসন রেখেছি পাতিয়া,

বসো হে, শ্রিয় হে, সখা হে, আসিরা ;

প্রেম-বারিষি উছলিত, যৌবন মুকুলিত,

এসো হে তুষিত, তুষিব তোমারে ॥

বটুকেশ্বর । বহুত আচ্ছা—বহুত আচ্ছা !

স্বধীরথ । বহুত আচ্ছা কিসে ?

বটুকেশ্বর । তাইতো ! তবে বহুত বিলী ।

স্বধীরথ । বিলী ? এমন মধুর গান তোমার কাছে বিলী  
হ'লো ?

বটুকেশ্বর । আজ্ঞে একশোবার মধু । কিন্তু হুজুর বল্লেন যে বহুত আচ্ছা নয় !

সুবীরথ । আমি বলেছি, তার একটা মানে আছে ।

বটুকেশ্বর । থাকবেই ত ?

সুধীরথ । এই আমি যে মল্লভূমির রাজা না হ'য়ে কুশদুর্গাধিপতি, এরও একটা মানে আছে ।

বটুকেশ্বর । থাকতেই হবে ।

সুবীরথ । জানো, কেন আমি রাজা হইনি ?

বটুকেশ্বর । রাজা হ'লে আর দুর্গাধিপতি হওয়া চলবে না— তাই ।

সুধীরথ । কেন ? রাজা হ'লে কি আর দুর্গাধিপতি হওয়া চলে না ? আমি বলছি চলে—

বটুকেশ্বর । নিশ্চয়ই চলে—গড়গড় ক'রে চলে ।

সুধীরথ । মূর্থ ! এ গাড়ী নয় যে গড়গড় ক'রে চলবে ! এ রাজনীতি । আমি হ'তে পারতুম মল্লভূমির রাজা, কিন্তু তখন হই নি, এবং একটা গভীর মানে আছে । দাদাকে বসিয়ে দিলুম রাজসিংহাসনে—কেন জানো ?

বটুকেশ্বর । আপনি বসিয়ে দিলেন ব'লে তিনি বসলেন ।

সুবীরথ । কতকটা বুঝেছ, কিন্তু মানেটা কিছু বুঝতে পার নি ।

বটুকেশ্বর । আজ্ঞে, ঐ মানে ছাড়া সব বুঝতে পারি ।

সুবীরথ । তুমি ছাই বোঝো !

বটুকেশ্বর । হুজুর বুঝিয়ে দিলেই বুঝতে পারি ।

সুবীরথ । আচ্ছা, বুঝিয়ে দিচ্ছি এ রাজনৈতিক বিষয় । [ নর্তকীগণের প্রতি ] তোমরা একটু অন্তরালে যাও—



বটুকেশ্বর । বেশী অন্তরালে যেও না কিন্তু, যেন ডাকলেই এসো !

[ নর্তকীগণের প্রস্থান ।

স্বদীরথ । তুমি দাঁড়িয়ে রইলে যে ?

বটুকেশ্বর । তাহ'লে মানেটা বুঝবে কে হুজুব ?

স্বদীরথ । কুট রাজনীতির মানে কাবো গোঝাবার সাধ্য নেই মূর্খ, যতক্ষণ না আমি একটু একটু ক'রে বুঝিয়ে দিই । কিন্তু যদি আমি না বুঝিয়ে দিই, কি করতে পার ? কিছুই পার না—কেমন ? বেশ, তবে চুপ করে দাঁড়াও, আমি খুব একটু একটু ক'রে বুঝিয়ে দিচ্ছি । এই দাদাকে সিংহাসনে বসালুম—কেন বসালুম ?

বটুকেশ্বর । অজ্ঞে তিনি বাজা হ'লেন ব'লে ।

স্বদীরথ । রাজা অগ্নি হ'লেই হ'লো । এট মল্লভূমিতে তখন রায়মল্ল বাজা—কৌশলে তাকে পৃথিবী থেকে সরিয়ে দেয়া হ'লো । তার ছিল একটা এক বছরের ছেলে, ছেলেরা যেন কপূরের মত উবে গেল । কেউ বললে তাকে নদী বা জলে ফেলে দেয়া হয়েছে—কেউ বললে আমার অন্তরে বা তাকে টুকুরো-টুকুরো ক'বে কেটে—  
[ ইন্দিরাভিনয় ] বাস্ ! বুঝেছ ?

বটুকেশ্বর । অজ্ঞে বাস্ !

স্বদীরথ । ছাউ বুঝেছ !

বটুকেশ্বর । অজ্ঞে, কতকটা বুঝেছি ।

স্বদীরথ । সেই ভাল ; যখন রাজা নও, তখন এসে রাজনৈতিক ব্যাপারের কতকটা গোকাউ ভাল । যাক্—এখন সিংহাসনটা বার হ'বে মনে করছো ?

বটুকেশ্বর । অজ্ঞে রাজার ।

স্বদীরথ । সে রাজা কে ?

বটুকেশ্বর । আজ্ঞে যার হাতে রাজদণ্ড—মাথায় রাজছত্র, তিনি ।

স্বদীরথ । সেই তিনিটাই আমি—বুঝেছ ?

বটুকেশ্বর । আজ্ঞে হ্যাঁ, বুঝেছি—সেই তিনিটাই আমি ।

স্বদীরথ । আমি—মুখ—আমি ।

বটুকেশ্বর । আজ্ঞে হ্যাঁ—আমি ।

স্বদীরথ । [ বটুকেশ্বরের কান ধবিয়া ] আমি ।

বটুকেশ্বর । ও—আপনি ? এইবার বুঝেছি ।

স্বদীরথ । কিন্তু কেমন ক'রে ?

বটুকেশ্বর । তাইতো, আপনি কেমন ক'বে ?

স্বদীরথ । দাদাব অবর্তমানে—যহেতু তিনি অপুত্রক ; বুঝেছ ?

বটুকেশ্বর । ও, এতক্ষণে ঠিক বুঝেছি । কিন্তু—

স্বদীরথ । এতে আর কিছু নেই—একেবাবে প্রবসত্য ।

বটুকেশ্বর । কিন্তু—

স্বদীরথ । আবাব কিন্তু ?

বটুকেশ্বর । কিন্তু তাব আগে যদি হজুরব একটা ভাল মন্দ হয় ?

স্বদীরথ । দাদা তো বার্ডকো পা দিবেছেন, আর একটু এগুলোই—বুঝেছ ?

বটুকেশ্বর । আজ্ঞে, পা পিছলে পেছিয়ে আস্তেও তো পারেন ।  
আর হোঁচট খেয়ে আপনিও এগিষে পড়তে পারেন—

স্বদীরথ । ঠিক ! আমি তা ভাবি নি—

বটুকেশ্বর । তাহলে এখন থেকে ভাবুন হজুর !

স্বদীরথ । শুু ভাবনা নয় বটুক, এর একটা উপায় ঠাওরাতে হবে ।

বটুকেশ্বর । এর আর ভাবনা চিন্তে কি হজুর ? সে গতাহু-  
গতিক ছাড়া অগ্র পথ আর কোথায় ?

স্ববীরথ । তবু—তবু ভাবতে হবে বটুক !

বটুকেশ্বর । বেশ তো, আপনি দেদার ভাবুন, আমি ততক্ষণ  
নাচনেওয়ালীদের ডাকি—

স্ববীরথ । না—না, ও সব জগ্গাল এখন দূরে সরিয়ে দাও ।  
আমায় ভাবতে হবে—উপায় স্থির করতে হবে—

### গোলাম মহম্মদের প্রবেশ ।

গোলাম । কিসের উপায় বন্ধু ?

স্ববীরথ । আরে এসো—এসো বন্ধু ! বড় শক্ত সমস্যায় পড়েছি ।

বটুকেশ্বর । বেজায় ঘোরালো হজুর !

গোলাম । তোমার ঐ ঘোরালো সমস্যাটা কি বন্ধু ?

বটুকেশ্বর । ততক্ষণ নাচনেওয়ালীদের ডাকি হজুর, আমাদের  
অতিথি-হজুরের সন্দর্ভনা করতে ?

স্ববীরথ । তাই ডাকো বটুক ! [ বটুকেশ্বরের প্রশ্নান ] সমস্যা  
বড়ই ঘোরালো বন্ধু ! আমি ভাবছিলুম—

গোলাম । কি ভাবছিলে বন্ধু ?

স্ববীরথ । ভাবছিলুম, এক মাতৃগর্ভে জন্মগ্রহণ ক'রে দাদা হ'লো  
মল্লভূমির অধীশ্বর, আর আমি একজন সামান্য দুর্গাধিপ ! কেন  
এমনটা হয় ?

গোলাম । সেট! তোমার নসীব বন্ধু !

স্ববীরথ । নসীবের দোহাই দিয়ে নিশ্চিন্ত থাকে, যে অসমর্থ—  
হুর্বল—মূর্থ । আমি কেন নসীবের উপর নির্ভর ক'রে পছুর মত

ব'সে থাকুবো? শুধু ব'সে থাকা নয়, আজ্ঞাকারী ভৃত্যের মত আমায় মল্লভূমির অধীশ্বর স্বরথমল্লের আদেশ পালন করতে হবে প্রতি মুহূর্তে! কেন? কেন আমি তা করুবো? আমি নিজে শক্তিহীন নই; একটা বিপুল বাহিনী আমার ইচ্ছিতে চলে ফেরে। ইচ্ছা করলে তাদেব সাহায্যে এক নিমেষে স্বরথমল্লকে ঐ মল্লভূমির সিংহাসন থেকে হাত ধ'রে টেনে নামিয়ে দিতে পারি। করি না, শুধু ভাই ব'লে!

গোলাম। তোমাদের কেতাবে আছে “ভাই ভাই—ঠাই ঠাই!” সেটা বুঝি কাজে দেখাতে চাও?

স্বধীরথ। সেটা কি অগ্নায়?

গোলাম। যুগধর্ম্মে অগ্নায় নয় বটে, তবে বিবেকের সঙ্গে পবামর্শ ক'রে দেখলে বুঝবে বন্ধু, সেটা অগ্নায়।

স্বধীরথ। কেন অগ্নায়?

গোলাম। তোমার বিবেককে জিজ্ঞাসা কর; তা ছাড়া আরও একটা কথা আছে বন্ধু!

স্বধীরথ। কথা! কি কথা বন্ধু?

গোলাম। কথাটা এই—রাজ্যপরিচালনার সমস্ত গুণ না থাকলে কেউ রাজা হ'তে পারে না; তাই দাউদ খাঁ বাংলার নবাব—আর আমি তার সেনাপতি। তোমার বিষয়টাও ঠিক ঐ রকম।

স্বধীরথ। তুমি কি বলতে চাও, আমি নিগুণ?

গোলাম। আমি তা বলি নি, আমি বলছি, হয় তো তুমি রাজোচিত সকল গুণের অধিকারী নও।

স্বধীরথ। কেমন ক'রে বুঝলে?

গোলাম। ঠিক বুঝি নি বন্ধু! তবে যা দেখছি, তাতেই অনুমান করছি।

স্বধীরথ । তুমি ভুল ক'চ্ছে বন্ধু ! আমি তোমার এ ভুল ভেঙ্গে দেবো ; যদি প্রয়োজন হয়, বন্ধুর সহায়তা হ'তে বঞ্চিত হবো না ।

গোলাম । জ্বায়ের সহায়তা করতে আমি সর্ব্বাই প্রস্তুত বন্ধু !

### বটুকেশ্বরের পুনঃ প্রবেশ ।

বটুকেশ্বর । নাচ'নেওয়ালীরা আদেশের অপেক্ষায় বাইরে অপেক্ষা করছে ছজুর !

স্বধীরথ । নিয়ে এসো—নিয়ে এসো বটুক ! বন্ধুর উপযুক্ত ভাবে সম্বর্দনা কর—নৃত্যগীতের ফোয়ারা ছুটিয়ে দাও ।

বটুকেশ্বর । কই গো অঙ্গুরীর দল, চ'লে এসো—চ'লে এসো—

### গীতকণ্ঠে নর্তকীগণের পুনঃ প্রবেশ ।

নর্তকীগণ ।—

### গীত ।

এ নব বসন্তে এসেছি ওগো প্রিয়, দিতে উগহার ।

প্রাণের কথা আজি গানে গানে, মিলন-হরের স্বাক্ষার ॥

চোখে চোখে কথা নীরব ভাষা,

প্রাণে আকুলতা ভালবাসা,

গানের ছন্দে মিলিব আনন্দে উঠুক উখলি হিয়া-পারাবার ॥

বটুকেশ্বর । থাম্লে কেন—থাম্লে কেন, চালাও—চালাও !

গোলাম । থাক্ বটুক ! আমি আর অপেক্ষা করতে পারবো না । নর্তকীদের যেতে বল ।

[ স্বধীরথের ইঙ্গিতে নর্তকীগণের প্রস্থান ।

গোলাম । শোন বন্ধু ! আমি এসেছিলুম দাউদসার উৎসবে

তৃতীয় দৃশ্য । ]

বীর হাঙ্গীর

যোগদান করবার জন্ত তোমাদের নিমন্ত্রণ করতে । এখন বল বন্ধু !  
রাজা সুরথমল্লকে নিমন্ত্রণ করবার ভার তোমার উপর দিয়ে যাবো,  
না তাঁর সঙ্গে সাক্ষাৎ করতে আমাকেই যেতে হবে ?

সুধীরথ । এ ক্ষেত্রে তোমার যাওয়াটাই সঙ্গত ব'লে মনে করি  
বন্ধু !

গোলাম । সেটা আবহাওয়া দেখেই অনুমান করেছিলুম বন্ধু !  
আচ্ছা, আদাব—

সুধীরথ । এখান থেকেই আদাব কেন বন্ধু ? চল, তোমায়  
একটু এগিয়ে দিবে আসি—

[ সুধীরথ ও গোলাম মহম্মদের প্রস্থান ।

বটুকেশ্বর । এঃ—সব ভেস্তে গেল ! যত সব বদরসিকের দল !

[ প্রস্থান ।

তৃতীয় দৃশ্য ।

প্রাসাদ-অলিন্দ ।

রাজা সুরথমল্ল চিন্তিত মনে পদচারণা করিতেছিলেন ।

সুরথ । দিন যায়, পল দণ্ড গ্রহর দিবস করি

কত মাস, কত বর্ষ

ডুবে গেছে অতীতের কোলে !

কত বিবর্তন ঘটিয়াছে সৃষ্টির উপর !

আমি আছি সেই সহচরী চিন্তারে লইয়া,

যাপি দিন অশান্তির মাঝে !  
 রাজকাৰ্য্য রাজনীতি ল'য়ে  
 কেটে যায় দিন কোনরূপে ; কিন্তু হায় !  
 তন্দ্রাহীন নিশা সাথে ল'য়ে আসে যেন  
 শত শত অমঙ্গল অনূত ভাবনা—  
 ভীতিপূৰ্ণ অলীক স্বপন !  
 কি যেন এক অজানা আতঙ্কে  
 ক্ষণে ক্ষণে কেঁপে ওঠে হিয়া ।  
 যেন কোন অশরীরী বাণী  
 নিরত কহিছে মোর কর্ণের দুয়ারে  
 রহিতে সতর্ক সদা ।  
 কেন—কেন হেন অঘটন ?  
 ও কে ?

ধীর পদবিক্ষেপে পাগলিনীর প্রবেশ ।

কে তুমি, কে তুমি নারি ? গভীর নিশায়  
 অতিক্রমি রুদ্ধ তোরণের দ্বার  
 রাজপুরে কেমনে আসিলে তুমি ?  
 নাহি কি একটা রক্ষী বাধা দিতে তোমা ?  
 পাগলিনী ! বাধা ? কে দিবে আমারে বাধা ?  
 মল্লভূমিমাঝে কার শক্তি এত ?  
 এই রাজপুত্রীমাঝে মোর নিত্য আসা যাওয়া !  
 রাজকর্মচারী যত ভক্তি করে জননী-অধিক,  
 ভীত দ্রুত আমারে দেখিয়া ;

নাহি জানি কি ভাবে তাহারা—  
 কি আমি তাদের ঠাই !  
 পিশাচী, প্রেতিনী কিম্বা রাক্ষসী ভাবিয়া  
 আতঙ্কে সরিয়া যায় !  
 তবু আমি মা—তাই ছুটে আসি  
 খুঁজিতে আমার সেই নাড়ীহেঁড়া ধন ।  
 পার কি—পার কি বলিতে তুমি  
 কোথা মোর আনন্দ-হুলাল ?

স্বরথ । আহা, পুত্রহার! অভাগিনী  
 উন্মাদিনী ফিরে বামা পুত্রশোকে ।  
 রাজপুত্রীমাঝে  
 পুত্র তব আসে নাই উন্মাদিনি !  
 বৃথা কেন এসেছ হেথায ?  
 মনোআশা না পূরিবে তব ।

পাগলিনী । কি বলিলে ? পূরিবে না মনোসাধ মোর ?  
 আসিবে না মার কাছে সন্তান হইয়া ?  
 মিথ্যাকথা ! এইখানে আছে সে লুকায়ে ।

স্বরথ । কি কহিছ উন্মাদিনি ?  
 অসংযত প্রলাপ বচন রাজার সম্মুখে  
 নহে সমীচীন কভু ।  
 গণ্য হবে গুরু অপরাধ বলি,  
 রাজার বিচারে দণ্ড পাবে স্ননিশ্চয় !

পাগলিনী । রাজা ? কেবা রাজা ?  
 তব্বর অধম তুমি, দুঃখিনীর সর্বস্ব হরিয়া



সাদুতার ভাণে জগত ভূলাতে চাও ?

সত্যসন্ধ রাজা যদি তুমি,

বল স্বরা আমা পানে চেয়ে,

এ কোন্ মূরতি তব,

রাজা কিম্বা তরুরের ?

আরো বল—

দুঃখিনী'ব হিয়া হ'তে হৃৎপিণ্ডখানি

কোন্ নৃশংস তরুর

অকালে ছিনায়ে নেছে ?

স্বরথ । উন্মাদিনি ! যাও স্ববা রাজপুরী হ'তে,

নাহি মোর অবসর

শুনিতে তোমাব এই প্রলাপ বচন ।

পাগলিনী । দিবে না ফিরায়ে পুত্রে ?

স্বরথ । কোথা পুত্র তব ? কারে দিব ফিরে ?

যাও—যাও, অহেতু না বাড়াও জ্ঞান ।

পাগলিনী । দিলে না ? দিলে না ফিরে আমার আনন্দ-  
পুত্তলীকে ? কিন্তু পারবে না তাকে লুকিয়ে রাখতে চিরদিনের  
যত ! মায়ের ডাক সে শুনতে পাবেই ! মাতৃহারা শিশু মায়ের  
ডাক শুনে যখন ছুটে আসবে, জগতের কোন শক্তি তখন পারবে  
না তাকে ধরে রাখতে । ওঃ—বাপ রে !—বাপ রে আমার !  
আয়—ফিরে আয়—

[ প্রস্থান ।

স্বরথ । অতীতের স্মৃতি তো একেবারে মুছে যায় নি ! মুছে  
ফেলতে হবে—অবিলম্বে মুছে ফেলতে হবে !

## কল্যাণীর প্রবেশ ।

কল্যাণী । কি মুছে ফেলবে বাবা ?

স্বরথ । ও কিছু নয় মা ! রাজনীতিক্ষেত্রে একটা কালির দাগ পড়েছে, সেটা মুছে ফেলতে হবে কি না, তাই ভাবছি !

কল্যাণী । কালির দাগ ? তোমার জীবনের সঙ্গে তার কোন সংস্রব আছে না কি বাবা ?

স্বরথ । না—না, আমার জীবনের সঙ্গে সংস্রব থাকবে কেন ? তবে রাজনীতির সঙ্গে—তা সে যাই হোক, মমতাময়ী নারী তুই, তোরা যে কুটিল রাজনীতির বাইরে ! এর জগ্ন তোকে মাথা ঘামাতে হবে না ।

কল্যাণী । তুমি এখনো ঘুমোও নি—এখনো ঐ রাজনীতি নিয়ে মাথা ঘামাচ্ছে ?

স্বরথ । এইটাই যে রাজ্যাব প্রধান কর্তব্য মা ! তুই আবার এত রাতে উঠে এলি কেন ? যা—বিশ্রাম করুগে—

কল্যাণী । তুমিও তো ঘুমোও নি বাবা ?

স্বরথ । ঘুমিয়ে পড়ি । কিন্তু স্বপ্ন আমায় ঘুমুতে দেয় না, স্বপ্নের সঙ্গে রাজনৈতিক আলোচনা করতে করতে ঘুম ভেঙ্গে যায় ।

কল্যাণী । চল দেখি, আমি তোমায় ঘুম পাড়িয়ে দিই, দেখি—কেমন ঘুম ভাঙে—

স্বরথ । আর কি তা সম্ভব হবে . মা ? স্নেহ-বৃন্দেব বাইরেটা শিশুর আবরণ দিয়ে ঢাকতে চেষ্টা করলেও অন্তঃসারণ্য অন্তরে সে শিশুর সারল্য কোথায় ?

কল্যাণী । ভুলে যাচ্ছে কেন বাবা, আমি যে তোমার সত্যি-

কাবের মা ; মায়ের কোলে ঘুমন্ত শিশুর ঘুম ভাঙে শুধু মায়ের ডাকে—জগতের রাজনৈতিক কোলাহলে নয়।

স্বপ্ন। কিন্তু সেও ছিল এগ্নি মা ! সেও তার শিশুকে এগ্নি ক'বে ঘুম পাড়িয়েছিল, কিন্তু ঘুমন্ত শিশুর ঘুম তো ভেঙ্গে গেল সেই রাজনীতির কোলাহলে ; কি করতে পারলে তার মা ? না—না, পেবেছে বৈকি—অনেকখানি পেবেছে, সে তো কেড়ে নিয়েছে একজনের ঘুম—মনের শান্তি—অন্তরেব সব স্বপ্নটুকু ! স্বপ্ন শান্তি সবই যদি গেল, তবে রইলো কি ? মৃত্যুর আবরণে ঢাকা জীবন ? মূল্য কি সে জীবনের ? যার জীবনের মূল্য নেই, তার আবার বাজ্য-ঐশ্ব্যের মূল্য কি ? চাই না—কিছু চাই না, আমি সব ফিরিয়ে দেবো ! উন্মাদিনি ! ফিরে আয়—ফিরে আয় !

কল্যাণী। কে উন্মাদিনী ? কাকে ডাকছে বাবা ?

স্বপ্ন। এ্যা—সত্যি তো ! কাকে ডাকছি ? কে উন্মাদিনী ? দেখলি মা, তবু এখনো ঘুমুই নি। তুই আমায় ঘুম পাড়াবি বলেছিস, তাতেই এই জাগ্রত স্বপ্ন ! ঘুমলে কি হবে, বুঝতে পারছিস মা ? ওঃ—সে আবণ্ড ভীষণ ! আমি ব'লেই স'বে আছি, তুই তা সহিতে পারবি নি। তুই যা মা—পালিষে যা—

কল্যাণী। তোমায় ছেড়ে আমি যাবো না বাবা ! তোমায় ঘুম পাড়াবো—পাশে ব'সে থাকবো—তোমার ওই চিন্তাকে কাছে ধেসতে দেবো না।

স্বপ্ন। পারবি নি মা, কিছুতেই পারবি নি ! সে তো ছিল ঠিক এগ্নি সজাগ প্রহরীর মত, কিন্তু পারলে না ! চতুর তরুর ঠিক তার চোখে ধুলো দিয়ে নিয়ে গেল—রাজনীতির কোলাহল তাকে কেমন বিভ্রান্ত ক'রে দিলে ! এখন বুঝেছে, তাই সে নিত্য

ছুটে আসে ওই কুট রাজনীতির দ্বারে মাথা খুঁড়তে! সবাই তার কাণ্ড দেখে হাসে—সবাই মনে করে এ তার পাগলামী, কিন্তু পাগলামী তো নয়! এ যে গায়ের দাবী! আমি ঠিক বুঝতে পারি, কিন্তু কিছু করবাব যো নেই! এক একবার মনে হয়, সারা পৃথিবীটাকে তোলপাড় ক'বে তাকে খুঁজে নিয়ে আসি—দেনা-পাওনা স্বদে আসলে পাই পয়সা হিসাব ক'বে চুকিয়ে দিই, কিন্তু—

কল্যাণী। কি বলছে বাবা? কার দেনা-পাওনা চুকিয়ে দেবে?

স্বরথ। ওই দেখ্ মা, আবার সেই রাজনীতি! ওই দেনা-পাওনাটাও রাজনীতির। আমার চিন্তা রাজনীতি—আমার স্বপ্ন রাজনীতি—আমার কর্তব্যও ওই রাজনীতি! কুট রাজনীতির কথা তুই কি বুঝবি মা? তুই যা—

কল্যাণী। আমি যাবো না; তুমি চল, আমি তোমায় ঘুম পাড়াই!

স্বরথ। পারবি মা—পারবি তুই আমায় ঘুম পাড়াতে? দেখ্ চেষ্টা ক'বে, যদি রাক্ষসীর হাত থেকে আমায় বাঁচাতে পারি! আমি যে আর সহিতে পারছি না মা!

কল্যাণী। এসো দেখি বাবা, দেখি আমি পারি কি না? নিষ্ঠুর রাজনীতি! বলতে পার বাবা, এ নীতির প্রবর্তক কে?

স্বরথ। রাজাই রাক্ষসীতির প্রবর্তক মা! তাইতো নিজের তৈরী করা বিষ নিজেই আকর্ষণ পান ক'রে এখন গায়ের জালায় ছটফট করছি—শুধু খুঁজে বেড়াচ্ছি একটুখানি শাস্তির প্রলেপ!

কল্যাণী। আমি দেবো তোমায় শাস্তিব প্রলেপ। এখন এসো—ঘুমবে এসো—

[স্বরথমজ্জের হাত ধরিয়া টানিতে টানিতে প্রস্থান।

## চতুর্থ দৃশ্য ।

দস্যসদ্বারের আবাস-সম্বিহিত বেদী-বাঁধানো বৃক্ষতল ।

চিমনলাল ও হান্সীর কথোপকথন করিতেছিল ।

হান্সীর । তারপর ?

চিমন তারপর কি আর বলিব বৎস !

নিমজ্ঞগছে আছানিয়া আপন আলয়ে,

প্রভুদ্রোহী নিশ্বাসঘাতক সেনাপতি

ক্রুর সে স্ববথমল্ল

বধিল পিতাবে তল ।

বৃষ্টি এ যাতনা সহিতে হইবে বলি

স্মৃতিকা-আগাবে বাণি তোমা

লোকান্তরে কবিল প্রয়াণ জননী তোমার

ধাত্রী-অঙ্কে লালিত-পালিত

ক্ষুদ্র শিশু তুমি,

তোমাতে লইয়া যবে ধাত্রীমাতা তব

রাজপুরী ত্যজি বাহিরিল পথে,

ওই ক্রুর স্বরথের চর

বলে তোমা লইল ছিনায়ে ।

পুত্রশোকাতুরা ধাত্রীমাতা তব

আছাড়িয়া পড়িল ডুতলে,

দস্য আমি, অলক্ষ্যে দাঁড়ায়ে

অচক্ষে দেখিছু সব !

কুলিশ-কঠোর হিয়া নির্ধম দস্যুর  
 কি যেন কি অজ্ঞাত মায়ায়  
 সহসা আচ্ছন্ন হ'লো—  
 সিক্ত হ'লো নয়ন-পল্লব ;  
 উৰ্দ্ধ্বাসে ছুটিলাম চরের উদ্দেশে,  
 লইলাম শিশু বলে ছিনাইয়া ।  
 তুমি সেই ভাগ্যহীন শিশু,  
 সেই হ'তে পরিচিত দস্যুর সন্তান বলি ।  
 হাঙ্গীর । তারপর কি করিল ধাত্রীমাতা মোর ?  
 চিমন । তোমারে লইয়া  
 নাহি হ'লো অবসর ফিরিয়া দেখিতে ।  
 চব্বমুখে শুনিয়া সংবাদ  
 পাছে অস্ত্রধারী অহুচরদল  
 একাকী পাইবা মোরে করে আক্রমণ,  
 তাই এহু পলাইয়া অরণ্য-আবাসে !  
 পরে শুনিলাম—বুদ্ধিমান অহুচর  
 এ সংবাদ করিয়া গোপন,  
 শিশুহত্যা করিয়াছে বলি  
 স্বরথেরে জানাইল মিথ্যা সমাচার ।  
 বহুদিন পরে শুনিলাম লোকমুখে—  
 ধাত্রীমাতা তব  
 হইয়াছে উন্মাদিনী পুত্রশোকে ।  
 হাঙ্গীর ওঃ—দুর্ভাগ্য আমার !  
 আমাহারা অভাগিনী জননী আমার

শোকে উন্মাদিনী—বিগতজীবন,  
 পিতা মোর ঘাতকের করে !  
 আর আমি—অযোগ্য তনয় তাঁহাদের,  
 নির্বাক—নিষ্পন্দ—  
 শুধু শুনিতেছি করুণ কাহিনী !  
 শুনি এই নৃশংস কাহিনী  
 এখনও—এখনও  
 রোমাঞ্চিত না হইল দেহ—  
 ছুটিল না রক্তশ্রোত শিরায় শিরায়  
 অগ্নিশ্রোত হ'য়ে ?—  
 ভীমকরে করাল কুপাণ  
 উঠিল না সৌরকরে নিমেঘে বলসি ?  
 পিতা !—পিতা !  
 পায়ে ধরি—রাখ অহুরোধ,  
 অভিষিক্ত কর মোরে সর্দাব-আসনে  
 শুধু নিদ্রিষ্ট কালের তরে—  
 দানিয়া স্বেযোগ মোরে নিতে প্রতিশোধ !  
 ভিক্ষা দাও—ভিক্ষা দাও সর্দারী আমায় !

রণলালের প্রবেশ ।

রণলাল । ভিক্ষা কেন ভাই,  
 আমি দিব সর্দারী তোমায ;  
 কোন বাধা না মানিব—  
 না শুনিব কারো অহুরোধ,

আজ্ঞাবাহী ভূত্যসম  
 আদেশ তোমার করিব পালন ।  
 উৎপীড়ন অত্যাচারে  
 জর্জরিত করি মল্লভূমি  
 প্রকম্পিত কর হাহাকারে !  
 লুপ্তনে হত্যায় দেশ জুড়ে উঠুক ক্রন্দন,  
 মৃতিমান নৃশংসতা-রূপে  
 মল্লভূমে হও আবির্ভূত,  
 তবে যদি পিতৃহত্যা-প্রতিশোধ  
 হয় কথঞ্চিৎ । সর্দার ! সর্দার !  
 দস্যুদল-মুখপাত্র হ'য়ে জানাই প্রার্থনা—  
 দাও অমুমতি,  
 হাঙ্গীরবে বরিতে আজি সর্দারের পদে !

মাঙ্গলিক দ্রব্যাদি লইয়া পুরোহিত, দস্যুগণ ও  
 দস্যুরমণীগণের প্রবেশ ।

চিমন । তোমাদেব সকলেরই কি ওই মত ?  
 সকলে । হাঁ সর্দার, আমাদের সকলেরই ওই মত ।  
 চিমন । তবে প্রতিশ্রুতি দাও হাঙ্গীর, যে উদ্দেশ্য নিয়ে তুমি  
 এই হীনরুত্তি গ্রহণ করছো, সে উদ্দেশ্য যেন কর্তব্যকে পদদলিত  
 ক'রে নৃশংসতায় পরিণত না হয় ।

হাঙ্গীর । আমি প্রতিশ্রুতি দিচ্ছি পিতা !

চিমন । এসো বৎস । আমি স্বহস্তে তোমার মাথায় সর্দারী  
 উষ্মীয় পরিষে দিই—[ তথাকরণ ]



পুরোহিত । ধর বৎস, এই আশীর্বাদী নির্মালা !

[ নির্মালা দিলেন । ]

[ দস্যুরমণীগণ মাজলিক শঙ্খধ্বনি ও অগ্ন্যাগ্ন বাগধ্বনি করিল ;

দস্যুরমণীগণ মালাদি পরাইয়া গাহিতে লাগিল । ]

দস্যুরমণীগণ ।—

গীত ।

কাঁকনের কনকনানি, ও বুনোনি, মিলিয়ে দে লো পাখের ডাকে ।

উলু দিয়ে ফুল ছড়া লো, মনমাতানো গানের কাঁকে ॥

গদীতে বসলো রাজা, আমরা সব বনের প্রজা,

বনফুলে দেনা ঢেকে পালকের আঙুরাথাকে ॥

মাদলের তালে তালে, চলনা সই পা'টি ফেলে,

ভ'রে আনি জলের ঝারি, হোথা ওই নদীর বাঁকে ॥

পাগলিনীর প্রবেশ ।

পাগলিনী । এমন একটা অভিষেক এত সজ্জেকে শেষ ক'রে ফেললে তোমরা ? দস্যু-সর্দারের ললাটে নৃশংসতার চিহ্ন রক্ততিলক কই ? অভিষেকে বলি কই ? শুভ অভিষেক অসম্পূর্ণ থেকে গেল যে ! এসো সর্দার, আমি তোমায় রক্ত-তিলক পরিয়ে দিই—  
[ তথাকরণ ] তরুণ বয়সের কচি মুখখানি—কঠোরতার লেশমাত্র নেই, তুই কি পারবি রে ? যেমন ক'রে নৃশংস দস্যু মায়ের হৃদয় থেকে হৃৎপিণ্ড ছিঁড়ে নেয়, পারবি কি তুই তেমনি ডাকাত হ'তে ? আত্মীয়তার ভাণে বুকে টেনে নিয়ে পারবি কি তুই বুকে ছুরি মেরে তাকে দূরে ফেলে দিতে ?

হাছীর । কে ? কেবা এই উন্মাদিনী ?

ইঙ্গিতে জানায়ে দিল অতীতের  
সেই তীব্র স্মৃতি অন্তরে আমার !  
প্রতিহিংসা-বিষে জর্জরিত বাল।  
উগারিয়া কালকূট  
উত্তেজিত করে মোরে নিতে প্রতিশোধ !  
মুখপানে চেয়ে আকুল আগ্রহে  
আছে মোর উত্তরের প্রতীক্ষায় !  
কি উত্তর দেবো ?  
সম্মতি না প্রতিশ্রুতি ?  
প্রতিশ্রুতি—প্রতিশ্রুতি দিব অভাগীরে ।  
মাগো ! স্পর্শ করি তব চরণযুগল  
করিতেছি পণ—  
ইচ্ছা তব করিব পূরণ,  
যদি সমান উদ্দেশ্য হয় তোমার আমার ।

পাগলিনী । মা বল্লি তুই ! বড় মিষ্টি ডাক—বড় মিষ্টি ডাক !  
ওরে, আর একবার ডাক—আর একবার ডাক, শুনতে শুনতে চ'লে  
যাই, নইলে তোকেও আর দেখতে পাবো না ! আমি যে  
রাক্ষসী—আমি যে রাক্ষসী—আমি যে রাক্ষসী—

[ দ্রুত প্রস্থান ।

হাশীর । কোথা যাও উন্মাদিনি ?  
ফিরে এসো ক্ষণেকের তরে,  
দিয়ে যাও আত্মপরিচয় !  
দোলে প্রাণ সন্দেহ-দোলায়,  
বুঝি এই নারী অভাগিনী ধাত্রীমাতার মোর !

চিমন। ভ্রাস্ত এ ধারণা নিয়ে  
 ছুটিও না উন্মাদ পশ্চাতে ;  
 ভুলে যাবে কর্তব্যের দায়িত্ব আপন—  
 অপূর্ণ রহিবে প্রতিশোধ-পণ।  
 অনন্ত কর্তব্য তব সম্মুখে পশ্চাতে,  
 করিও না বৃথা কালক্ষয় !  
 এসো সাথে—  
 দিব তোমা কর্তব্যের উপদেশ।  
 আর রণলাল ! জানাও সকলে—  
 যেন অস্ত্রধারিগণ রহে দূরে  
 উৎসব হইতে, যোগ দিতে  
 হবে তাহাদের নব অভিযানে  
 নবীন সর্দার বণে করিবে আহ্বান।  
 আব পুরোহিত ! কর তুমি  
 আয়োজন চামুড়াপূজার  
 আজিকে নিশায়।  
 এসো হাদীর—

[ চিমনলাল, হাদীর, রণলাল, পুরোহিত প্রভৃতি চলিয়া গেল,  
 রমণীগণ পুরোহিত উৎসব-গীতি গাহিতে গাহিতে  
 প্রস্থান করিল। ]

# দ্বিতীয় অঙ্ক ।

## প্রথম দৃশ্য ।

রাজসভা ।

### মন্ত্রী ও রঞ্জন কথোপকথন করিতে

মন্ত্রী । তুমি কি বল্ছো রঞ্জন, মিথ্যাবাদী প্রবঞ্চক চিমন সর্দার  
আবার মাথা তুলে দাঁড়িয়েছে ? তার প্রতিজ্ঞার কথা সে ভুলে গেছে ?

রঞ্জন । শুধু মাথা তুলে দাঁড়ানো নয় মন্ত্রিমশায় ! চরমুখে  
সংবাদ পেয়েছি, গত সপ্তাহে তার দল তিনখানা গ্রাম লুঠ করেছে ।

মন্ত্রী । তিনখানা গ্রাম লুঠ করেছে ?

রঞ্জন । এতেই তার অত্যাচারের যবনিকা পড়ে নি মন্ত্রিমশায় !

মন্ত্রী । তার মানে ?

রঞ্জন । মানে, তার অত্যাচারের ফিরিস্তিতে আরও দু এক  
দফা আছে ।

মন্ত্রী । আরও আছে ?

রঞ্জন । রাজকোষের আমানতি দশ হাজার টাকা কুশভূর্গের  
সম্মিকটে লুঠ ক'রে নিয়েছে ।

মন্ত্রী । কি বল্লে রঞ্জন, রাজকোষের আমানতি টাকা লুঠ  
করেছে ?

### স্বরথমন্ত্রীর প্রবেশ ।

স্বরথ । আর কোথায় লুঠ করেছে, সে সংবাদটাও ভাল ক'রে  
শুনে নাও মন্ত্রী !—কুশভূর্গের সম্মিকটে ! চমৎকার সংবাদ ! রঞ্জনকে

পুরস্কার দাও মন্ত্রী! ই্যা, বলতে পার রঞ্জন, এমন কুশল লুঠন কার্যটি সমাধা হয়েছে কি দুর্গাধিপতির বর্তমানে, না তাঁর অস্থগ-স্থিতিতে? দুর্কৃত্তদের বাধা দিতে কি কুশলুর্গে একজনও সৈন্য ছিল না রঞ্জন? রাজকোষের আমানতি অর্থ কি শুধু একটা সামান্য বাহকের দায়িত্বের উপর নির্ভর করা হয়েছিল মন্ত্রী? মল্লভূমেব রাজশক্তি কি একেবারে পঙ্গু হ'য়ে পড়েছে যে, এই সব অত্যাচারী দুর্কৃত্তদের বাধা দিতে একজনও ছিল না? ক্ষুদ্র শিশুর হাত থেকে কাক যেমন মিষ্টান্ন ছিনিয়ে নেয়, দুর্কৃত্তেরা তেমন ক'রে কেড়ে নিলে রাজকোষের অর্থ, অথচ রাজশক্তি দুর্বল, নিদ্রিত কি পঙ্গু, তা ঠিক বোঝা যায় না।

রঞ্জন।        বৃথা অক্লযোগ মহারাজ!  
 দুর্বীর সে অক্রমণ,  
 নিমেষে ভুলশায়ী বক্ষী পঞ্চজন,  
 নিমেষে লুপ্তিত অর্থ ল'য়ে  
 অস্তহিত হ'লে। দস্যাদল।  
 কুশলুর্গ হ'তে যবে  
 সেনাদল আসিল ছুটিয়া,  
 নিশ্চিহ্ন সে দস্যাদল,  
 নিদর্শন শুধু ভূমিগব্যাপবে  
 ছিল পড়ি প্রাণহীন  
 রক্তমাখা দেহ পাঁচটা রঙ্গীর।

সুবর্ণ।        অকর্মণ্য — অকর্মণ্য সব!  
 দুর্গ-সন্নিকটে এ হেন অনর্থ  
 যবে হয়েছে সাধিত,  
 আমি চাই কৈফিয়ৎ দুর্গরক্ষকের।

## স্বধীরথ ও বটুকেশ্বরের প্রবেশ ।

স্বরথ ।            শুনেছ কি দুর্গ-সন্নিকটে  
ঘটিয়াছে অনর্থ ভীষণ ?  
রক্ষাকর্তা বিজ্ঞমানে দুর্গ-সন্নিকটে  
অত্যাচার করে দস্যুদল—  
আমানতি অর্থ লুটে লয়—  
আশ্চর্য্য বারতা !  
কি করেছ প্রতিকার তার ?  
আমি চাই কৈফিয়ৎ তব ঠাই ।

স্বধীরথ ।        কৈফিয়ৎ ? দাদা—

স্বরথ ।            কোন কথা নয়,  
অনিব না কোন অহরোধ—  
চাই আমি কৈফিয়ৎ ।

স্বধীরথ ।        কৈফিয়ৎ ?  
যবে নাহি কোন ক্রটি কর্তব্যপালনে,  
রাজকার্য্যে উৎসর্গ করেছি প্রাণ,  
জ্ঞানে কি অজ্ঞানে  
নহি যবে এতটুকু অপরাধী,  
কেন দিব কৈফিয়ৎ ?

স্বরথ ।            কৈফিয়ৎ নাহি দিবে ?

স্বধীরথ ।        না ।

স্বরথ ।            না ? স্বধীরমল্ল ! জানো তুমি  
কর সনে কর বাক্যালাপ ?

স্বধীরথ ।

জানি ; অবিচারবিক্ষেপে দাড়ায়ে  
করিতেছি বাক্যলাপ অগ্রজের সনে ।

স্বরথ ।

না । ভুলে কেন যাও দুর্গরক্ষি,  
সম্মুখে তোমার মল্লভূম-অধিপতি !

ভ্রাতৃপ্রেম—ভ্রাতৃশ্নেহ—

শ্রদ্ধা-ভক্তি-আদি দুর্বলতা

মানবের গৃহগণ্ডীমাঝে—

সাজে ভাল অভিনয় তার,

কিন্তু রাজ্যরক্ষা কর্তব্যপালনে

সাজে না এ দুর্বলতা ।

তুমি অপরাধী কর্তব্যাহেলনে ;

নিজদোষে করিতে ক্ষালন

যদি নাহি দাও কৈফিয়ৎ,

দিব শাস্তি করিয়া বিচার ।

স্বধীরথ ।

শাস্তি দিবে বিনা অপরাধে ?

চমৎকার ! চমৎকার রাজার বিচার !

চমৎকার কৃতজ্ঞতা !

জিজ্ঞাসি তোমায় মল্লভূম-অধিপতি !

যেই সিংহাসন অধিকার করিয়াছ,

সেই সিংহাসন কেমনে লভিলে তুমি ?

কুট পরামর্শে কার

ভূতপূর্ব মল্লভূম-অধিপতি বিগত জীবন—

অসিদ্ধিত সিংহাসনে তুমি ?

অগ্রজ বলিয়া তোমা

বসায়েছি যেই সিংহাসনে,  
ইচ্ছা হ'লে সেই সিংহাসন হ'তে  
হাত ধ'রে টেনে নামাতেও পারি।  
চাহ যদি আপন মঙ্গল,  
ভুলে যাও শাস্তি-কথা ;  
জেনো স্থির, কৈফিয়ৎ কভু নাহি দিব।

[ প্রস্থানোত্তোগ ]

স্বরথ । কে আছিল, বন্দী কর রাজদ্রোহী  
কতল-অধম দুর্গাধিপে।  
সুধীরথ । ভুলে যাও কেন অতীতের কথা ?  
কেবা রাজদ্রোহী ? আমি না তুমি ?

[ প্রস্থান ।

[ বটুকেশ্বর গমনোত্তোগ করিলে স্বরথমল্ল তাহাকে  
বাধা দিয়া বলিলেন— ]

স্বরথ । দাঁড়াও যুবক !  
বটুকেশ্বর । আজ্ঞে, জীববিশেষকে ছেড়ে দিয়ে তার লেজটা ধ'রে  
লাভ কি ?

স্বরথ । তুমি কে ?

বটুকেশ্বর । আজ্ঞে ওই তো আমার পরিচয় ! আসল যখন  
পগারপার, তখন আর লেজ ধ'রে টানাটানি কেন মহারাজ ? অহু-  
মতি করুন, কুণ্ডলী পাকিয়ে আসলের অন্তঃসরণ করি—

স্বরথ । অপদার্থ !

বটুকেশ্বর । পালাবার সময় কুণ্ডলী পাকানো ছাড়া লেজ আর  
কোন কাজে আসে না মহারাজ ! তা ছাড়া এটাও বোধ হয়



মহারাজের অজানা নয় যে, লেজ কেটে নিলে আসল জীবটা আরও ভয়ানক হ'য়ে ওঠে ।

স্বরথ । দূর হও অপদার্থ !

বটুকেশ্বর । আজ্ঞে এই আমি কুণ্ডলী পাকালুম—

[ প্রস্থান ।

স্বরথ । মন্ত্রী !

মন্ত্রী । মেঘ ঘনিয়ে আসছে মহারাজ ! আমাদের এখন থেকেই প্রস্তুত হ'তে হবে ।

স্বরথ । স্বধীরত্বের এ ঔদ্ধত্য অমার্জনীয় ।

### অপর্ণার প্রবেশ ।

অপর্ণা । কনিষ্ঠের শত সহস্র অপরাধ জ্যেষ্ঠের কাছে চিরদিনই

স্বরথ । কে—অপর্ণা ? তুই কখন এলি মা ?

অপর্ণা । অনেকক্ষণ । আমি সব শুনেছি । বাবার এ ঔদ্ধত্য অগ্রায় হ'লেও তিনি কনিষ্ঠ, আপনি তাঁকে মার্জনা করুন ।

স্বরথ । জীবনে তাকে অনেকবার মার্জনা করেছি মা ! কিন্তু তার এ ঔদ্ধত্য মার্জনা করলে রাজ্যে শৃঙ্খলা থাকবে না—রাজার কর্তব্যপালনে যে ক্রটি হবে মা !

অপর্ণা । তবু তিনি কনিষ্ঠ—

স্বরথ । সহোদর ব'লেই যে তাকে মার্জনা করতে পারছি না : অপর্ণা ! রাজার কাছে রাজকুমারই বল আর রাজ-সহোদরই বল, একজন সামান্ত প্রজার স্থান যেখানে, তাদের স্থানও সেইখানে,—কোন পার্থক্য নেই ।

অপর্ণা । আমার অনুরোধ জেঠামশায়, এবারকার মত পিতাকে  
মার্জনা করুন—[ কাঁদিয়া ফেলিল ।]

স্বরথ । ওকি ! কেঁদে ফেলি যে মা !

অপর্ণা । কাঁদি নি ; কারা এসেছিল, কিন্তু উগ্ধত অশ্রুপ্রবাহ'  
অর্ধ পথেই জমাট হ'য়ে গিয়েছে । আর আমি কোন অনুরোধ  
করুনো না জেঠামশায়—আমি চলুম ! তবে যাবার সময় ব'লে যাই,  
আজ কুশভূর্গের এলাকায় দস্যাব অত্যাচাবেব প্রতিবিধান করতে  
পাবেন নি ব'লে যদি আমার পিতা অপবাদী হন, তাঁকে যদি শাস্তি  
নিতে হয়, তাহ'লে তদিন পবে যখন রাজধানীব এলাকায় দস্যাব  
উপদ্রব হবে, তখন কার শাস্তিব প্রয়োজন হবে, সে বিষয়টাও  
চিন্তা করুনেন মহারাজ ! [ দ্রুত প্রস্থান ।

স্বরথ । অপর্ণাব মস্তিষ্ক নিকৃত হয়েছে মস্তি ! অবিলম্বে তার  
চিকিৎসাব প্রয়োজন ।

রাজী । বুঝেছি মহারাজ ! আমি অবিলম্বেই সে ব্যবস্থা করছি—

## গীতকণ্ঠে যোগময়ের প্রবেশ ।

যোগময় ।—

গীত ।

থাকলে মাথা মাথাব্যথা, নইলে মনের ভুল ।

বোকা হ'য়ে স্মারনা সেজে অকুলেতে পায় না কুল ॥

সঙ্গ সিয়ে বেডায় ঘরে,

দ্বন্দ্ব লটায় ঘরে পরে,

যায় না চেনা আপনজন, ভাবে সবাই সমতুল,

যেমন গোড়াকাটা গাছেতে জল, যায় মাটিতে নাই মূল ॥

[ প্রস্থান ।

স্বরথ । কে এ উদ্গাদ ?

মন্ত্রী । মুখখানা যেন চেনা-চেনা মহারাজ !

স্বরথ । অমন চেনা মুখ সংসারে ঢের আছে মন্ত্রী ! এখন শুধু চাইতে হবে আমাদের কর্তব্যের দিকে—ও সব চেনা মুখের কথা ভুলে গিয়ে । উপস্থিত স্বধীরথের উপর নজর রাখতে হবে । আর পরওয়ানা পাঠাও বৃদ্ধ চিমন সর্দারের কাছে, সে যেন অবিলম্বে দরবারে হাজির হয় । আমি জানতে চাই, এ লুঠের ব্যাপারে সে সংশ্লিষ্ট আছে কি না ? আর একবার সৈন্যধ্যক্ষকে—না, থাক, সেনাবাসে আমি নিজেই যাচ্ছি ।

[ অগ্রে স্বরথমল্ল, পশ্চাৎ মন্ত্রীর প্রস্থান ।

## দ্বিতীয় দৃশ্য ।

কুশভূগ—স্বধীরথের বিলাসকক্ষ ।

### স্বধীরথ ও বটুকেশ্বর ।

স্বধীরথ । তারপর কি হ'লো বটুক ?

বটুকেশ্বর । আমিও পরিষ্কার জানিয়ে দিলুম হজুর, লেজ কেটে দিলে জীববিশেষ দুর্দান্ত হ'য়ে ওঠে ।

স্বধীরথ । মানে ?

বটুকেশ্বর । মানে আমাকে আটক করেছিল ব'লে ।

স্বধীরথ । তাতে লেজকাটার কথা আসে কোথেকে ?

বটুকেশ্বর । আজ্ঞে, আমি তো হজুরের লেজ—চব্বিশ ঘণ্টাই পেছনে পেছনে থাকি ।

স্বধীরথ । ও—হাঃ-হাঃ-হাঃ ! আমি কিন্তু এ অপমানের যোগ্য প্রতিশোধ নেবো বটুক !

বটুকেশ্বর । আজ্ঞে, তা তো নিতেই হবে ।

স্বধীরথ । আমি বাংলার শাসনকর্তা দায়ুদলার সাহায্য প্রার্থনা করে পত্র লিখেছিলুম—পত্রের উত্তরও পেয়েছি ; তিনি পাঠাচ্ছেন তাঁর একান্ত বিশ্বাসী অতুল গোলাম মহম্মদকে,—গোলাম মহম্মদ আজই এসে পৌঁছবেন ।

বটুকেশ্বর । ও, তাই বুঝি এই বিলাসকক্কটা এমনভাবে সুসজ্জিত করা হয়েছে ! তাহ'লে নর্তকীদের ডাকি হজুর ? এখন থেকেই খাঁ সাহেবের অভ্যর্থনার মহলা চলুক !

স্বধীরথ । চলবে বটুক—চলবে ! আমি নগরসীমান্ত হ'তে স্বয়ং তাঁকে সম্বর্জনা করে নিয়ে আসবো । আহাধ্য, পানীয়, বিলাস-উৎসবের সমস্ত উপকরণ তুমি প্রস্তুত রাখবে । দেখো—যেন তাঁর খাতিরের এতটুকু ক্রটি না হয়—বুঝেছ ?

বটুকেশ্বর । আজ্ঞে বুঝেছি ।

স্বধীরথ । কি বুঝেছ ?

বটুকেশ্বর । আজ্ঞে তাঁর খাতিরের যেন এতটুকু কসর না হয় । এই আহাধ্য, পানীয়, নাচনেওয়ালী, সবই তৈরি রাখতে হবে । তবে হজুর ! বল্ছিলুম কি—

স্বধীরথ । কি বলতে চাও ?

বটুকেশ্বর । বল্ছিলুম, পানীয়ের মাত্রাটা একটু বেশী করে প্রস্তুত রাখলে আর খাত্তের ভাবনাটা ভাবতে হয় না—হজুরেরা তখন লম্বা ফরাসে দেদার গড়াবেন ! লালচোখে চলনসই নাচনেওয়ালীতেই চলে যাবে ।

হুদীরথ। হাঃ-হাঃ-হাঃ! বেশ, তাহ'লে সব প্রস্তুত রেখো, আমি যাচ্ছি তাঁদের অভ্যর্থনা ক'বে নিয়ে আসতে।

বটুকেশ্বর। আর একটা কথা হুজুর—

হুদীরথ। না, আর কোন কথা নয়—সমস্ত প্রস্তুত থাকে যেন!

[ প্রস্থান।

বটুকেশ্বর। চিন্তার বিষয় হ'লো! আগে হোন্টা করি? নাচনে-ওয়ালীদের ডাকবো, না খাণ্ড-পানীয়েৰ ব্যবস্থা করবো? তাই করি—আগে নাচনেওয়ালীদের ডাকি—না, আগে হুকুম করি খাণ্ড-পানীয়েৰ ব্যবস্থা করতে; না—না, আগে নাচনেওয়ালী, না—খাণ্ড-পানীয়ে—  
[ ভিতর-বাহির করিতে লাগিল। ]

### অপর্ণার প্রবেশ।

অপর্ণা। এই যে মাজবর সেনানায়ক বেঁটে ভৈরব মশায়, আপনাকে অভিবাদন করি। তা আপনি এমন ঘর-বাব করছেন কেন?

বটুকেশ্বর। না—না, ও কিছু না! দুর্গাধিপতির আদেশের কোন্টা আগে পালন করবো, তাই ভেবে দেখছিলাম! কিন্তু আমার তো ও নাম নয়; আমার নাম বটুকেশ্বর—দুর্গাধিপ আমায় বটুক ব'লেই ডাকেন।

অপর্ণা। একই কথা হ'লো; বটুকেশ্বর আর বেঁটে ভৈরব প্রায় সমান বল্লেই হয়। তবে আপনার মনটা একেবারে হিমালয়ের মত উচু—প্রাণটা বকের মত সাদা; এ সব দেবতাদেরই হয়, তাই আপনাকে দেবতাজ্ঞানে ভৈরব ব'লে ডাকতে ইচ্ছা হয়।

বটুকেশ্বর। আমি তো সেনানায়ক নই!

অপর্ণা। আপনি সেনাও বটেন, আবার নায়কও বটেন ! আমি বোঝাতে পারছি নে। নইলে আপনাকে দেখবার জন্তে স্নযোগের একটি ক্ষুদ্র মূর্ত্তের প্রতীক্ষা করতে মন যেন উদ্গ্রীব হ'য়ে ওঠে।

বটুকেশ্বর। [ স্বগত ] এই কেলেকারী করলে দেখছি ! বলে—  
উদ্গ্রীব হ'য়ে ওঠে !

অপর্ণা। কি ভাবছেন ?

বটুকেশ্বর। ভাবছি আপনি—তুমি যা বললে, তা সত্যি ?

অপর্ণা। মিথ্যা বলে লাভ ? আর আমাকে আপনি কেন, তুমিই বলবেন।

বটুকেশ্বর। 'তুমি' বলো ? হে—হে, তা বেশ—তা বেশ !

অপর্ণা। তা অমন চন্মন্ করছেন কেন ? বাবা এখনই এসে পড়বেন না তো ? কোথায় গেছেন ?

বটুকেশ্বর। সে জন্তে চিন্তা নেই। তিনি গেছেন গোলাম মহম্মদ খাঁ সাহেবকে অভ্যর্থনা ক'বে আনতে—তিনি আসছেন কিনা !

অপর্ণা। দায়ুদসাব দক্ষিণ হস্ত সেই গোলাম মহম্মদ খাঁ ?

বটুকেশ্বর। ঠিক বলেছ ; তুমিও জানো দেখছি !

অপর্ণা। জানি ; কিন্তু তিনি কি জন্ত আসছেন ?

বটুকেশ্বর। তোমার বাবাই তো তাকে আসবার জন্তে পত্র লিখেছেন।

অপর্ণা। তাঁকে আনবার উদ্দেশ্য ?

বটুকেশ্বর। ও সব রাজনৈতিক ব্যাপার ! তুমি স্বীলোক—বিশেষ বালিকা—তোমাকে বলতে পারবো না।

অপর্ণা। বলবেন না ? ও, আমিই শুধু আপনাকে দেখবার জন্তে স্নযোগ খুঁজি, আর আপনি আমায় এতটুকুও ভালবাসেন না ?

বটুকেশ্বর । [ স্বগত ] কেলেকারী করলে দেখছি ! [ প্রকাশে ]  
না—না, কিছু মনে করো না ; তোমাকে বলতে আমার বাধা নেই,  
তবে তুমি যদি কথাটা প্রকাশ না কর—

অপর্ণা । সে ভয় করবেন না ; আমি পেট আলগা মেয়ে নই ।

বটুকেশ্বর । বটে—বটে—বটে ! তবে আব কি—শোন ; ব্যাপার  
বড় স্ববিধের নয় । দাদার কাছে অপমানিত হ'বে তোমার বাদা  
চান ওর সাহায্যে মল্লভূমির সিংহাসনখানি দখল কর্তে—তাই এই  
আয়োজন ।

অপর্ণা । বটে ! [ প্রস্থানোত্তোগ ]

বটুকেশ্বর । চ'লে যাচ্ছে ?

অপর্ণা । ই্যা ।

বটুকেশ্বর । একটা কথা জিজ্ঞাসা করবো ?

অপর্ণা । স্বচ্ছন্দে ।

বটুকেশ্বর । তুমি আমায় সত্যি ভালবাসো ? আমায়—আমায়—  
কিসের মত দেখ ?

অপর্ণা । ভালবাসি না ? বাবার অন্তরঙ্গ বন্ধু আপনি, আপনাকে  
ভালবাসবো না ? আর দেখি বাবার মত তেমনি ভক্তি ও শ্রদ্ধার  
চোখে । [ প্রস্থান ।

বটুকেশ্বর । কেলেকারী করলে দেখছি ! অপর্ণা ! অপর্ণা ! শুন্ছো ?

[ অপর্ণার পশ্চাৎ পশ্চাৎ গমন ।

অপর দিক দিয়া গোলাম মহম্মদখাঁ ও সুধীরথের প্রবেশ ।

সুধীরথ । আহ্নন—আহ্নন—আসতে আজ্ঞা হয় । সঙ্গীদের  
ছাউনীতে না রেখে এ গরীবখানায় আনুলেই হ'তো !

গোলাম । উপায় নাই দোস্ত ! উপস্থিত যখন একটা এত বড় গোপনীয় পরামর্শ, তখন ও সব ঝামেলা না থাকাই ভাল ।

স্বদীরথ । মেহেরবাণী আপনার ! বটুক !—বটুক ! এ আহাম্মুকটা আবার কোথায় গেল ? মজলিস খাঁ-খাঁ করছে—কোন কিছু ব্যবস্থা কবে নি ! বটুক—বটুক !

মদের বোতল ও পাত্র লইয়া বটুকেশ্বরের প্রবেশ ।

বটুকেশ্বর । হুজুর—

স্বদীরথ । অপদার্থ ! আমার আদেশ কি ছিল ?

বটুকেশ্বর । আজ্ঞে পিনা, খানা, আর নাচনেওয়ালী মজুত রাখতে ! আমি সবই কর্ছিলাম হুজুর, শুধু মাথাটা কেমন গুলিয়ে গেল বলেই সব এলোমেলো হয়ে গেল ।

গোলাম । মাথা গুলিয়ে গেল কেন হে ?

বটুকেশ্বর । কোন্টা আগে চাই, সেটা ভেবে উঠতে পারলুম না বলে । আগে খানা—না আগে পিনা—না আগে নাচ-গানা ? হয় তো এখনও গুলিয়ে যাচ্ছে, তাই বোতলটা এগিয়ে দিতেও ভরসা হচ্ছে না ।

গোলাম । ঠিক আছে বটুকমিঞা ! ঐটাই এগিয়ে দাও !

বটুকেশ্বর । [ পানপাত্রাদি দিল । ]

গোলাম । দোস্ত ! তোমার বটুকমিঞা একটা চীজ্ । বড় ভাল আদমী আছে ।

স্বদীরথ । জনাব, দেলখোস লোক । এবার নাচগানের ব্যবস্থা কর বটুক !

গোলাম । এর কোন্টা আগে চাই, এ নিয়ে আর মাথা গুলিয়ে যাবে না তো বটুকমিঞা ?



বটুকেশ্বর । এ দুটো এক সঙ্গেই চলবে হজুর—হেঁ-হেঁ-হেঁ—

[ প্রস্থান ।

হুদীরথ । আর এক পাত্র চলুক দোস্ত !

গোলাম । চলুক—মন্দ কি ? [ উভয়ে মত্তপান করিতে লাগিলেন । ]

গীতকণ্ঠে নর্তকীগণ এবং সঙ্গে বটুকেশ্বরের প্রবেশ ।

নর্তকীগণ ।—

গীত ।

ওগো শাওন স্নানের অতিথি ।

আজি মশমিশি উজ্জলিত, ফুলদল মুঞ্জরিত,

আকুলিত গন্ধভরা হৃদয়-কানন-বীথি ॥

তোমার মধুর পরণ গেতে

উতল পরাণ উঠছে মেতে,

দিতে তোমার ভালবাসা, স্তনাতে প্রণয়-কীর্তি ॥

যে কথা মনে জাগে

যৌবনের আগে ভাগে,

বুক ফাটে তবু মৃগ ফোটে না, এ কেমন রীতি ॥

গোলাম । তোফা—তোফা—

বটুকেশ্বর । থামলে চলবে না—হজুবকে খুসী করতে হবে । নাও

আর একখানা ধর—

নর্তকীগণ ।—

গীত ।

চোখের নেশা কাটবে নাকে, থাকে যদি প্রাণে আশা ।

ভাঙ্গা ঘুমের ঘোর কাটে না যদি স্বপ্ন করে যাওয়া আসা ॥

প্রাণের ভাবা চোখে কোটে, মরমের বাধন টোটে ;

বলি বলি যায় না বলা, বুকভরা আকুল তৃষা ।

গোলাম । বহুৎ আচ্ছা—বহুৎ আচ্ছা—

সুধীরথ । তোমরা যাও, বিশ্রাম করগে—

বটুকেশ্বর । পাশের ঘরেই থেকো কিন্তু—বুল্লে ?

[ নর্তকীগণের প্রস্থান । ]

গোলাম । খাসা আছ দোস্তু ! তোমার জোর নসীব দেখে হিংসা হয় ।

সুধীরথ । বলেছি তো, তোমারও নসীব ফিরিয়ে দেবো, যদি আমায় সাহায্য কর—

গোলাম । আলবৎ ! মরদকী বাৎ হাতীকা দাঁত । যখন জবান দিয়েছি দোস্তু, কথার এতটুকু নড়চড় হবে না । তোমার কথা ঠিক থাকবে তো ?

সুধীরথ । নিশ্চয়ই !

গোলাম । তাহ'লে জেনে রেখো, মল্লভূমির সিংহাসন তোমার ।

### অপর্ণার প্রবেশ ।

অপর্ণা । আর কি মূল্যে সে সিংহাসন আপনি বাবাকে দিতে চান খান্‌খানান্ ?

গোলাম । [ স্বগত ] এ কি, আস্‌মানের ছরী ! [ প্রকাশে ] হাঁ—কি বুল্লে—মূল্য ? দোস্তির বিনিময়ে ওই সিংহাসন দিচ্ছি তোমার পিতাকে ।

অপর্ণা । ঠিক কি তাই থা সাহেব ? এ দোস্তির মুখ্য উদ্দেশ্য কি মল্লভূমির স্বাধীনতা হরণ নয় ?

স্বধীরথ । অপর্ণা ! তুই এখানে কেন ? যা—ভেতরে যা ! জানিস্ নাকি, একুশ প্রকাশ মজলিসে পুরুলনার আসা শুধু গহিত নয—নিন্দনীয় ?

অপর্ণা । জানি বাবা ! জেনে শুনে সস্ত্রম লজ্জা বিসর্জন দিয়ে আমি এখানে ছুটে এসেছি শুধু তোমার জন্ত । তুমি কি করতে বাচ্ছো বাবা ? তুচ্ছ অভিমানে দিগ্‌বিদিক্‌ জ্ঞানশূণ্য হ'য়ে তুমি এই মল্লভূমির স্বাধীনতা পরের হাতে তুলে দিচ্ছো ? তা হবে না বাবা ! আমি তোমায় তা করতে দেবো না । থা সাহেব ! কিছু মনে করবেন না ! বাবা অন্ধ রাগের পশবর্তী হ'য়ে একটা ভুল কচ্ছিলেন, আমি তা করতে দেবো না । ভাইয়ে ভাইয়ে দ্বন্দ্ব ক'রে নিজেদের শক্তিহীন করতে আমি দেবো না ।

স্বধীরথ । অপর্ণা ! পিতৃদ্রোহিণি বালিকা—

অপর্ণা । আমি পিতৃদ্রোহিণী নই বাবা ! আমি যা করছি, পিতার মঙ্গলের জন্ত ।

স্বধীরথ । মঙ্গলের জন্ত ? আমার মঙ্গল অমঙ্গলের বিম্ব আমি বুঝি, তার জন্ত আর তোকে মাথা ঘামাতে হবে না ; তুই এখান থেকে যা—

অপর্ণা । তা যাচ্ছি ! তুমি কথা দাও বাবা, জ্যোষ্ঠতাতের বিকল্পে তুমি অস্ত্রধারণ করবে না ?

স্বধীরথ । তর্ক করিস্ না অপর্ণা ! যা এখান থেকে—

অপর্ণা । যাচ্ছি ! কিন্তু যাবার সময় ব'লে যাচ্ছি যে, আমি থাকতে এতবড় একটা অগ্নায় তোমায় কিছুতেই করতে দেবো না ।

[ প্রস্থান ।

গোলাম । দোস্ত ! তোমার মেয়েটা একটা রত্ন !

স্বদীরথ । সেটা অস্বীকার করবো না দোস্ত । তবে এ কথাও বলবো, নিজের ভালমন্দের দিকে সে সম্পূর্ণ উদাসীন ।

গোলাম । তাহ'লে আমি এখন উঠি, সন্ধ্যাসময়ে আবার সাফাৎ হবে । আদাব—

[ প্রস্থান ।

স্বদীরথ । বুঝতে পারছি না, হয়তো খাঁ সাহেব অপর্ণা'ব কথায় বিরক্ত হ'য়ে চ'লে গেলেন । আমি আশ্চর্য্য হ'চ্ছি, আমাদের এই গুপ্ত পরামর্শের বিষয় অপর্ণা জানলে কেমন ক'বে ?

বটুকেশ্বর । আমি আদাব একটু বেশী আশ্চর্য্য হ'চ্ছি হুজুব, 'ও জানলে কি ক'রে ?

স্বদীরথ । তুমি কারো কাছে এ কথা প্রকাশ কব নি তো ? তুমি, আমি, আর খাঁ সাহেব ছাড়া এ কথা আর কেউ জানে না ।

বটুকেশ্বর । [ খতমত খাইয়া ] আজ্ঞে আমি—কৈ—না ! ঠিক স্মরণ হ'চ্ছে না তো ! তা ছাড়া ওই খ'না'পিনা আব নাচগানের ব্যাপার নিয়ে আমার কি আব মাথার ঠিক ছিল হুজুব ? নাই দেখি, নাচ নেওয়ালীবা পাশের ঘবেই অপেক্ষা করুছে, না আব কোথাও গিয়ে খুমিয়ে পড়েছে !

[ প্রস্থান ।

স্বদীরথ । বুঝতে পারছি না এ অদৃশ্য শত্রু কে ? অনুসন্ধান করিতে হবে—অনুসন্ধান করিতে হবে—

[ প্রস্থান ।

## তৃতীয় দৃশ্য ।

রাজসভা ।

[ নেপথ্যে ধ্বজকণ্ঠেব কোলাহল শ্রুত হইতেছিল । ]

দ্রুতপদে মন্ত্রী প্রবেশ ।

মন্ত্রী । অতিশয় ক'বে তুলেছে—নিতান্ত অতিষ্ঠ ক'বে তুলেছে ।

রঞ্জনের প্রবেশ ।

রঞ্জন । মন্ত্রীদশাষ !

মন্ত্রী । এত যে বঞ্জন ! কি দেখে এলে ?

রঞ্জন । তে'বণসমীপে সমাগত অগণন প্রজা,  
চারে সবে রাজ-দরশন ।

নাহি জানি,

অছে কিবা আবেদন তাহাদের ।

মন্ত্রী । চিত্ত ক্লিষ্ট মহারাজ শ্রান্তদেহে করেন বিশ্রাম—

উত্থান করিতে মানা ;

বহু বুঝাইয়া তাহাদের,

অবেদন নিবেদন যাহা কিছু

শুনিল পশ্চাতে আহ্বানি সবাবে ।

রঞ্জন । বহু'ব বলিয়াছি—বুঝিয়েছি সবে,

কেহ শুনিলে না কোন কথা ;

এক বাণী সকলেব মুখে—

চারে সবে রাজ-দরশন ।

স্বরথমলের প্রবেশ ।

স্বরথ ।      কাবো আশা অপূর্ণ না রবে—  
জানাও আদেশ মোর ।  
একি বিসদৃশ আচরণ তোমাদের ?  
সহস্র সন্তান মোব অকুল আগ্রহে  
চাহিতেছে দরশন মোর,  
আর কর্তব্যবিমুখ যত রাজকর্মচারী  
রুদ্ধ কবি তোবণের দ্বার  
আছ বসি উদাসীন—বধিরশ্রবণ !  
ভুলে গেছ আদেশ আমার—  
ভুলে গেছ উপদেশ,  
উন্মুক্ত তোরণদ্বার সবাচার তরে  
সন্তান-সমান মোর প্রজার কাবণ ?  
যাও রঞ্জন ! মুক্ত কব তোরণের দ্বার,  
ডেকে আন প্রজাগণে মোর ।

[ রঞ্জনের প্রস্থান ।

অনুমান করতে পার মন্ত্রী, কিসের আবেদন নিয়ে আজ মল্ল-  
ভূমির সমগ্র প্রজা এই তোবণদ্বাবে সমাগত ?

মন্ত্রী । তাদের আবেদন তারা মহারাজ সমীপে বিবৃত করতে  
চায় ।

স্বরথ । কারণ তোমরা শুনতে চাও নি বা শোন্বার জ্ঞান আগ্রহ  
প্রকাশও কর নি, কেমন ? নীরব কেন মন্ত্রী ? উত্তর দাও ।  
তোমাদের উত্তর যে, পাছে মহারাজের বিশ্রামে ব্যাঘাত হয়, এই

আশঙ্কা—কেমন ? তুলে যেও না মস্ত্রি, যে কোন কারণেই হোক  
প্রজা যখন অতিষ্ঠ হ'য়ে উঠেছে, তখন আর রাজার বিশ্বাসের  
অবসর কোথায় ?

### প্রজাগণের প্রবেশ ।

স্বরথ । এসো—এসো বৎসগণ ! তোমাদের অকর্মণ্য রাজা  
তোমাদের আগমন প্রতীক্ষা করছে ।

প্রজাগণ । মহাবাজের জয় হোক !

স্বরথ । জয়গান শুরু কব বৎসগণ ! আগে বল তোমাদের  
প্রয়োজনের কথা ।

১ম প্রজা । মহাবাজ ! দুর্বৃত্ত দস্যব অত্যাচাবে আমবা আজ  
সর্বস্বান্ত !

২য় প্রজা । আমবা ধনে-প্রাণে মারা যেতে বসেছি মহারাজ !

৩য় প্রজা । আমাদের মান-মর্যাদা—আমাদের কুলললনার ধর্ম  
সবই যে যেতে বসেছে মহাবাজ !

৪র্থ প্রজা । তিনখানা গ্রামেব প্রজার তরফ থেকে আমাদের  
ঐ আবেদন মহারাজ !

স্বরথ । এক্ষণে তোমরা চাও তার প্রতিবিধান—কেমন ?  
তোমরা আবেদন করবাব পূর্বেই আমি সে ব্যবস্থা করেছি বৎসগণ !  
দুর্বৃত্ত দস্যবসদ্বারকে শৃঙ্খলিত করে এখানে আনবার আদেশ  
দিয়েছি । তোমরা জানতে পারবে, দুর্বৃত্তদের শাস্তি কিভাবে দিই !  
মস্ত্রি ! ক্ষতিগ্রস্ত প্রজাদেব সমস্ত ক্ষতি পূরণ করে দাও রাজকোষের  
স্বামানতি অর্থ থেকে ।

[ প্রজাগণের প্রস্থান ।

## রক্ষিবেষ্টিত শৃঙ্খলিত চিমনলালের প্রবেশ ।

- চিমন । জানিতে কি পারি মহারাজ,  
কিবা অভিযোগ বিরুদ্ধে আমার,  
যে কারণ বিনা অপরাধে  
শৃঙ্খলিত করি মোরে  
আনিয়াছে হেথা রাজ-অহুচরণ ?
- স্বরথ । অভিযোগ ? শোন নাই অভিযোগ-কথা ?  
গুরুতর অভিযোগ বিরুদ্ধে তোমার ।  
অধীনস্থ দস্যদল তব  
কুশতুর্গ-সন্নিবর্ত হ'তে  
করেছে লুণ্ঠন আমানতি অর্থ দশহাজার ।  
শুধু তাই নয়—বধিয়াছে রক্ষী পঞ্চজনে ।  
তুমি দস্যদলপতি,  
তাই তোমা আনিয়াছে আদেশে আমাব  
বিচারের হেতু ।
- চিমন । মিথ্যা অভিযোগ !  
নহি আমি আর দস্য-দলপতি ।  
লুণ্ঠনকাহিনী, নরহত্যা, যা কিছু कहিলে,  
অবিদিত সকলি আমার ।
- স্বরথ । মিথ্যাকথা ! জানো তুমি সব !  
অগোচরে তব এই সব অনাচার  
হয় নাই সংঘটিত ।  
যদি ভাল চাও, कह সত্যবানী—



কে সাধিল হেন অনাচার ?  
 মুক্তি পাবে, সমর্পণ কর যদি  
 ধর্ম্মাধিকরণ-পাশে  
 লুপ্তিত সে অর্থসহ দুর্ব্বৃত্ত দস্থ্যারে ।  
 চিমন । নহে মিথ্যাবাদী কভু চিমন সর্দার ।  
 পুনঃ বলিতেছি—  
 মিথ্যা এই অভিযোগ বিরুদ্ধে আমার ;  
 সকলি অজ্ঞাত মোর !  
 সুরথ । মিথ্যা নয় অভিযোগ ।  
 যদি বাজদণ্ড হ'তে মুক্তি পেতে চাও,  
 কহ সত্যবাণী,  
 আনি দেহ ধরি অত্যাচারী সেই  
 দুর্ব্বৃত্ত অধমে,  
 অগ্ন্যায় পাইনে কঠোর শাস্তি ।  
 চিমন । শাস্তিভয়ে মিথ্যা না কহিবে  
 কভু চিমন সর্দার ।  
 ভুল কবিয়াছি—  
 রাজ্যদেশ অমান্য না করি—  
 বাড়ায়ে দিয়েছি কর পরাতে শৃঙ্খল,  
 আসিয়াছি হেথা রাজপদে দিতে নতি  
 তাবি নাই ঘটবে অনর্থ এত !  
 কর রাজা, যাহা অভিরুচি ;  
 মিথ্যা বিনিময়ে  
 মুক্তিক্রয় কভু না করিব ।

- স্বরথ । বলিবে না ?
- চিমন । কি বলিব, জানি নাকো যাহা ?
- স্বরথ । রক্ষিগণ ! কশাঘাত কর দুর্বৃত্তেবে ;  
 দেখি—কতক্ষণ রহে ছুট  
 গোপন করিয়া সত্য !  
 [ রক্ষিগণ কশাঘাত কবিত্তে লাগিল । ]
- চিমন । ওঃ, ভুল—কবিঘাছি মহাভুল !  
 ওঃ—রাজা !
- স্বরথ । বল—বল চিমন সদ্দাব !  
 আনিবে কি পবি সেই দুর্বৃত্ত দস্তাবে ।
- চিমন । না—না—না ।  
 নৃশংস আচাবে পার তুমি লইতে ঐ ন.  
 এর অধিক কিছু না করিতে পাবে ।  
 জেনে রেখো—  
 চিমন সদ্দার মরণে না ভবে,  
 আশা তব কভু না পূরাবে ।
- স্বরথ । শোন রক্ষিগণ ! তীক্ষ্ণ অস্ত্রাঘাতে  
 দেহ এর বিক্ষত করিয়া  
 ছিটাও লবণ তায়,  
 দেখি—কতই সহিতে পাবে !  
 [ রক্ষিগণ অস্ত্রাঘাত করিতে লাগিল । ]
- চিমন । হাঃ—হাঃ—হাঃ !  
 তবু আশা না পূরিবে তব ।  
 কর তুমি চিন্তা আরবার,

যদি কিছু শাস্তি থাকে  
আবে। স্বকঠোর ;  
কিন্তু জেনো স্থির—  
চিমন না আনি দিবে  
তোমাব সকাশে তার  
প্রিয় অন্তরে।

স্বরথ। পুনঃ বলিতেছি, এনে দাও তারে—

সহসা সশস্ত্র হাঙ্গীরের প্রবেশ।

হাঙ্গীর। আনিতে হবে না তারে,  
আপনি এসেছে সেই দস্যু-অন্তর  
সম্মুখে তোমাব রাজ্য !  
কি কবিত্তে চাও তাবে ল'য়ে ?

[ রুক্মিণীকে পদাঘাতে দূরে নিক্ষেপ করিয়া বাহুবেষ্টনে

চিমনলালকে ধরিয়া কহিল—]

এসো পিতা !

কেহ নাহি কেশাগ্র স্পর্শিতে তব।

নৃশংস স্বরণমল্ল !

ভাবিও না পাবে পরিত্রাণ

এইভাবে পাশবিক নির্যাতন করি

দুর্বল বুদ্ধিতে !

পাবে—পাবে এর যোগ্য প্রতিফল !

চ'লে এসো পিতা—

[ চিমনকে টানিয়া লইয়া প্রস্থান :

চতুর্থ দৃশ্য । ]

বীর হাবীর

স্বরথ । ওরে, কে আছি, দুর্বৃত্ত দস্যদের বন্দী কর—বন্দী কর—

[ বেগে প্রস্থান ।

মন্ত্রী । অরাজক—একেবারে অরাজক !

[ প্রস্থান ।

### চতুর্থ দৃশ্য ।

বনপথ—গোলাম মহম্মদের ছাউনি-সম্মুখ ।

### অপর্ণা ও স্থলেখা

স্থলেখা । এ যে দেখছি সেই খাঁ সাহেবের ছাউনি, এখানে তুমি কি মনে করে এলে অপর্ণা ?

অপর্ণা । খাঁ সাহেবের সঙ্গে দেখা করতে ।

স্থলেখা । হিন্দুলনা, কি বলছে। তুমি ? নিস্তক রজনী, তরুণী অনুভূত বালিকা তুমি, খাঁ সাহেবের সঙ্গে একপ নিভৃত সাক্ষাতের উদ্দেশ্য কি অপর্ণা ?

অপর্ণা । তাঁদের আলোষ পড়তে পারিস্ যদি, তাহ'লে প'ড়ে দেখ্ এই পত্র, তাহ'লেই বুঝতে পারবি আমার উদ্দেশ্য কি ! আমি কোন মন্দ অভিপ্রায় নিয়ে আসি নি স্থলেখা ! মল্লভূমির স্বাধীনতা বিক্রয় করতে পিতা আমার বন্ধপরিচর, আমি এসেছি যদি কোনরূপে পারি তাঁর চেষ্টা ব্যর্থ করতে ।

স্থলেখা । [ পত্র লইয়া পড়িতে লাগিল । ] “তেজস্বিনি ! তোমার

সতেজ বাণী, তোমার তেজোদৃপ্ত ভঙ্গিমা, তোমার দেশপ্রাণতা সত্যই আমায় মুগ্ধ করেছে। তোমার পিতা চান মল্লভূমির সিংহাসন, কিন্তু তুমি কি চাও, তা যদি জানতে পারি, তাহ'লে আনন্দের সঙ্গে প্রতিশ্রুতি দিচ্ছি যে, তোমার ইচ্ছা অপূর্ণ থাকবে না—ইতি।  
গুণমুগ্ধ গোলাম মহম্মদ।”

অপর্ণা। কি বুঝলি?

স্বলেখা। বুঝি—এটা যদি তাব সত্যিকাবেব মনেব কথা হয়, তাহ'লে ভাল, নইলে—

অপর্ণা। নইলে?

স্বলেখা। শুনেছি দাউদনা দেবতুল্য লোক, কিন্তু এই গোলাম মহম্মদকে আমার বিশ্বাস হয় না অপর্ণা!

অপর্ণা। তাব কথা শুনে আমার বুকেব ভেতরটা হঠাৎ কেঁপে উঠলো কেন?

স্বলেখা। অপর্ণা! আমি বলি, ফিরে চল—

অপর্ণা। কিন্তু অনেকদূর যে এগিয়েছি ভাই! এখন বুঝি, এগুলোও বিপদ, ফিবে গেলেও বিপদের মাত্রা কম হবে ব'লে মনে হয় না। সেদিনক'ব কথা পিতা আমার ভুলতে পারেন নি, তাব উপর গোপনে গৃহভাগ ক'রে নবাবী ছাউনিতে এসেছি শুনলে পিতা আমায় কখনই গৃহে স্থান দেবেন না। কাজেই এখন খাঁ সাহেবেব সঙ্গে সাক্ষাৎ কবা ছাড়া অন্য উপায় নেই।

### পাগলিনীর প্রবেশ।

পাগলিনী। কাদের ঘর আলো করা রত্ন দুটি তোরা, এমন ক'রে পথে পথে ঘুরছিস? তোদের বুঝি মা নেই? মা থাকলে

কখনো তোদের এমন ক'রে একলাটি ছেড়ে দিতো না—তুটিকে বুকের মাঝে অঁকড়ে ধ'রে রাখতো ।

অপর্ণা । তুমি কে মা ?

পাগলিনী । আমি ? ওই যা এল্লি—আমি মা । কিন্তু লোকে তা মান্তে চায় না, বলে পাগল আমি ।

অপর্ণা । লোকে ভুল করে মা ! নইলে যার বুকে এত স্নেহ, স্নেহেব দুর্বলতায় যে জ্ঞানহারা, যে শুধু একের মা নয়, সকলেব মা ।

পাগলিনী । বড় মিষ্টি—বড় মিষ্টি ! কান যেন জুড়িয়ে গেল ! কোথাও যাস্ নি তোবা—আমাব সঙ্গে আয়, আমি তোদের মা হবো—তুজনকে বুকেব মাঝে অঁকড়ে ধ'বে রাখবো । আয়—আয়, আমাব সঙ্গে আয় !

অপর্ণা । এখন তো আমবা যেতে পারবো না মা ! তবে যদি সে দুদিন আসে, তখন তোমাব সঙ্গিনী হওয়া চাডা আর আমার গতাস্তব থাকবে না ।

পাগলিনী । হ্যা—হ্যা, তাই আসিস্ মা, তাই আসিস্ ! আমি কখনও স্তদিনেব মা হই নি ; মা হয়েছিলুম একজনের—বড় দুর্দিনে মা, বড় দুর্দিনে, তাই সেও মাহাবা—আমিও সন্তানহারা ! তনুও আমি ভোদেব মা হবো দুর্দিনেব, স্তদিনেব নয়—স্তদিনেব নয়—

[ প্রস্থান ।

অপর্ণা । আহা, অভাগিনী সন্তানশোকে উগ্নাদিনী ! তবুও তার মা হবাব সাধ ! এমনি মায়েব প্রাণ !

স্বলেখা । তবে কি ছাউনিতে যাওয়াই স্থির ?

অপর্ণা । যখন অলপথ নেই, আয়—চ'লে আয় !

[ উভয়ের প্রস্থান ।

## গীতকণ্ঠে চন্দনের প্রবেশ ।

চন্দন ।—

গীত ।

কি ব'লে ডাক্‌বে তোমায়, আমার ব'লে দাও ।  
কোন ভাবেতে ভাব'লে তোমায় আপন ক'রে নাও ।  
সবাই ডাকে 'মা' 'মা' ব'লে,  
মা শোনে না ডাক্‌লে ছেলে,  
তবে স্নেহময়ী ব'লে কেন সবার মুখে গুণ গাওয়াও ।

## হাঙ্গীরের প্রবেশ ।

হাঙ্গীর । এমন প্রাণ ঢেলে মাকে তো ডাক্‌ছিস, কিন্তু কি পেয়েছিস্ চন্দন ?

চন্দন । ওমা, পাই নি ? পেয়েছি বৈকি ! এক মায়ের কাছ থেকে কেড়ে নিয়ে আর এক মায়ের কাছে আমার এনেছিল তার। বলি দেবো ব'লে, কিন্তু এ মা নিলেন না—আবার ফিরে গেলুম সে মায়ের কাছে ; গিয়ে শুনলুম, সে মা আর নেই—আমি মা-হারা পথের ভিড়ুক । আবার ফিরে এলুম এ মায়ের কাছে—মায়ের দয়ায় পেলুম মহতের আশ্রয় ! তবে আর পাই নি কি বলুন ?

হাঙ্গীর । এ মহৎটা কে চন্দন ? আমি ? আমি তো একজন নরহন্তা হীন দস্য !

চন্দন । মার মুখে শুনেছি, দস্যও দেবতা হয় ; ঋষিশ্রেষ্ঠ বান্ধীকিও দস্য ছিলেন ।

হাঙ্গীর । যাক্ ওসব কথা ; যা দেখতে তোকে পাঠালুম, তার সম্বন্ধে কতদূর কি জেনেছিস্ বল দেখি ?

চন্দন । সেই কুশভূর্গের মেয়ে ছুটি এই পথ ধরে ঐ নবাবী ছাউনির দিকে গেল ।

হাঙ্গীর । নবাবী ছাউনির দিকে ?

চন্দন । হ্যাঁ ।

হাঙ্গীর । তাদের সঙ্গে আর কেউ ছিল ?

চন্দন । কেউ নয় ।

হাঙ্গীর । [ স্বগত ] এত নীচে নেমে গেছে

মল্লভূমে হিন্দুকুলবালা ?

গভীর নিশাথ

চলিযাচ্ছে গুপ্ত অভিসারে !

কিন্তু উদ্দেশ্য তাদের অতীত ?

আকস্মিক নবাবী ছাউনি

মল্লভূমি-সীমান্ত-প্রদেশে,

নিশাকালে গতিবিধি

হিন্দুললনার সেথা !

তবে কি এ ষড়যন্ত্র ?

ভূগাধিপ করিয়াছে আমন্ত্রণ

নবাবের চমু আক্রমিতে মল্লভূমি ?

তাই যদি হয়,

পার্থ হবে সঙ্কল্প আমার !

[ প্রকাশ্যে ] চন্দন ।

চন্দন : বলুন—

হাঙ্গীর । পার্বী কি চন্দন, সেই রমণীষয়ের অঙ্গসরণ করতে—  
যখন তারা ছাউনি থেকে বেরিয়ে আসবে ?



চন্দন । কেন পারবো না ?

হান্সর । শুধু অত্মসরণ করা নয়, তাদের উদ্দেশ্য জানতে হবে ।

চন্দন । সেটা ঠিক বলতে পারছি না, তবে চেষ্টা করবো ।

হান্সর । তাই ক'রো । আমি আব অপেক্ষা করতে পারছি নে ; বাবমহলেব খাজাঞ্চীখানা লুণ্ঠ করতে আমার লোকজন অনেকক্ষণ চ'লে গেছে—আমায় সেখানে যেতে হবে ।

চন্দন । বেশ, বান আপনি ! কিন্তু —

হান্সর । কিন্তু কি ?

চন্দন । ওবা যদি ফিরে না আসে ?

হান্সর । প্রভাত পর্যন্ত অপেক্ষা কর্বি, তারপর আড্ডায় গিয়ে আমায় সংবাদ দিবি ।

[ প্রস্থান ]

চন্দন । বেশ—

### পূর্ব গীতাংশ ।

আমি ডাক্তার শুধু 'মা' 'মা' বলে,

চাইবো নাকো যেতে কোলে,

বেরবো পাবাণ ফেটে বেরোষ কিনা সলিলের কণাও ।

[ গাহিতে গাহিতে প্রস্থান ]

## পঞ্চম দৃশ্য ।

ছাউনির অভ্যন্তর—গোলাম মহম্মদের বিলাস-কক্ষ ।

গোলাম মহম্মদ ও তাহার অনুচর বকাউল্লা মদ্যপান  
করিতেছিল এবং বাইজীগণ নৃত্যগীত করিতেছিল ।

বাইজীগণ ।—

### গীত ।

ঘড়ি ঘড়ি পল পল ঝড়কত হায দিল,  
তেরে লিয়ে পিষা তেরে লিয়ে ।  
আখোমে নিদ্ না আওয়ে  
গুজারি রাতিয়া রোয়ে রোয়ে ॥  
নদী-কিনারে বোলত চিড়িয়া,  
বাহা পিষা—মেরে পিষা—  
ছাতিয়া ফাটে, সরমে বোলি না ফোটে,  
আগি জিগরকা কোন্ বুতাওয়ে ॥

গোলাম । বকাউল্লা ! যেতে বল বাদীগণে ।

বকাউল্লা । দেখ, তোমরা এখন এসো— [ বাইজীগণের প্রস্থান ]  
দেরা বাইজী সব, এদেব গান—এদের নাচ কি ভাল লাগলো না  
ছদ্ম ?

গোলাম । নওকীব গানে প্রাণ নাহি পুরে,  
চটুল ভঙ্গিমা আর ললিত কলায়  
কামনা বাড়ায় শুধু—  
তৃপ্তি নাই এতটুকু !

দিবানিশি শয়নে স্বপনে নিদ্রা  
জাগরণে জাগে মনে শুধু  
অপর্ণার তেজোদৃপ্ত মোহিনী মুরতি !  
জগতের সকল সৌন্দর্য হ'তে  
তিল তিল ল'য়ে বৃষ্টি সৃষ্ট এই রূপ !  
সুন্দর সবার চেয়ে সে দৃপ্ত ভঙ্গিমা ।  
অতুলনা—বকাউল্লা !  
ছনিয়ার অতুলনা নারী ।

বকাউল্লা । তাইতো ! এ চিড়িয়াব সঙ্কান কি এদেশে এসেই  
পেয়েছেন হজুর ?

গোলাম । এই মল্লভূমে এই চোখে  
দেখিযাছি তারে, এই কর্ণে  
শুনিয়াছি তার অমৃত-মধুব বাণী—  
লজ্জা পায কোকিল পাশিয়া !  
প্রথম দর্শনে মনে হ'লো  
বোহেস্ত হইতে নামিয়া এসেছে ছবী !  
মুগ্ধ আমি—আত্মহার। আমি ।

বকাউল্লা । এর জন্তে আর চিন্তা কি হজুর ! আদেশ করুন,  
আমি সটাস্ত্রে গিয়ে সে রত্ন লুটে এনে হজুরকে নজরানা দিই !

গোলাম । স্বদুর্লভ সে রতন  
শক্তিতে হবে না লাভ ।

বকাউল্লা । এ আবার কি কথা বলছেন হজুর ? নবাব  
বাদশাদের তো এ রকম হাজার হাজার নজীব রয়েছে হজুর !  
কেউ কান্দার থেকে—কেউ কান্দাহার থেকে, কেউ তুর্কিস্তান

থেকে দিগ্বিজয়ের নিশানা নিয়ে এসেছেন—কত নজরানা পেয়েছেন  
অমন তাবড় তাবড় আসমানের ছরী! এ তো বাংলা মলুকের  
একটা অজানা অচেনা পল্লীবালা!

গোলাম। সুন্দর হও বেয়াদব্!  
কি জানিবি—কি বুঝিবি,  
মূর্থ তুই,—  
কত উচ্চ এর স্থান  
এই সব লুপ্তিত বতন হ'তে?  
যেই সব নাবী করায়ত্ত হয়  
বলে কিনা প্রলোভনে,  
জীবনেব লক্ষ্য তাহাদেব  
আপনার স্বার্থটুকু শুধু।  
নাহি সেথা প্রেমের পরশ,  
হৃদয় তাহাদেব প্রেমহীন মরু!  
আমি চাই—বলে নয়, নহে ছলনায়,  
বুকভরা ভালবাসা দিয়ে  
চাহি তার হৃদয় জ্বিনিতে।

বকাউল্লা। তাইতো হুজুব—। তা হুজুব, শুনেছি তোয়াজে বনের  
বাঘ বশ হয়, আর একটা মেঘে মাকুষ বশ হবে না?

গোলাম। না—না সর্থী! তা হয় না—হবে না—হ'তে পারে  
না।

বকাউল্লা। তবেই তো ফাসাদ দেখছি। হুজুব! দেখছেন  
একজোরা গুর নাম কি—আশমানের ছবী!

গোলাম। এঁ্যা—তাইতো! অপর্ণা!

## অপর্ণা ও স্নলেখার প্রবেশ

গোলাম। আস্থন—আস্থন! বড় মেহেরবাণী আপনার—

অপর্ণা। আপনি আমার পিড়বন্ধু, আমাকে অতটা খাতির করিতে হবে না।

বকাউল্লা। তা কি হয় হজুরাইন? আপনাকে খাতির করবেন হজুর, খাতির করবো আমবা, খাতির করবে দেশভুদু লোক—

গোলাম। চোপরাও বেযাদব! এখানকুথেকে যা—

বকাউল্লা। [ স্বগত ] ইয়া আল্লা! ইনিই কি তিনি নাকি? নইলে হজুরের মেজাজটা একেবারে তেরে কেটে তাক্ হ'য়ে গেল কেন? দেখাই যাক্ আডাল থেকে—কতদূর গড়ায়!

[ প্রস্থান। ]

অপর্ণা। আপনার পত্র পেয়ে আপনাকে মনেব কথা জানাতে এসেছি।

গোলাম। আমিও উদ্গ্রীণ তাই  
মনোভাব জানিতে তোমার।  
লো স্নন্দরি! তব আসাপথ চেয়ে  
আছি ব'সে আকুল আগ্রহে।

অপর্ণা। [ দৃঢ়স্বরে ] থাঁ সাহেব!—

গোলাম। রুষ্ট নাহি হও স্নলোচনে!  
আগে শোন অন্তরেব বাণী মোর,  
কি জালায় জলিতেছি আমি অহনিশ!  
গুণমুগ্ধ—রূপমুগ্ধ আমি,  
তুমিময় হৃদয় আমার,

যাপিতেছি কর্মহীন দিব।  
 বিনিত্র রজনী,  
 শুধু ধ্যান করি ও মোহিনী  
 মূরতি তোমার !  
 বল—বল বরাননে !  
 মনোভাব কিবা তব ?  
 এক কণা তা করুণার  
 প্রাণিকোনে দিবে কি স্মরিত ?

অপর্ণা ।

[ দৃঢ়স্বরে ] না—না ।

গোলাম ।

বিনিময়ে যাহ চাও তাই দিব ,  
 মল্লভূমি-সিংহাসনে বসায় তোমারে  
 আজ্ঞাবাহী ভৃত্য সম  
 পালিব আদেশ তব ।•

অপর্ণা ।

না—না, কিছু নাহি চাই আমি,  
 অহুগ্রহে তব  
 করি আমি শত পদাঘাত ।  
 ভাবি পিতৃবন্ধু অভিন্নহৃদয়,  
 সরল হৃদয়ে করেছিত্ব বিশ্বাসস্থাপন,  
 সে বিশ্বাসের এই প্রতিদান ?  
 নীচতায় ভরা হৃদি যাব,  
 কেমনে সে দেয় পরিচয়  
 আপনারে মাহুম বলিয়া ?  
 ষিক্—শতষিক্ তোমা !

গোলাম ।

ভুল মোরে বুঝিও না স্থলোচনে !

নহি আমি দোষী ;  
লইয়া কপের ডালি ভুবনমোহিনি,  
কেন তুমি দেখা দিলে মোরে ?  
তাইতো হাবাহু আমি  
আপনারে অজ্ঞাতে আমার ।  
তোমাব করুণা বিনা  
অসার জীবন মোর !

দয়া কর,—জাহ্নু পাতি  
প্রেমভিক্ষা নাগিতেছি আমি ।

অপর্ণা । ভুলে যাও অলীক স্বপন-কথা ;  
মল্লভূম-বাজবন্তা নহে এত হীন,  
তব কামানলে  
আহুতি দানিবে আপনায় ।

গোলাম । অপর্ণা ।

অপর্ণা । মরণ লইয়া সাথে লয়েছি জনম যবে,  
মরিতে না হবে দ্বিধা মোর,  
কামের কুকুরী হ'তে  
শ্রেয়ঃ মোর মরণ বরণ ।

গোলাম । শুনিবে না ? বাধিবে না অমরোদ ?  
বিনিময়ে যাহা চাও,  
তাই দিব তোমা ।

অপর্ণা । কর যদি মোরে  
সসাগবা পৃথিবীর অধীশ্বরী  
তবু তব আশা পূর্ণ নাহি হবে ।

গোলাম । তুর্কী রমণী তুমি বঙ্গকবিত্রীনা ,  
এই শূন্য কক্ষে যদি  
বলে তোমা পরিষা হৃদয়ে  
এঁকে দিই বিন্দুধরে চন্দ্রনেব বেথা,  
কে বঞ্চিত তোমা ?

অপর্ণা । অজি পেয়ে মোরে  
একাকিনী সন্ধ্যাবিহীন।  
আপন আয়ত্তমাঝে,  
উত্তত হৃদয়ে তুমি  
নারীব নাবীড় ধর্ম কবিত্তে হবৎ,  
কিস্ত রাগিত্ত স্মরণ—  
ধর্ম না সহিত্তে কড় তেন অনাচার  
ঈশ্বরের কাছে  
এ পাপের নাটিক মাজ্জনা ।

গোলাম । ধর্ম ? হাঃ—হাঃ—হাঃ !  
ডাকো—ডাকো,  
দেখি কতদূবে আছে ধর্মবাক্ত

অপর্ণা । দূরে নয়—দূরে নয়,  
ধর্ম আছে তোমাবি অন্তবে ।

গোলাম । আমাবি অন্তবে !

অপর্ণা । ইয়া ; আমি সে ধর্মের দ্বাবে  
আপনারে করিহু অর্পণ ।

গোলাম । এঁয়া !

অপর্ণা । মনে কর, যদি কালচক্রফেরে



তোমারি মতন কোন পুত্র কবলে  
 মাতা কিম্বা ভগিনী তোমার  
 অসহায়্য আমারি মতন করে হাহাকার,  
 তারপর সর্বহাৰা বালা  
 দিযে আহুৱলি জুড়ায় কলঙ্কজালা,  
 শুনি সে কাহিনী  
 পাবিলে কি ধরিতে জীবন ?

গোলাম । [ স্বগত ] ধৰ্ম্ম আছে আমারি অন্তরে !

[ প্রকাশে ] অপর্ণা !

অপর্ণা । এসো—হাত ধব !

নিবস্ত্র সহায়ীনা দুৰ্ব্বলা রমণী  
 পবন বিশ্বাসভরে নিশীথেন্ন  
 অন্ধকারে এসেছি তোমার পাশে,—  
 মানি নাই কোন বাধা,  
 ভাবি নাই—সমাজের  
 উত্তম শাণিত অস্ত্র তুলিছে মস্তকে ।  
 এসো—এসো, কোন কথা কহিব না,  
 করিব না একটিও অঙ্গুলিহেলন,  
 পিতৃবন্ধু—পিতৃসম তুমি,  
 এংকে দাও মুখে মোর কলঙ্ককালিমা,  
 আর আমি তোমা নিরন্তর  
 “পিতা” ব’লে করি সম্ভাষণ ।

[ অবসাদে উত্তেজনায গোলাম মহম্মদের পদতলে  
 আছড়াইয়া পড়িল । ]

গোলাম । 'ওঠো—ওঠো' রাজার নন্দিনি—

[ হাত ধরিয়া তুলিলেন । ]

অপর্ণা । হে সেনানি !

পিতা ব'লে করিয়াছি সম্ভাষণ,

বল—বল, কে অ'মি তোমার ?

গোলাম । কণা তুমি, ভগ্নী তুমি, জননী আমার ।

বর্ষে বর্ষে হিন্দুদের ঘরে ঘরে

লেলিহান বসনা মেলিয়া

ছাগরুপী কামশিশু উত্তপ্ত শোণিত

তুমিই তো করিয়াছ পান !

মুসলমান ব'লে নয়, বশ্বহীন গোত্রহীন

অস্তুরেব এই যে মাতৃব,

শাশ্বত এ জননী'ব পায়ে

নতশিরে করিছে সেলাম ।

অপর্ণা । থা সাহেব !

গোলাম । অন্ধ আমি, আলো'ব জগতে

নিয়ে চল হাত ধ'রে মোরে,

প্রার্থনা তোমার সাধ্যমত পূরাবে সন্তান ।

অপর্ণা । তবে এসো পিতৃবন্ধু ! এসো সন্তান ! কণাকে তার  
পিত্রালয়ে যাবার পথ দেখিয়ে দাও—

গোলাম । পথ দেখানো নয় মা, চল—অ'মি তোমার সঙ্গী  
হু'য়ে তোমাকে তোমার পিতার কাছে রেখে আসি ।

[ গোলাম মহম্মদ সহ অপর্ণা ও স্থলেখার গ্রন্থান । ]

# তৃতীয় অঙ্ক ।

## প্রথম দৃশ্য ।

মল্লভূমি—রাজসভা ।

## স্বরথমল্ল ও মন্ত্রী ।

স্বরথ ।

দস্যু-অত্যাচারে নিপীড়িত মল্লভূমি,  
রাজকোষ অর্ণশূণ্য প্রায়  
পুনঃ পুনঃ শোষণে এাদেব ।  
কিন্তু দমিত হ'লে দস্যু-অত্যাচার,  
ভাবিয়া না পাই কিছু ।

মন্ত্রী ।

সেই দিন হ'তে চিমন সর্দার  
তাজিয়া আবাসভূমি  
দক্ষিণ জঙ্গল হ'তে সদলে গিয়াছে চকি  
নাহি জানি কোন্ অজানা প্রদেশে !  
দিকে দিকে পাঠাইয়া চব  
নানামতে কবেছি সন্ধান,  
কোন সূত্র পাই নাই  
তাহাদের গুপ্ত আবাসের ।  
অতীত চরমুখে শুনিব সংবাদ—  
পড়িয়াছে নবাবী ছাউনি  
মল্লভূমি-সীমান্ত-প্রদেশে ,  
বুঝিতে না পারি হেতু কিবা তার !

স্বরথ ।

আর কিবা হেতু ?  
দস্যব দলনে ব্যতীত মল্লভূমিপতি,  
তাই স্বযোগ বুঝিয়া  
গোড়াধিপ খেলিয়াছে নূতন চাতুরী,  
অনিশ্চয় সঙ্কল্প তাহাব  
মল্লভূমি আক্রমণ ।

মন্ত্রী ।

তাঁই যদি হয় মহারাজ !  
ব্যর্থ হবে প্রয়াস তাহাব ।  
স্ববঞ্চিত মল্লভূমি,  
বাদ্য দিতে নহিঃশত্রুদলে  
বয়েছে স্বদৃঢ় দুর্গ দিকে দিকে  
সুশিক্ষিত সেনাদল সহ,  
মল্লভূমি জয় অসাম্য কাহারো নয় ।

স্বরথ

অসাম্য না হ'তে পাবে,  
কিন্তু মন্ত্রী, অসাম্য নহে তা  
কখনও অপবের কাছে ।  
সেই হেতু সন্মুখ প্রস্তুত রহিতে হবে ।  
কিন্তু দুঃখ দস্যব দল  
পদে পদে করিতেছে অনর্থ সাধন,  
প্রয়োজন শাসন তাহাব সকলের আগে ।  
সুচিন্তিত সত্ৰপাশ কর উদ্ভাবন,  
অগ্রথায় মল্লভূমি-স্বাধীনতা যাবে চিরতরে ।

মন্ত্রী ।

থাকিতে একটি মাত্র অস্ত্রধারী প্রাণী  
মল্লভূমি কত না হইবে পরপদানত ।

চিন্তা শুধু দস্যাদলের !  
 যদিও দস্যুর দল  
 দক্ষিণ জঙ্গল হ'তে গিয়াছে সরিয়া,  
 যায় নাই বহুদূরে তারা ।  
 চরমুখে শুনেছি সংবাদ—  
 পশ্চিম-সীমান্ত পার্কত্যা অঞ্চলে  
 পাইয়াছে নিদর্শন কিছু ।  
 জনশূন্য পার্কত্যা প্রদেশে  
 হিংস্র স্থাপদভয়ে পথিক বিবল যেথা,  
 আকস্মিক জনসমাগম  
 কেমনে সেখানে হয় ?  
 তাই সন্দ লাগে মনে,  
 বুঝি এইস্থানে  
 বচিয়াছে তারা নতুন আবাস !

স্বরথ ।

তা'ই যদি হয় অসম্ভব,  
 তবে কি হেতু বিলম্ব আব ?  
 সৈন্যাদ্যক্ষে জানাও আদেশ  
 সুসজ্জিত কবিতে বাহিনী,  
 অদিলসে যাবো আমি দস্যুর দলনে ।

বস্ত্রী ।

স্বযুক্তি এ নহে মহারাজ !  
 দস্যুদল যুদ্ধ নাহি করে কভু ।  
 দস্যুদল-আবাস-সান্নিধ্যে  
 আকস্মিক সেনা-সন্নিবেশ জাগাবে সন্দেহ,  
 নিঃসন্দেহে ত্যজিবে আবাস তারা ।

তার চেয়ে বাঁচা বাঁচা স্বপ্ন সেনা ল'য়ে

গুপ্ত অবরোধ যতপি সম্ভব হয়,

করায়ত্ত হবে দস্যুদল ।

স্বরথ

দেখি—ভেবে দেখি— !

রক্তাক্তকলেবরে রঞ্জনের প্রবেশ ।

স্বরথ ।

এ কি রঞ্জন, কি হয়েছে তোব ?

বঞ্জন । আমার কিছুই হয় নি মহারাজ ! আপশোস যে মরণটা হ'লো না—এই অকেজো প্রাণটা নিয়ে ফিবে এলুম ! এতদিন মহারাজের নেমক খেয়ে রঞ্জা পাইক আজ কিছু করতে পারুলে না !

স্বরথ ।

কি হয়েছে রঞ্জন ? তুই অমন কচ্চিস্ কেন ?

বঞ্জন । ইচ্ছে হ'চ্ছে, নিজের হাতে নিজের গলা টিপে দম বন্ধ ক'রে ফেলি ! যা কখনো হয় না—হ'তে পারে না, আজ আমি থাকতে তাই হ'লো । এত বড় সর্বনাশ যে হবে, তা একটিবারও ভাবি নি, তাই তৈবী থাকতে পাবি নি ; তবু ছু তিনটে সয়তানকে নিকেশ করেছি ! এক সয়তান পেছন দিক থেকে আমার মাথা কাটিয়ে দিলে লোহার ডাণ্ডা মেরে—আমাষ একদম কাব ক'রে দিলে ! নইলে এ সর্বনাশ কখনো হ'তো না ।

স্বরথ ।

ভগিতা রাখ, কি হয়েছে বল ?

বঞ্জন । কি আর বলবো মহারাজ, সর্বনাশ হয়েছে,—রাজ-কুমারীকে—

স্বরথ ।

রাজকুমারীর কি হয়েছে ?

বঞ্জন । তাকে ডাকাতে দ'রে নিয়ে গেছে । যেমন নিতিযেতেন, আজও তেমনি গিয়েছিলেন বাগানের বাঁধা ঘাটে স্নান করতে ।

অন্যবের পাইক দুজন যেমন রোজ যায়, আজও গিয়েছিল কাল্ল আর লছমন—ঘাটের কাছে থাক্‌বাব হুকুম নেই—বাগানের ধাবে গাছতলায় ছিল তারা। আমিও সেই সময় সদর ঘাটে স্নান করছিলাম। হঠাৎ রাজকুমারীকে চিংকাব শুনে ছুটলুম বাগানের ঘাটের দিকে। দেখলুম ঘাটে একটা ছিপ বাধা রয়েছে—বাজকুমারীকে চারজন জোয়ান কাঁধে ক'বে ছিপে তুলছে—কাল, আব লছমন তাদের বাধা দিচ্ছে। আমি বাঘের মত লাফিয়ে পড়লুম তাদের ঘাড়ে! লছমনটা ঘায়েল হ'য়ে পড়লো—চট্টোকে শেষ করলুম আমি—কাল্লটা ম'লো! একটাকে শেষ ক'বে, কিন্তু মহাবাদ্ধ! শেষ বাখতে পারলুম না! পেছন থেকে সমতানেব হাতের চোট গেয়ে মাথা ঘুরে প'ড়ে গেলুম, উঠে দেখলুম, নদীতে ছিপও নেই—বাজকুমারীও নেই!

স্বরথ। বাজকুমারীকে ডাকাতে ধ'বে নিয়ে গেল, আর তুই বেঁচে থেকে সেই সংবাদ দিতে ফিবে এলি?

রঞ্জন। বড় আপশোস যে মরণ হ'লো না। আপনি আমায় শান্তি দিন—মৃত্যু দিন, আমার মত নেমকহাবাম অকেজো লোকের মরণই ভাল।

স্বরথ। মজ্জি! আব চিন্তা নয়, বিবেচনা নয়, যুক্তি নয়, বিচার নয়, আমি এখনই এই মুহুর্তে দম্ভাদলের সন্ধানে যাবো—ইচ্ছা হয় সাহায্যের জন্য পবে সৈন্য পাঠিও। যদি কল্যাণীর সন্ধান করুতে না পারি, এই যাত্রাই আমার শেষ যাত্রা। [ বেগে প্রস্থান।

রঞ্জন। আমি কি কোন কাজে লাগবো না ছজুব?

মন্ত্রী। কাজের অভাব হবে না রঞ্জন, আগে স্বস্থ হ'—

[ উভয়ের প্রস্থান।

## দ্বিতীয় দৃশ্য ।

কৃশভ্রগ—বিলাসকক্ষ ।

বটুকেশ্বর একাকী বসিয়া সুরাপান করিতেছিল  
এবং নর্তকীগণ গাহিতেছিল ।

নর্তকীগণ ।—

### গীত ।

বনেব ফুল আনরা ক'টি, দুটেছি কোন্ নিরালায় ।  
কোন্ অনীমের পানে চেয়ে, পথ চাওয়া কার আশায় ॥  
আঁধাবের কপের ডালি,  
প্রাণের কথা কারে বলি,  
কবে সে অঁচিন পথক আমার এ নদীর কুলে  
আঁধারে ছেলে বাতি, হাসবে সে পথ ভুলে,  
সেই আশায় পথ চাওয়া,  
নটলে শুধু স্বপ্নে যাওয়া,  
দীরবে বনের মাঝে উত্তরা দখিন্ হাওয়ায় ॥

### সুধীরথের প্রবেশ ।

সুধীরথ । বন্ধ কর—বন্ধ কর নাচ-গান । তুবানলে যার অন্তর  
দগ্ধ হ'চ্ছে, এ বিলাস-সম্ভোগ তাব জগ্গ নব । তোমরা এখন যাও ।  
[ নর্তকীগণের প্রস্থান ।

বটুকেশ্বর । আগুন জল ক'বে দেবার তো এই পথ ছজুর !



আগুন তো আগুন, মরা বেঁচে ওঠে এই সঞ্জীবনী সুধায়, এই জ্বলেই তো এর নাম মৃতসঞ্জীবনী সুধা। স্বর্গের দেবতার। পেটভরে এই সুধা খেয়ে অমর, আর তা পায় না ব'লেই মাতুষ মরে। এখন ধরুন দেখি এক পাত্র—

সুধীরথ। আমার আব প্রবৃত্তি হ'চ্ছে না বটুকেশ্বর! পৃথিবীর উপর আমার ঘৃণা জন্মে গেছে।

বটুকেশ্বর। খুব ভাল হয়েছে হুজুর, শুধু বাদ রাখুন স্ত্রী আর নারী। নিম্ন—ধরুন—[ স্ত্রীপাত্র দিল। ]

সুধীরথ। আমার কণ্ঠা কি সত্যই গৃহত্যাগিনী হ'লো?

বটুকেশ্বর। আজ্ঞে হ্যাঁ, এটা একেবারে খাটি সত্য। গৃহ-ত্যাগিনী না হ'লে নিশ্চয় সে গৃহে থাকতো।

সুধীরথ। কুলত্যাগিনী আমার উঁচু মাথা হেঁট ক'বে দিলে?

বটুকেশ্বর। মাথা তুলে রাখুন হুজুর! কাব বাপের সাব্বি যে আপনার মাথা হেঁট ক'রে দেয়।

সুধীরথ। এই অবাধ্যতার জ্ঞান একদিন পত্নীকে ত্যাগ করেছি-- দুঃখপোষা শিশুকে বুকে নিয়ে সে আমাব গৃহ ছেড়ে চ'লে গেছে, জানি না আজও বেঁচে আছে কি না! তাব কথা একদিনও ভাবি নি—মনে এতটুকু দুঃখ হয় নি। তারপর আবার নূতন সংসার-- সেও চ'লে গেল অপর্ণাকে এতটুকু রেখে। স্নেহ-আদরের আতিশয্যে সেই মাতৃহীনা বালিকা অপর্ণাও অবাধ্য হ'য়ে উঠ'লো—আমার বিরুদ্ধাচরণ করুতেও দ্বিধাশোধ কবে নি। স্নেহের দুর্বলতায় তার সে অপরাধও মার্জনা করেছি, কিন্তু ভাবতে পারি নি যে, আমার কল্লার প্রবৃত্তি এতটা হীন হ'তে পারে—সে কুলত্যাগিনী হ'তে পারে!

### অপর্ণা ও গোলাম মহম্মদের প্রবেশ ।

অপর্ণা । আপনার কন্ঠার প্ররুতি কখনও এতটা হীন হ'তে পারে না বাবা ! সে কুলত্যাগিনীও নয় ।

স্বধীরথ । কে—অপর্ণা ! নিল'জ্জা বালিকা ! কোন্ মুখ নিজে আবার তুই ফিরে এসেছিস্ ? আমাব মান—আমার সম্বন্ধ—আমার বংশমর্যাদায় যে কালি ঢেলে দিয়েছিস্, সে কালির দাগ যে কখনও মুছবে না । দ্ব হ—দ্ব হ'য়ে যা আমাব সম্বন্ধ থেকে !

অপর্ণা । তুমি কি বল্ছো বাবা ?

স্বধীরথ । আমি কি বল্ছি । কুলত্যাগিনী কন্ঠাকে হত্যা না ক'রে স্নেহের দুর্বলতায় ডটে তিবস্কাব ক'বে দ্ব ক'রে দিচ্ছি—এই না ? এটুকু তোঁর সৌভাগ্য মনে ক'বে দ্বিতীয় কথা না ব'লে এখান থেকে দূর হ'য়ে যা—আনি তোঁর মুখদর্শন কর্বো না । যা—যা—চ'লে যা ।

অপর্ণা । বিনা দোষে এমন কুৎসিত অপবাদের বোকা মাথায় নেওয়ার চেয়ে তুমি আমায় হত্যা কর বাবা !

স্বধীরথ । তোঁর মত কলঙ্কিনীকে অস্বাধাত ক'রে ক্ষত্রিয়ের অশ্রের অমর্যাদা কর্বতে পার্বো না । তুই যা—যা বল্ছি !

গোলাম । তুমি কি পাগল হয়েছ দোস্ত ? কাকে কি বল্ছো ? আমার এই মাকে ? তুমি বাপ হ'য়েও আজও তাকে চিন্তে পারো নি, কিন্তু আমি এক লহমায় তাকে চিনেছি ; আমার মনে হয়, দেবতার চেয়েও আমার এ মা বড়—অনেক বড় । ভুল বুঝো না দোস্ত—ভুল বুঝো না ।

স্বধীরথ । যাক্ দোস্ত, আর সাক্ষাই দিতে হবে না ।

গোলাম। সাফাই নয় দোস্ত, সাচ্ বাত। তোমাবই জগ্গে নেটী গিয়েছিল আমাব কাছে, কাবণ আমি তোমায় সাহায্য করবো ব'লে প্রতিশ্রুতি দিয়েছিলুম। তুমি যা বুঝতে পার নি, বুদ্ধিমতী মা আমাব তা বুঝতে পেবেছিল, সে বুঝতে পেবেছিল কি মূল্যে তুমি এষ্ট সিংহাসনখানি কিন্তে যাচ্ছে! রাগ ক'রো না দোস্ত! তোমার মত নিরসেদ পিতার এমন একটা সাংঘাতিক ভুল ভাঙ্গতে যে মুহিমময়ী নাবী জগতের কোন বাধা না মেনে এক অপরিচিতের কাছে এমন ভাবে ছুটে যেতে পারে, তাকে তুমি এতটা ছোট ক'বে দিও না দোস্ত! শ্রুতে ক্ষতি হবে তোমাবই।

স্বধীবথ। ক্ষতি গতই হোক এক, হিন্দব ধর্ম—হিন্দুর কল-গৌবর্ষেব তুলনায় তা অগ্রাহ্য। নিশীথ বাত্রে গোপন ভাবে অস্ত্রপুর্বেব গণ্ডী ছেড়ে পর্বতসে গমন হিন্দুললনার অমাজজনীয় অপবাদ। নিষ্পাপ হ'লে সে সমাজেব চক্ষে অপবাদী—গৃহে তাব স্থান নেই

অপর্ণা। বাবা!—

গোলাম। কার কাছে কাকুতি করুছিস মা? যাদেব সমাজে নাবীধর্ম এমন গণভঙ্গুব, সে সমাজে তোর স্থান হবে না মা! তার চেয়ে আমার সঙ্গে আয়! দোস্ত যে লক্ষ্মীকে অলক্ষ্মী ব'লে বিদায় ক'রে দিচ্ছে, আমি ভিন্নধর্মী হ'য়েও সেই লক্ষ্মীকে নিজের ঘরে প্রতিষ্ঠা করবো। আয় মা, চ'লে আয়—

অপর্ণা। বাবা! তুমি কি সত্যি বলছো বাবা, এ গৃহে আমার আর স্থান নেই?

স্বধীবথ। [ দৃঢ়স্বরে ] না—না—না।

গোলাম। জবাব পেলি তো? এখন আয়—

## গীতকণ্ঠে চন্দনের প্রবেশ ।

চন্দন ।—

### গীত ।

আয় চ'লে আয় সকলহারী,  
সর্বহারী ডাক্ছে তোরে ।  
কিসের মায়ী কিসের বাঁধন,  
যখন স্থান পেলি নি আপন গরে ॥  
অসীম পথে চল না চলি,  
কাঁধে নিয়ে ভিক্ষের বুলি,  
যথেষ্ট শুধু 'মা' 'মা' বুলি,  
মা যে আছেন সকল গরে ॥

সবই যখন হাবালে, তখন আমার মত সন্দেহাবার সঙ্গ নেয়াই  
তো ভাল ! আসুণে আমার সঙ্গে ?

অপর্ণা । ই্যা—ই্যা, ঠিক বলেছিস্ ; আমি তোর সঙ্গেই যাবো  
ভাই ! তাহ'লে আসি বাবা ! থা সাহেব ! অব্যর্থ কষ্টকে  
আপনিও মার্জনা করবেন ।

[ পূর্বোক্ত গীত গাহিতে গাহিতে চন্দন অপর্ণাব  
হাত ধরিয়া প্রস্থান কবিল । ]

গোলাম । বড় ভুল করলে দোস্ত—বড় ভুল করলে । আদাব—  
[ প্রস্থান ।

স্বধীরথ । [ কিয়ৎক্ষণ নতমুখে থাকিয়া সহসা ] চ'লে গেছে ? চ'লে  
গেছে বটুক ?

বটুকেশ্বর । আজ্ঞে কে ? থা সাহেব ?

হৃদীরথ । মূৰ্খ—

[ বিরক্তভাবে প্রশ্নান ।

বটুকেশ্বর । সবাই তো চ'লে গেল, তবে আমি মুখ্য হ'লুম কেন, তা তো বুঝতে পাচ্ছি নে !

[ প্রশ্নান ।

## তৃতীয় দৃশ্য ।

বনপথ—বৃক্ষতল ।

হান্সীর ও রণলাল কথোপকথন করিতেছিল ।

হান্সীর । হতাহত কয়জন ?

রণলাল । হত একজনও নয় ;

সামান্য আঘাত পাইয়াছে দুইজন,

বুদ্ধিদোষে একজন হয়েছে আহত ;

তবে আশঙ্কা নাহিক কিছু,

স্থস্থ হবে দুই চারি দিনে ।

হান্সীর । বন্দিনীরে রেখেছ কোথায় ?

রণলাল । যেমন আদেশ ছিল—

গিরিভূর্গে রাখিয়াছি তারে ;

কিন্তু সর্দার ! রাজকণ্ঠ

বারিবিধু স্পর্শ করে নাই ।

হাঙ্গীর । দেখি অহোরাত্র আর,  
গিতা তার আসে কতক্ষণে,  
তারপর সে চিন্তা করিব ।

রণলাল । যদি নাহি আসে রাজা ?

হাঙ্গীর । আসিবে না কল্লার সন্ধানে ?  
আমার বিশ্বাস—  
আসিবে সে স্থনিশ্চয় !

রণলাল । যদি রাজা গিরিজুর্গ করে আক্রমণ ?

হাঙ্গীর । আমাদের গুপ্ত এ আবাস  
কারো সাধ্য নাই করিতে সন্ধান !  
সেনাদল ল'য়ে কবিবে না আক্রমণ  
নিশ্চিত মৃত্যুর মুখে সৈন্তবলি দিতে ।  
তবু রহিও সতর্ক রণলাল !  
যেন দম্ভ্য-আবাসের কোন নিদর্শন  
কেহ নাহি পায় খুঁজে ।

### পাগলিনীর প্রবেশ ।

পাগলিনী । মাকে খুঁজছিস তোরা ? আস্বে—ঠিক আস্বে,  
সন্তানকে ছেড়ে মা কখনো থাকতে পারবে না ; তোরা ভাবিস্ নি,  
ঠিক আস্বে ।

হাঙ্গীর । তুমিই তো আমাদের মা, তাইতো তুমি যখন তখন  
আমাদের কাছে ছুটে এসো—

পাগলিনী । হ্যা—হ্যা, আমি তোদের মা—তোরা আমার সন্তান !  
তাহ'লে এটা তুই নে—তোর কাছেই রেখে দে ! এও এক

মায়ের জিনিষ—তার হাবানিধি সন্তানের স্মৃতি ; যত্ন ক'রে রেখেছিল সে, যাবার সময় আমাষ দিয়ে গেল। আমিও যে মা ! তাই সে তার বুকের লুকানো জিনিষ আমাষ বিশ্বাস ক'রে দিতে পেরেছে। মা না হ'লে সন্তানের কদর কে বুঝবে বল ? দেখ, না, কত যত্ন ক'রে বুকের মাঝে লুকিয়ে রেখেছি ! নে—নে—তুই নে, খুব যত্ন ক'রে লুকিয়ে রেখে দিস্। [ হাঙ্গীরকে একটি ক্ষুদ্র পেটিকা দিল । ]

হাঙ্গীর। এটা আমাষ দিচ্ছে ? আমি কি তেমন যত্ন ক'রে রাখতে পারবো মা ?

পাগলিনী। ই্যা—তোকেই দিলুম, তুই পারবি, আর কেউ পারবে না ! যাবা মা চেনে না, তারা পারবে না।

হাঙ্গীর। এতে কি আছে মা ?

পাগলিনী। ঐ তো বললুম—মায়ের যথাসর্বস্ব ! সেও আমার মত সন্তানহারা কিনা, তাই তার জীবনের সম্বল করেছিল এইটা। আমাষ দিয়ে গেল কেন জানিস্ ? আমিও সন্তানহারা ব'লে !

হাঙ্গীর। মা—!

পাগলিনী। আঃ—কি মিষ্টি ! ডাক্—আবার ডাক্ !

হাঙ্গীর। মা—মা—!

পাগলিনী। থাক্, আর ডাকিস্ নি, এত স্নেহ আমার সহবে না, হয়তো তোকেও হারাবো ! আমি যে সবথাগী রাক্ষসী—সবথাগী রাক্ষসী—সদথাগী বাক্ষসী—

[ দ্রুত প্রস্থান ।

হাঙ্গীর। বলিতে কি পার রণলাল !

কেন মম প্রাণ হয় বিচঞ্চল

হেরি ওই উন্মাদিনী ?

যেন আপনা হারায়ে ফেলি !  
যেন অন্তরের অন্তর প্রদেশে  
গুঠে ঘনঘন সঙ্করণ হাহাকাব !  
কেন বা এমন হয় ?

রণলাল ।

শৈশব হইতে পাও নাই  
জননী'ব স্নেহেব আশ্বাদ,  
তাই সন্তানপংসল। জননী'ব  
স্নেহেব উচ্ছ্বাসভরা মধু সস্তাষণে  
আত্মহার। হইযাছ ভাই !  
আঘাতের যথা আছে  
যোগ্য প্রতিঘাত—এও তাই !  
শুষ্ক প্রাণ স্নেহেব পিয়াসী  
অনায়াসে হয় বিগলিত  
উন্মাদের স্নেহ-সস্তাষণে ।

হাঙ্গীর ।

হোক উন্মাদের স্নেহ-সস্তাষণ,  
তবু পরিপূর্ণ সুধার আশ্বাদ  
আকণ্ঠ কবিয়া পান আকাজক্ষা না মিটে !  
রণলাল !

রণলাল । সর্দার !

হাঙ্গীর । না, থাক, আমি নিজেই যাচ্ছি—সর্বপ্রথমে উন্মাদিনীর  
গচ্ছিত রক্ত যত্ন ক'বে রাখতে হবে ।

[ প্রস্থান ।

রণলাল । আমিও ভেবে উঠতে পারছি না, এই উন্মাদিনীকে  
দেখে সর্দারের এমন ভাবান্তর হয় কেন ?



## চন্দন ও অপর্ণার প্রবেশ ।

অপর্ণা । এ আমায় তুই কোথায় নিয়ে এলি ভাই ?

চন্দন । হু চোখ যে দিকে নিয়ে এলো, সেই দিকে ।

অপর্ণা । এই জনশূণ্য পার্বত্যভূমি শুনেছি দস্যুদের আবাস—

চন্দন । হ'লোই বা ! পাহাড় জুড়ে সকলেই যদি ডাকাত হয়, আমরাও তাই ।

অপর্ণা । চন্দন !

রণলাল । চন্দন ! [ জিজ্ঞাস্থনেত্রে চাহিলেন । ]

চন্দন । [ একবার অপর্ণার দিকে, একবার রণলালের দিকে চাহিয়া বলিল— ] আমার দিদি—আমাবই মত সর্বস্বাহারা ! এত বড় পৃথিবীতে তার থাকবার জায়গা নেই—আশ্রয় নেই ।

রণলাল । তাতে কি ? তোর যখন বোন, তখন তুই যেখানে আছিস, তিনিও সেইখানে থাকবেন ।

অপর্ণা । চন্দন ! তুই কি তবে—

চন্দন । ডাকাত কিনা জিজ্ঞাসা করছো ? ঠিক ডাকাত না হ'লেও ডাকাতের দলের লোক ।

অপর্ণা । মিথ্যাবাদি ! প্রবঞ্চক ! [ প্রস্থানোচ্ছত ]

চন্দন । ওকি, চ'লে যাচ্ছে কেন দিদি ?

অপর্ণা । যাবো না ? জগতের ঘৃণিত নরহস্তাদলের তুই একজন, এ কথা তুই আমায় আগে বলিস্ নি কেন ?

রণলাল । নরহস্তা ঘৃণ্য জীব বলি

পরিণতি জগত-সমাজে

আরণ্য বর্বর দস্যুদল—

যোগ্য নয় মহুশ্য নামের,  
তাই অবজ্ঞায় ফিরায়ে বদন  
চ'লে যেতে চাও ভদ্রে ?  
কিস্ত জেনেছ কি কতু কোন সূত্রে  
নিবারিতে নিজ কৌতূহল,  
কেন জন্মে এই জীব ধরণীমাঝারে ?

অপর্ণা ।

হিংস্র পশু জন্ম লয়  
গভীর অরণ্যে মানব-অজ্ঞাতে,  
সেই মত জগতের আবর্জনা  
বর্ধরতা নীচতার মাঝে  
হিংস্র মানব লভিয়া জন্ম  
কালে দস্যুরূপে হৃষ পরিচিত ,  
তাই মহুশ্যসমাজে অতি ঘৃণ্য তারা ।

বর্ণলাল ।

ভ্রান্ত এ বিশ্বাস, ভদ্রে !  
দস্যুমাত্র জন্ম নাহি লয়  
বর্ধরতা-কদর্যতা-মাঝে  
জিঘাংসা-প্রবৃত্তি ল'য়ে !  
এ দৃষ্টান্ত অতীব বিরল ।  
রত্নাকর অজামিল ব্রাহ্মণনন্দন,  
জন্মে নাই কেহ দস্যুকূলে ;  
সমাজের নির্ধ্যাতনে,  
অভাবের তীব্র কশাঘাতে  
দস্যুবৃত্তি নিয়েছিল তারা  
সংসারের দারিদ্র্যমোচন হেতু—

নহে জিঘাংসায় !  
 এ কি অপবান তাহাদের ?  
 অপর্ণা । তবু—তবু আমি ঘৃণা করি  
 নবহস্তা দস্যুদলে ।  
 এই দিশমাঝে আছে কতজন  
 ভিক্ষা-অন্ন করিতেছে জীবনধারণ,  
 নিরীহের প্রাণ ল'য়ে  
 অকারণ নাহি কবে থেলা ।  
 কেন—কেন এই নৃশংসতা,  
 কেন এই বর্ধরতা,  
 যবে নহে ধবা মমতাবিহীন,  
 রূপণতা নাহি করে ফলশস্ত্র দিতে ?  
 গৃহস্থ দিমুখ নয়  
 ভিক্ষাদান করিতে ভিক্ষকে,  
 তবে কেন হীনবৃত্তি এই ?  
 কেন হয় মানুষ রাক্ষস ?

### হাঙ্গীরের প্রবেশ ।

হাঙ্গীর । মাতুষ্যেই স্রষ্টি কবে মানব-রাক্ষস—  
 নৃশংসতা মানুষে শিখায় ।  
 এ জগতে জঘন্য প্রবৃত্তি যত  
 উদ্ভব মানুষ হ'তে,  
 যে মানুষ সমাজের শীর্ষস্থানে বসি  
 মহৎ বলিয়া আপনারে দেয় পরিচয় ।

তারাই শিখায় ভগ্নি,

এই নৃশংসতা—এই বর্বরতা ।

অপর্ণা । তুমি আমায় ভগ্নী ব'লে সম্বোধন করলে, তুমি কে ?  
তুমি কি এদেরই একজন ?

হান্সর । হয়তো পরিচয়ে তৃপ্ত হবে না, শুধু জ্বেনে রাখো  
আমি তোমার এক উচ্ছৃঙ্খল ভাই ।

অপর্ণা । আমার আজন্মেব সংস্কার, দস্যু হৃদয়হীন—স্নেহ-মমতার  
ধাব ধারে না তারা ; কিন্তু তুমি—তুমি বোধ হয় দস্যু নও ?

রণলাল । ভদ্রে ! উনিই এই দস্যুদলের নায়ক—নীচতা, নৃশংসতা,  
বর্বরতার নেতা ।

হান্সর । কিন্তু তোমাব কাছে এক উচ্ছৃঙ্খল ভাই ।

অপর্ণা । দস্যুসদ্বীর ? কিন্তু আমি যে দেখতে পাচ্ছি তোমাব  
অন্তর—তোমার ওই সবলতামাথা মুখ ওই শাস্ত স্নিগ্ধ দৃষ্টির ভিতর  
দিয়ে ; তুমি তো নৃশংসতার জীবন্ত মূর্তি দস্যু নও ! কেন তুমি  
দস্যু হ'লে—কেন তুমি দস্যু হ'লে ?

হান্সর । তা যদি জানতে চাও বোন, এই উচ্ছৃঙ্খল ভাইয়ের  
কদৰ্ঘ্যতাময় জঘন্য আবাসে দেবীর পবিত্র চরণের পুণ্য পরশ দিয়ে  
আগে তাকে পবিত্র কব ।

অপর্ণা । ভাইয়ের আবাস যতই কদৰ্ঘ্য হোক—যতই ঘৃণিত হোক,  
ভগ্নীর কাছে তা মধুময় স্নেহের গণ্ডী । চল ভাই ! আয় চন্দন—

হান্সর । রণলাল ! সকলকে জানিয়ে দাও, হীন দস্যুর আবাসে  
দেবীর আগমন-বার্তা, তারা যেন দেবীপূজার যোগ্য আয়োজন করে ।

[ অগ্রে হান্সর, তৎপশ্চাৎ সকলের প্রস্থান ।

চতুর্থ দৃশ্য ।

পর্বত-সান্নিধ্য ।

গীতকণ্ঠে পাহাড়িয়া রমণীগণের প্রবেশ ।

রমণীগণ ।—

গীত ।

বনে বনে বেড়াই বুলে আমরা বনের পাখী ।

আপন পর নাইকো মোদের, সবার সনে মাথামাখি ।

খেলায় সাথী সকল জনা,

বাঘ বরা আর হরিণজানা,

সেজে বনের ফুলে ঘুরে বেড়াই যেন প্রজাপতির সখী ।

নদীর জলে সিনান করি,

রঙিন গাছের বাকল পরি,

বনের ফল যে মিষ্টি বড়, তাইতে তুলে রাখি ।

[ সকলের প্রস্থান ।

স্বরথমলের প্রবেশ ।

স্বরথ । এই তো সেই স্থান ! মজীর কথা যদি ঠিক হয়,  
তাহ'লে এই নির্জন পার্বত্য প্রদেশেই দুর্বৃত্তদের সন্ধান পাবো ।  
কি আশ্চর্য্য ! এ পথের এইখানেই যে শেষ ! সম্মুখে, পার্শ্বে  
দুর্গম বনানী ! যেখানে প্রবেশপথ নেই, সেখানে কি মাহুয থাকতে  
পারে ?

## গীতকণ্ঠে যোগময়ের প্রবেশ ।

যোগময় ।—

গীত ।

ধরার মানুষ সবই পারে,  
 শুধু পারে না আঁগটা ধ'রে রাখতে।  
 ছেড়ে মায়ার খোলস স'রে পড়ে  
 ডাক্তে না ডাক্তে ॥  
 ভোগের নেশায় আপনহারা,  
 ধরাখানা দেখে সরা,  
 বোকাই করে পাগের ভরা,  
 নিজের স্বার্থটুকু দেখতে ॥  
 লোভের রসে জারক লেবু  
 পেৰণেতে বিবেক কাবু,  
 শেষে খায় হাবুড়ুবু  
 শাক দিয়ে মাছ ঢাক্তে ॥

স্বরথ ।

[ স্বগত ] পবিচিত মুখ !  
 মনে পড়ে যেন দেখিষাছি কোন দিন ।  
 দিক্তমস্তিষ্ক কতজন ঘুরিতেছে  
 ফিরিতেছে লক্ষ্যহীন ধূমকেতু সম  
 বিশাল ধরণীবক্ষে  
 কে তার গণনা করে ?  
 এও সেই তাহাদেরি একজন ।  
 [ প্রকাশ্যে ] তুমি তো বেড়াও ঘুরে  
 লক্ষ্যহীন যথা তথা,

পার কি বলিতে,  
এই পার্শ্বতা ভূভাগে  
কোথা আছে দস্যুর আবাস ?

যোগময় ।—

গীত ।

ভবে এগ্নি সবাই ধানকাণা ।  
কাণা যেমন হাত্‌ড়ে বেড়ায় কোথাও দোসব কাণা ॥  
খুঁজে খুঁজে বেড়ায় সবাই,  
চোরে চোরে মাসতুতো ভাই,  
নিজের পানে চায় না যিরে, বোকা সাজে সৎ-সেহানা ॥

[ প্রস্থান

স্বরথ । অর্থহীন প্রলাপ বচন উন্মাদের !  
আমারো কি ঘটিয়াছে মস্তিষ্ক-বিকার,  
তাই উন্মাদে জিজ্ঞাসি  
আপনার প্রযোজন-কথা !

চন্দনের প্রবেশ ।

স্বরথ । কে তুমি বালক,  
জনহীন স্বাপদসঙ্কুল এই  
পার্শ্বতা ভূভাগে ভ্রমিছ একাকী ?  
চন্দন । আমার মত সর্বহারার  
এই তো আশ্রয় !

স্বরথ । এ কি দুঃসাহস তোমাব বালক ? তোমার কি প্রাণের ভয় নেই ?

চন্দন । প্রাণের ভয় ? কেন ? মরতে কি হবে না ? আজ না হয় কাল, মরতে তো একদিন হবে । তবে ভয় করুবো কেন ?

স্বরথ । আশ্চর্য্য !

চন্দন । আশ্চর্য্য হ'চ্ছেন ? আপনাব বুঝি প্রাণেব ভয় খুব বেশী ? তাই যদি হয়, তা হ'লে আপনি এখানে কেন ?

স্বরথ । আমি সশস্ত্র, অস্ত্র হাতে থাকলে ক্ষত্রিয় কাকেও ভয় কবে না ।

চন্দন । জঙ্গলের জানোয়ারকে ভয় না করতে পারেন, কিন্তু ডাকাতকে ?

স্বরথ । তুমি জানো—তুমি জানো বালক, এখানে কোথায় দস্যদের আবাস ?

চন্দন । জানি, কিন্তু বড় ভয় কবে ।

স্বরথ । কোন ভয় নেই তোমার ; তুমি আমায় দেখিয়ে দিতে পাব তাদের আবাস ?

### হান্সীরের প্রবেশ ।

হান্সীর । ক্ষুদ্র বালকের হয়তো সাহসে কুলাবে না, তাই আমি নিজে এসেছি মহারাজকে নিমন্ত্রণ ক'রে নিয়ে যেতে ।

স্বরথ । কে তুই ?

ও—চিনিয়াছি তোরে,

তুই সেই হান্সীর ডাকাত ;

শত চক্ষু সম্মুখ হইতে



যাহুকর সম এনেছিলি  
 ছিনাইয়ে রক্ষীর বেষ্টনৌ হ'তে  
 চিমন সর্দারে ।  
 সন্ধানে আসিবা তোর  
 ভাগ্যফলে আজি  
 পেয়েছি স্মৃখে তোরে,  
 দিব তোরে যোগ্য প্রতিফল ।

[ হাঙ্গীরকে আক্রমণে উত্তত হইলেন । ]

[ হাঙ্গীর বংশীধ্বনি করিল, সহসা উত্তত বর্ষাসহ ঋতপদে

দস্যুদল আসিবা সুরথমল্লকে ঘিরিয়া দাঁড়াইল ।

হাঙ্গীর উচ্চহাস্য করিয়া উঠিল । ]

হাঙ্গীর । [ ব্যঙ্গস্বরে ] আহ্নন অতিথি । অস্ত্র কোষবদ্ধ ক'রে  
 আমাদের সঙ্গে আহ্নন—!

[ সকলের প্রস্থান ।

## পঞ্চম দৃশ্য ।

পার্কত্যা ভূভাগ—দস্যুর আবাস ।

গুহামুখে একখানি প্রস্তরখণ্ডের উপর  
কল্যাণী বসিয়াছিল ।

কল্যাণী । চমৎকাব ভাগ্যের লিখন !  
শক্তিমান্ রাজার তনয়া  
অদৃষ্টের ক্রুর আবর্তনে  
আজি বন্দি নী দস্যুর করে !  
অহোরাত্র গেল,  
তবু উদ্ধারের না হ'লো উপায় ।  
বুঝিতে না পারি,  
কেমনে নিশ্চিন্ত পিতা !  
অহোরাত্র আছি অনশনে  
অন্তরে পুষিয়া আশা  
কতক্ষণে আসিবেন পিতা,—  
কিস্ত কই ! কেহ তো এলো না ?

ফল ও জলপাত্রহস্তে রণলালের প্রবেশ ।

রণলাল । আশার কুহকে তুলি  
ধরি এই অনশন-ব্রত  
কতদিন রহিবে বাঁচিয়া রাজবালা ?

অস্পৃশ্য দস্যুর হস্তে  
 অস্ত্র থাও যদি না কর গ্রহণ,  
 লহ এই বনফল,  
 নিশ্চল তটিনী-বাধি  
 আনিয়াছি মৃৎপাত্র ভরি।  
 লহ রাজবালা!  
 ক্ষুধিতা—তৃষিতা তুমি,  
 ক্ষুধা তৃষ্ণা কব নিবাবণ।  
 কল্যাণী। হীন দস্য! কেন দাববাব  
 ত্যক্ত কর মোবে?  
 নবরক্ত-কলুষিত হাতে  
 আনিলেঃ স্বরগের সূধা,  
 স্পর্শ না কবিলে কহু  
 বল্লভুম-রাজাব নন্দিনী।  
 তা ছাড়া করেছি পণ—  
 ধবি এই অনশত-ব্রত  
 যতক্ষণ না আসেন পিতা,  
 যতক্ষণ নাহি হয দস্যুর দলন,  
 ততক্ষণ—বে দস্যু!  
 ততক্ষণ বিন্দুমাত্র বারি  
 স্পর্শ না করিব।  
 নিয়ে যা—নিয়ে যা তোমার  
 করুণার দান, দস্যু-অত্নগ্রহে  
 করি পদাঘাত আমি।

রণলাল ।

কিন্তু সে আশা ছরাশা তব  
জেনো রাজবালা !  
দস্যু-আবাসের পথ অজ্ঞাত সবার,—  
তবু যদি কোনরূপে কবিয়া সন্ধান  
আসেন জনক তব সেনাদল ল'য়ে  
যেতে হবে ফিরে তাঁবে  
অর্দ্ধপথ হ'তে ; কিম্বা  
সঙ্গিহারা অসহায় জনকে তোমার  
হ'তে হবে বন্দী এই হীন দস্যুকবে ।

কন্যাগী ।

অসম্ভব ! বে দস্যু,  
অসম্ভব সম্ভবে না কভু !  
নহে হীনবল মল্লভূমপতি,  
পবাজিত হবে রণে হীন দস্যুসনে !  
আকাশ-কুসুম সম  
ল'য়ে এই মধুর কল্পনা,  
যা রে ফিরে হীন দস্যু  
নির্জন গুহায়,  
বিশ্রামের অবসরে  
পাখি তৃপ্তি এই চিন্তা ল'য়ে ।

রণলাল ।

ভাল, তাই হোক রাজবালা !  
তুমিও রচনা কর আকাশে প্রাসাদ  
এইখানে বসি—  
সাথে ল'য়ে চিন্তা-সহচরী  
ছরাশার কুটিল ইঙ্গিতে,

আমি চ'লে যাই—  
কর্তব্য আমায় ডাকে!  
ষাইবার আগে  
কবিতেছি শেষ অন্তবোধ—  
বিধাতার দান  
প্রত্যাখ্যান ক'বো না  
গর্বিতা নারি!  
কল্যাণী। বিধাতার দান? আমিও না  
পাপমুখে বিধাতার নাম।  
নবহতা প্রবঞ্চনা  
নিত্যকর্ম যাহাদের,  
অশোভন তাহাদের মুখে  
বিধাতার পুণ্য নাম।

অগ্রে হাঙ্গীর, তৎপশ্চাৎ দম্ভ্যদল-পরিবেষ্টিত  
স্বরথমল্লের প্রবেশ।

হাঙ্গীর। ভাল; সেই পুণ্য নাম  
তোমার পিতারে বল করিতে স্মরণ—  
মুক্তি হেতু পিতা ও কন্তার।  
কল্যাণী। বাবা—বাবা—[ স্রবণেব দিকে অগ্রসরবোধতা ]  
হাঙ্গীর। ঐখানে দাঁড়িয়ে কথা কও রাজকন্তা! আর তুমিও  
এইখানে দাঁড়াও মল্লভূমপতি! বিদায়ের পালা এইভাবেই সেরে  
নিতে হবে পিতা-পুত্রীর।  
কল্যাণী। বাবা! বাবা! তুমি কি তবে দম্ভ্যহস্তে বন্দী?

হাঙ্গীর। দেখতে পাচ্ছে না রাজকন্যা? ও—এখনো যে অস্ত্র রয়েছে তোমাব পিতার কটিদেশে! রণলাল! বন্দীকে নিরস্ত্র কর।

স্বরথ। খবরদার!

[স্বরথমল্ল নিজ তরবারি স্পর্শ করিবামাত্র দম্ভাদল বর্শাগুলি একসঙ্গে উত্তোলন কবিল—রণলাল স্বরথমল্লের কোষ হইতে তরবারি খুলিয়া লইল।]

হাঙ্গীর। এইভাবে বুঝতে পাচ্ছে বাজকন্যা, তোমার পিতা বন্দী? তাও যদি না পাব, তাহ'লে বল, তাঁব হাতে লৌহ-শৃঙ্খল পবাতে আদেশ দিই—তাবপব সিচার।

স্বরথ। বিচার?

হাঙ্গীর। হ্যাঁ—বিচার।

কল্যাণী। কিসেব বিচার? নৃশংস দস্যব দল আমায় জোর ক'রে ধ'বে নিয়ে এসেছে—অপরাধী তাবা, আমার পিতা এসেছেন অপরাধীর শাস্তি দিতে।

হাঙ্গীর। সত্য কথা, আমার লোকেরা তোমায জোর ক'রে ধ'রে নিয়ে এসেছে—অবরুদ্ধ ক'বে বেখেছে, কিন্তু রাজকন্যার মৰ্যাদা এতটুকু স্মরণ করে নি। কিন্তু তোমার পিতাকে বন্দী করেছি কেন জানো? জানো কি তাব অপবাধ?

কল্যাণী। মিথ্যাকথা। আমার পিতা নিবপরাধ।

হাঙ্গীর। তুমি হয়তো জানো না! তোমাব পিতা যে অপরাধে অপরাধী, সে অপরাধের মার্জনা নেই।

কল্যাণী। বাবা—

স্বরথ। বাকপটু দস্যব কথায় ভুলিস্ নি মা! এরা মিথ্যাকে

সত্য করে—পাপ করে কর্তব্যের অজুহাত দেখিয়ে—নরহত্যায় প্রবৃত্ত  
হয় স্বার্থসাধন করতে ।

হাঙ্গীর । তোমার বিচারে এ অপরাধের শাস্তি কি রাজা ?

স্বরথ । চাকা যদি না ঘুরে যেতো দস্যু, তাহ'লে দেখাতুম  
এ অপরাধের শাস্তি কি ! যাক—আমি জানতে চাই, তোমার  
উদ্দেশ্য কি ?

হাঙ্গীর । উদ্দেশ্য ? উদ্দেশ্য অপরাধীর বিচার—তারপর শাস্তি ।

স্বরথ । অপরাধ ?

হাঙ্গীর । হ্যা—অপরাধ । স্মরণ কর রাজা, সেই অতীতের  
কথা—কি ছিলে তুমি, আর এখন কি হয়েছ তুমি ? মনে পড়ে  
রাজা স্বরথমল্ল, তোমার ভূতপূর্ব প্রভুর কথা—মল্লভূমিব অধীশ্বরের  
কথা ?

স্বরথ । দস্যু !—

হাঙ্গীর । আমি দস্যু বটে—নরহত্যাকারী,  
কিন্তু তুমি,  
রাজদ্রোহী—প্রভুদ্রোহী—বিশ্বাসঘাতক ।  
আছে কি স্মরণে, কি করেছ তুমি ?  
মহান্ উদার রাজা—  
যে তোমারে সম্মান-সমান  
করেছিল আদরে পালন,  
সামান্য সৈনিক হ'তে  
রূপায় যাহার পদোন্নতি তব  
মল্লভূম-সেনাপতি-পদে,  
সেই দেবতাহৃদয় স্নেহময়

প্রভু ওতি আচরণ তব  
 আছে কি স্মরণে ?  
 নিমন্ত্রণহলে আহ্বানিয়া আপনার গৃহে,  
 আহ্বারের সনে বিষদানে বধিবা প্রভুবে  
 নিয়েছিলে সিংহাসন, তারপর  
 নিষ্কণ্টকে বাজ্যভোগ করিবাব আশে  
 পিতৃমাতৃহীন ক্ষুদ্র শিশু রাজার তনয়ে  
 বধিবাব লাগি করেছিলে কত আয়োজন ;  
 মনে পড়ে সে সব কাহিনী ?  
 কিন্তু দুর্ভাগ্য তোমার—  
 ব্যর্থ আয়োজন তব ;  
 মবে নাই শিশু, আজি বিচারক—  
 দণ্ডদাতারূপে সম্মুখে তোমাব ।

কল্যাণী । বাবা—বাবা ! এ কি সত্য কথা ? ওকি, নিরুত্তর  
 কেন বাবা ?

হাঙ্গীর । উত্তর দেবার সাহস কোথায় রাজকণ্ঠা ?

সুরথ । না—না, আমার সাহস আছে—আমার সাহস আছে ।  
 ক্ষত্রিয়রক্তে আমার জন্ম—জন্মদাতার অমর্যাদা করতে পারবো না ।  
 আমি স্বীকার করছি—আমি অপরাধী ।

হাঙ্গীর । স্বীকার করছো ? তাহ'লে অপরাধের শাস্তি গ্রহণের  
 জন্য প্রস্তুত হও রাজা ! আমি স্বহস্তে তোমায় শাস্তি দেবো ।

কল্যাণী । শুধু অপরাধ স্বীকার নয় বাবা, তোমার ওই পাপ-  
 অঙ্কিত সিংহাসন তার শ্রাব্য অধিকারীকে প্রত্যর্পণ কর ।

হাঙ্গীর । সে অল্পগ্রহ আমি চাই না রাজকুমারি, যখন শ্রাব্য



অধিকার ছিনিয়ে নেবার শক্তি আমার আছে। প্রস্তুত হও রাজা !

কল্যাণী । আমার পিতাকে তুমি কি শাস্তি দেবে দস্যু ?

হান্সীর । মৃত্যু ; তবে তরবাবি একটি আঘাতে নয় । তোমার সম্মুখে আমার অন্তচেবরা একসঙ্গে শত বর্ষার আঘাত করবে তোমাব পিতাব অঙ্গে, রুধিরধারা শতবারায় ঝরবে শ্রাবণের ধারার মত তোমার পিতার অঙ্গ-প্রত্যঙ্গ হ'তে—তা'ব যন্ত্রণাকাতব আর্তনাদে দিগ দিগন্ত মুখবিত হ'বে উঠ'বে—তুমি আতঙ্কে মচ্ছিত হ'বে পড়'বে, আর আমি তাই দেখে আমার তীব্র প্রতিহিংসা পূর্ণ হয়েছে মনে ক'রে আনন্দে অটুহাসি হাস'বো—হাঃ—হাঃ—হাঃ !

কল্যাণী । দস্যু ! দস্যু ! সংযত কর তোমার ওই জিহাংসা-বৃত্তি ! ওকি পৈশাচিক ভাব তোমাব চোখে মুখে ফুটে উঠেছে ? সংযত কর—সংযত কর ! বাবা—বাবা—[ অগ্রসরোগত ]

হান্সীর । ঐখান থেকে—বাজকমাবি, আর একটি পাও এগিও না, অন্তথায় আমার অন্তচেববা তোমাব অঙ্গস্পর্শ করুতে দ্বিধা করবে না ।

সুবথ । ঐখান থেকেই বিদায় দাও কত্তা ! দস্যু ! একটা অহুরোধ রাখ ; আমায় যে শাস্তি দিতে চাও—দাও, শুধু এখান থেকে আমায় নিয়ে চল—কত্তার সম্মুখে তার পিতাকে হত্যা ক'রো না ।

হান্সীর । এও তোমার শাস্তি ! রণলাল ! আর কেন, বর্ষা নাও—সকলে একসঙ্গে আঘাত কর ।

[ নিমেষে কল্যাণী ছুটিয়া গিয়া সুরথমল্লকে জড়াইয়া ধবিল । ]

কল্যাণী । বাবা—বাবা—! আমায় বধ না ক'রে দেখি কার সাধ্য আমার বাবাকে আঘাত করে ।

হাঙ্গীর । বিচ্ছিন্ন কর—বিচ্ছিন্ন কব রণলাল, আগে কণ্ঠ্যকে  
তার পিতার কাছ থেকে—

স্বরথ । ওবে—ওরে, তোবা আমাদের মারুতে পারবি, কিন্তু  
এ স্নেহের বাঁধন ছেঁড়বার শক্তি তোদের নেই ।

হাঙ্গীর । বিচ্ছিন্ন কর রণলাল—এই মুহূর্তে—

বণলাল । ঈশ্বরের শক্তি যেন স্নেহেব বেঁটনীরূপে পিতা-পুত্রীকে  
বেঁধে রেখেছে সর্দার ! এ বন্ধন ছিন্ন করবার শক্তি আমার  
নেই ।

### চিমনলালের প্রবেশ ।

চিমন । সমস্ত শক্তি দিয়ে চেষ্টা কব রণলাল ! ওই সময়তান  
যেমন তাব পৈশাচিক শক্তি দিয়ে একদিন এক অনাথিনীর বুক  
থেকে এক স্নকুমার শিশুকে ছিনিয়ে নিয়েছিল, সেই পৈশাচিক  
শক্তি প্রয়োগ কব বণলাল !

### পাগলিনীর প্রবেশ ।

পাগলিনী । খবরদার ! স্নেহেব বাঁধন ছিঁড়ে সন্তান ছিনিয়ে  
নিষ্ নি ! যে নিবি, আমি তাকে খুন করবো ! ওরে—ওরে,  
তোরা জানিস্ নি কি, সন্তান ছিনিয়ে নিয়েছিল ব'লেই আজ  
আমার এই দশা ?

হাঙ্গীর । তা হবে না মা ! আমি প্রতিশোধ নেবো—পিতৃ-  
হত্যার প্রতিশোধ !

পাগলিনী । প্রতিশোধ ? সন্তান ছিনিয়ে নিয়ে প্রতিশোধ ?  
ওরে, সে প্রতিশোধে কি অস্ত্রের আগুন নিভবে তোর ? কখনো  
নিভবে না—কখনো নিভবে না । ওদের মার্জনা কর । তোর

বুকের আশুন ওরা নিজের বুকে নিয়ে এখান থেকে বিদেয় হ'য়ে যাক্ ।

হাঙ্গীর । ঠিক বলেছ মা ! প্রতিহিংসায় প্রতিশোধ নেওয়া যায় না । কি করুণ মহিমময় দৃশ্য ! স্নেহের বেষ্টনী দিয়ে ছুজনে ছুজনকে বেঁধে রাখতে চাইছে, অথচ কারো সামর্থ্য নেই কাকেও বাঁচাতে ! উন্মাদিনীও দেখতে পারছে না এই অপার্থিব স্নেহের অমর্যাদা ! চাই না—চাই না আমি আর প্রতিশোধ নিতে ; মহারাজ সুরথমল্ল ! মুক্ত আপনি—রাজকন্যাকে নিয়ে রাজধানীতে ফিরে যান । আর রাজকন্যা ! যদি আনায় অপরাধী মনে কর, তোমার পিতাকে বল আমায় শাস্তি দিতে ।

সুরথ । মল্লভূমির অধিপতি সুরথমল্ল কারো উপরোধ অহুরোধের অপেক্ষা রাখে না দস্যুসর্দার ! তুমি আমার কন্যাকে অপহরণ ক'রে তার মর্যাদায় আঘাত করেছ, সে অপরাধের শাস্তিস্বরূপ তার সমস্ত ভার আজ থেকে তোমাব উপর দিলুম—[ কল্যাণীকে হাঙ্গীরের হস্তে অর্পণ । ] আর মল্লভূমির সিংহাসন আজ থেকে তোমার ।

চিমন । আমি কি স্বপ্ন দেখছি রে ?

সুরথ । স্বপ্ন নয় বৈবাহিক, এ সত্য । আমার অতীত দিনের সকল অপরাধ ভুলে গিয়ে আমায় আলিঙ্গন দাও বৈবাহিক ।

চিমন । বুড়ো সর্দারকে এমন ক'রে আকাশে তুলছেন কেন মহারাজ ?

সুরথ । মহারাজ আর আমি নই ভাই, মহারাজ এখন হাঙ্গীর ; আর আমি তোমায় তোমার প্রাপ্য মর্যাদাই দিয়েছি,—তুমি যে হাঙ্গীরের প্রতিপালক পিতা—

পাঞ্চম দৃশ্য ।]

বীর হান্সরিক

পাগলিনী । রাজটাকে পরাতে হবে, যাই—চুয়া-চন্দন খুঁজে  
আমি গে—

[ প্রস্থান ।

চিমন । ওরে, তোরা সব কোথায়—উৎসবের আয়োজন কর !  
এসো বেয়াই—

[ হান্সরিক ও কল্যাণী ব্যতীত সকলেব প্রস্থান ।

### পুষ্পমালাহস্তে অপর্ণার প্রবেশ ।

অপর্ণা । ফুলের মালা না হ'লে কি বরক'নে মানাষ ? তাই  
তো অনেক চেষ্টা ক'রে এই মালা দু'গাছি নিয়ে এলুম, পর  
তো দাদা—[ মালা পরাইতে গিয়া ] ওমা—একি ! দিদি ?

কল্যাণী । অপর্ণা ! তুই এখানে যে ?

অপর্ণা । চল আগে বাসরঘরে, তারপর সব বলছি । এখন  
আর আমি তোমার ছোট বোনটা নই—দস্তুরমত ননদ ! এখন  
এসো—

হান্সরিক । ভারি দুষ্ট তুমি অপর্ণা !

অপর্ণা । স্বভদ্রাহরণের বেলায় দুষ্টুমি হ'লো না, দুষ্টু হ'লো  
অপর্ণা—বটে !

[ সকলের প্রস্থান ।

# চতুর্থ অঙ্ক ।

## প্রথম দৃশ্য ।

সুধীরথের বিলাস-কক্ষ ।

সুধীরথ, গোলাম মহম্মদ, বটুকেশ্বর সুরাপান  
করিতেছিল এবং নর্তকীগণ গাহিতেছিল ।

নর্তকীগণ ।—

## গীত ।

আমাদের গোপন কথা স্বপনমুগ্ধর গানে—  
শোনাবো আজিকে ঝুঁপু তোনায কানে কানে ॥  
ভাবতে গিযে তোমার কথা হারাই আপনারে,  
আপনহারি খুঁজে বেড়াই সখা তোমারে.  
খুঁজতে তোমার তাকিযে থাকি আপন প্রাণের পানে ॥  
সামনে না এসো যদি, এসো মনের দ্বারে,  
এসো গো নিখুম রাতে নখুর বাতে আমার স্মৃতি-বীণার তারে,  
সারা জীবন ভ'রে চাওয়া,  
মনের কথা গানে গাওয়া,  
পাওয়ার সাধ মিটবে সখা, তোমার প্রাণের আকুল টানে ॥

গোলাম । বহুত আচ্ছা—বহুত আচ্ছা !

সুধীরথ । তোমরা বিশ্রাম করগে ।

বটুকেশ্বর । কিন্তু ঘুমিযে পড়ো না যেন ! হযতো আবার—

বুঝলে ?

[ নর্তকীগণের প্রস্থান ।

স্বধীৰথ । আমি আর অপেক্ষা করতে পারবো না দোস্ত !  
আমি অবিলম্বেই মল্লভূমি আক্রমণ করতে চাই ! দাদার এ অবিচার—  
এ অত্যায আমি কোনমতে পরিপাক করতে পারছি না ।

গোলাম । বেশক !—সত্যি কথা বলতে গেলে বলতে হয়, রাজা  
স্ববধমল্লের এ ভারি অত্যায ! তোমার মত উপযুক্ত ভাই  
ধাক্কাতে বাজাটা তুলে দিলে কিনা একটা ডাকাতের হাতে । বলি  
দুনিয়ায় ভাইয়ের চেয়ে আপনার কে আছে ? সেই ভাইকে এমন-  
ভাবে বঞ্চিত করা—আরে ছোঃ !

স্বধীৰথ । শুধু তাই নয় বন্ধু, তা ছাড়া সিংহাসনে আমাব  
একটা দাবী আছে ।

গোলাম । দাবী থাকাই সম্ভব—ভাইয়ের অধিকারে ভাইয়েরই  
দাবী থাকে ।

স্বধীৰথ । সেজগা বলি না বন্ধু ! বলি, দাদা ঐ মল্লভূমির  
সিংহাসন পেলেন কোথেকে ? ভূতপূৰ্ণ মল্লভূমাধিপত্যকে পৃথিবী  
থেকে সবিয়ে সিংহাসন অধিকার করলেন কাব সাহাসো ? সে  
আমি বন্ধু—সে আমি । আব আমাকেই ফাঁকি ! দুনিয়ায় ধৰ্ম্ম  
নেই বন্ধু, ধৰ্ম্ম নেই !

গোলাম । আপশোস কি বাৎ ! তুমি প্রস্তুত হও দোস্ত—  
আমিও প্রস্তুত । মাকে প্রতিশ্রুতি দিয়েছিলুম—ভাইয়ের বিরুদ্ধে  
দাঁড়াতে তোমায় সাহায্য করবো না ! এখন আব সে বাধা নেই—  
এখন তুমি দাঁড়াছো তোমার গায অধিকারের দাবী নিয়ে । তা  
ছাড়া গৌড়-অধিপতিও আদেশ দিয়েছেন অবিলম্বে মল্লভূমি আক্রমণ  
করতে—পরোবানার সঙ্গে বিশ হাজার সৈন্যও পাঠিয়েছেন । তুমি  
আক্রমণ না করলেও আমি কর্তৃত্বম ।

সুধীরথ । তাহ'লে এসো বন্ধু, আজই রাত্রে আমরা দুজনে একসঙ্গে হানা দিই ! তুমি তোমার সেনাদল নিয়ে যাও গড়-মান্দারণের পথে, আমি আক্রমণ করি কতলুপুর-দুর্গ ; মল্লভূমি জয় করতে হ'লে আগে এই ছুটি খাটা দখল করতে হবে ।

গোলাম । আমি সর্বদাই প্রস্তুত দোস্ত ! তবে ছজুরের পবো-য়ানার মর্ম্মার্থ এই যে, সিংহাসন তোমাকে পাইয়ে দিলে তোমায় থাকতে হবে গোড়ের অধীনস্থ করদ রাজা হ'য়ে ।

সুধীরথ । করদ কেন, মিত্ররাজ্য বল !

গোলাম । মিত্রতা তো আমার সঙ্গে দোস্ত ! গোড়ের অধিপতির সঙ্গে তো সে সম্বন্ধ নয় !

সুধীরথ । যাক্—সেজ্ঞা আটকাবে না । তুমি প্রস্তুত হও—  
আজই রাত্রে—বুঝলে বন্ধু—আজই রাত্রে—

### রণলালের প্রবেশ ।

সুধীরথ । কে তুমি ? কি চাও ?

রণলাল । আমি মল্লরাজ-সেনাপতি রণলাল ।

সুধীরথ । তোমার প্রয়োজন ?

রণলাল । এই পত্রপাঠেই সমস্ত অবগত হবেন ।

[ পত্র প্রদান ] :

সুধীরথ । [ পত্র পাঠ করিয়া উহা পদতলে দলিত করিলেন । ]  
দস্যু হাঙ্গীরকে জানিয়ে দিও, আমি তার আদেশ পালন করতে প্রস্তুত নই, কারণ এই কুশদ্বীপের স্বাধীন নরপতি আমি—কুশদ্বীপ মল্লভূমির অধীন নয় ।

রণলাল । জামাতার বিরুদ্ধে আপনি বিদ্রোহ করতে চান ?

স্ববীরথ । কে জামাতা ? কার জামাতা ? দাদা উন্মাদ হয়ে একটা হীন দস্যর হস্তে কণ্ঠা সম্প্রদান করেছেন বলে তাঁর সেই উন্নততার খেয়ালটাকে সঙ্গত বলে মেনে নিতে হবে ? না—কখনো না ! তোমার প্রভুকে গিয়ে বলে, একটা হীন দস্যর সঙ্গে কুশদ্বীপাধিপতি স্ববথমন্ডের কোন সম্বন্ধ নেই—থাকতে পারে না ।

রণলাল । কিন্তু এই কুশদ্বীপ মল্লভূমির এলাকাভুক্ত আর আপনি মহারাজের অবদান একজন কর্মচারী—নগণ্য দুর্গরক্ষক মাত্র !

স্ববীরথ । একজন নগণ্য দূতের কাছে আমি কোন কৈফিয়ৎ দিতে প্রস্তুত নই । বার্তা নিয়ে এসেছিলে, আমিও তার উত্তর দিয়েছি ; এখন যদি ভাল চাও, এ স্থান ত্যাগ কর ।

রণলাল । কি বলবো, মহারাজের আদেশ—বিশ্রোহী জেনেও মহারাজ হান্সের তাঁর পূজনীয় আত্মীয়ের প্রতি যাতে কোনরূপ অসঙ্গত আচরণ না করি, সে জন্ত পুনঃ পুনঃ সাবধান করে দিয়েছেন, নইলে এই নগণ্য বার্তাবাহকের শক্তির একটুখানি পরিচয় দিয়ে যেতুম ।

[ প্রস্থান ।

গোলাম । স্পষ্ট এই যুবকের যে তোমাকে শাসিয়ে যায় দোস্ত !

স্ববীরথ । শাস্ত্রমতে দূত অবধ্য ; তা ছাড়া ক্ষণিকের অতিথি তুমি, একটা অশান্তির সৃষ্টি করে তোমার অমর্যাদা করতে পারলুম না বন্ধু !

বটুকেশ্বর । আমার কিন্তু ভারি রাগ হ'ছিল হুজুর ! ইচ্ছে হ'ছিল দিই গালে একখানা বিরালী সিকের ওজনের চড় বসিয়ে, কিন্তু ধৈর্য—ধৈর্য ধরলুম—



## বীর হাঙ্গীর

[ চতুর্থ অঙ্ক ।

গোলাম । বেশ করেছ বটুক মিঞা, ধৈর্যধারণ করা একটা মস্ত গুণ ।

বটুকেশ্বর । আজ্ঞে হ্যাঁ, তাই জানি ব'লেই এই ধৈর্যধারণ বিছোটা আয়ত্ত ক'রে ফেলেছি ; শয়নে ধৈর্য, স্বপনে ধৈর্য, রণে ধৈর্য, বনে ধৈর্য—

স্ববীরথ । থাক—থাক বটুক, আব তোমাষ তোমাব ধৈর্যের ফিরিস্তি দিতে হ'বে না ।

[ সহসা তোপধ্বনি শোনা গেল । ]

গোলাম । মল্লভূমে সহসা তোপধ্বনি কেন হ'লো বলতে পাব দোস্ত ?

স্ববীরথ । এ তো মল্লভূমির তোপধ্বনি নয় বন্ধু ! মনে হ'লো যেন এই কুশভূর্গের অতি সন্নিকটে ।

গোলাম । এই ভূর্গের সন্নিকটে ? তবে কি শত্রুশক্তি অতর্কিতে কুশভূর্গ আক্রমণ কবেছে ? তাহ'লে আর আমি এক লহমাও অপেক্ষা করতে পারবো না দোস্ত ! আমি ছাউনিতে চল্লুম, তুমি কথামত কাজ ক'বো ।

[ প্রস্থান ।

[ নেপথ্যে সৈন্ত-কোলাহল । ]

স্ববীরথ । একি ! ভূর্গের বাইবে সৈন্ত-কোলাহল ! তবে কি দস্যু আমার উক্তরের অপেক্ষা না ক'রেই ভূর্গ আক্রমণ করেছে ! কিন্তু আমার সৈন্তগণ ? তারা কি বাধা দেয় নি ? বিশ্বাসঘাতক—  
নেমকহারামের দল ! এখন গুপ্তপথে পলায়ন ভিন্ন অন্য উপায় নেই । দেখি—

[ প্রস্থানোদ্ভূত । ]

বটুকেশ্বর । [ পথরোধ করিয়া পাড়াইয়া ] হজুর !

স্বদীরথ । পথ ছাড়ো মূর্থ !

[ বটুকেশ্বরকে ধাক্কা দিয়া বেগে প্রস্থান ।

বটুকেশ্বর । ধৈর্য—ধৈর্যধারণ ক'রে সব সহিতে হবে ।

## রণলাল ও হান্সীরের প্রবেশ ।

হান্সীর । দেখ্লে রণলাল, আমার অহুমান সত্য কিনা ? পাছে আমার পূজনীয় আত্মীয় ব'লে বসেন যে আমিই আত্মীয়তার মূলে কুঠারাঘাত ক'বে কুশদুর্গ আক্রমণ করেছি, তাই পত্র দিয়ে তোমায পাঠিয়ে সেনাদল নিয়ে দুর্গ-সন্নিকটে অপেক্ষা করছিলাম । কিন্তু সহকারী দুর্গরক্ষকের কথায় বিশ্বাস করতে পারি নি, আমাব সন্দেহ হয়েছিল, দুর্গস্থ সৈন্তগণ বিনা বাবায আমাব বশতা স্বীকার করবে কি না ? কিন্তু তোপধ্বনিব যখন কোন প্রত্যুত্তর পেলুম না, তখন বুলুম সহকারী দুর্গরক্ষকের কথা সত্য ; তার সেনাদল আমাদের দুর্গপ্রবেশে বাধা দেবে না । কৈ রণলাল, দুর্গাধিপতি স্বদীবগমল কই ?

বটুকেশ্বর । ও বাবা, এবা আবার কারা ? ধৈর্য—

হান্সীর । তুমি কে ?

রণলাল । এ একজন তাঁর বিলাসের সঙ্গী মাত্র । ওহে, তোমাদের কুশদ্বীপ-অধিপতি সেই স্বদীবগমল কোথায় ?

বটুকেশ্বর । অগ্রায়—হজুর, ভয়ানক অগ্রায়—

রণলাল । অগ্রায় কিসে ?

বটুকেশ্বর । আজ্ঞে তাঁর,—তিনি স'রে পড়লেন ল্যাঙ্কটাকে ছেঁটে বাদ দিয়ে ! অহুমতি দিন, কুণ্ডলী পাকাই—

হান্সীর । পালিয়েছে ? যাক্—আমাদের বর্তমান অভিযান তা-

## বীর হাঙ্গীর

[ চতুর্থ অঙ্ক ।

হ'লে এইখানেই শেষ । তাহ'লে এসো রণলাল, সহকারীর হাতে  
দুর্গের ভার ছেড়ে দিবে আমরা রাজধানীতে রওনা হই ।

রণলাল । একে বন্দী করবো ?

হাঙ্গীর । একটা মুষিক বন্দী ক'রে কি লাভ হবে রণলাল ?

বটুকেশ্বর । ঠিক কথা ! তাও মুষিক নয় হজুর—মুষিকের ল্যাজ ;  
মুষিক মশায় গর্তে ঢুকেছেন ।

হাঙ্গীর । যাও !—না, আমাদের সঙ্গে এসো—

বটুকেশ্বর । যে আজ্ঞে !

হাঙ্গীর । এসো রণলাল !

[ সকলের প্রস্থান ।

## দ্বিতীয় দৃশ্য ।

বন-বিষ্ণুপুর—নগরতোরণ ।

অপর্ণা ও চন্দন কথোপকথন করিতেছিল ।

অপর্ণা । আমি তোরাই অপেক্ষা করছিলুম চন্দন !

চন্দন । এই রাত্রে নগরতোরণে তুমি একলাটি আমার জগ্রে  
অপেক্ষা ক'রে আছো দিদি ? খুব সাহস তো তোমার ?

অপর্ণা । ভুলে যাচ্ছি কেন চন্দন, ক্ষত্রিয়রক্তে যে আমার জন্ম !  
যাক—এখন কি দেখে এলি, তাই বল !

চন্দন । আমার ঘোড়াটা যেন দিদি, শঙ্কিরাজ—চোখের নিমিষে আমায় যেন হাওয়ায় উড়িয়ে নিয়ে গেল ! গিয়ে দেখলুম গোলাম মহম্মদ তার ছাউনি তুলে দিখে গেছে । তার কোন নিদর্শন না পেয়ে আমি চাকদহের পথে এগিয়ে গেলুম—চক্ষু-কর্ণের বিবাদভঞ্জন হ'লো নূতন ছাউনি দেখে ! তাঁবুর পর তাঁবু—প্রায় আধ ক্রোশ জুড়ে ! কাতারে কাতারে সেনা ! মনে হ'লো, এখনই যেন তারা ঝাঁপিয়ে পড়বে পঙ্কপালের মত ! কি হবে দিদি ?

অপর্ণা । তাইতো ! মহারাজ সৈন্তে গেছেন বিজ্রোহী পিতাকে দমন ক'রে কুশভূর্গ দখল করতে—সেনাপতি রণলালও তার সঙ্গে গেছেন, এই স্বযোগে শত্রুদল যদি মল্লভূমির উপর ঝাঁপিয়ে পড়ে, তাহ'লে ? [ ক্রিয়াক্ষণ চিন্তা করিয়া ] চন্দন !

চন্দন । দিদি ! কি ভাবছে দিদি ?

অপর্ণা । না—আর ভাবাব অবসর নেই চন্দন ! আমাদের এখনই যেতে হবে । তোর ঘোড়া তৈরী ?

চন্দন । আমার ঘোড়া সর্বদাই তৈরী থাকে দিদি ! কোথায় যাবে দিদি ?

অপর্ণা । ভাবছি, বাবো কতলুপুর-ভূর্গে । সে ভূর্গের সংস্কার এখনও শেষ হয় নি, এ সংবাদ মহারাজের মুখেই শুনেছি । তা ছাড়া নাম মাত্র কয়েকজন রক্ষী ভিন্ন সেখানকার সমস্ত সৈন্তই মহারাজের সঙ্গে গেছে । ভূর্গ এখন অবক্ষিত বল্লই হয় । এ অসহায় সে ভূর্গ অধিকার করা শত্রুর পক্ষে সহজসাধ্য । এই কতলুপুর ভূর্গ শত্রুর করায়ত্ত হ'লে মল্লভূমি রক্ষা করা সুদূর-পর্যাহত হ'য়ে দাঁড়াবে । বুঝেছিচু চন্দন ! চল্ আমরা যাত্রা করি—

চন্দন । কিন্তু তুমি একা কি করবে দিদি ? শত্রুসৈন্য যে অগণিত !

অপর্ণা । কেন, তুই আমার সঙ্গী ?

চন্দন । একটা ক্ষুদ্র বালক আব একটা বালিকা এতবড় একটা বিরাট বাহিনীর গতিরোধ করবে ? হাসালে দিদি, হাসালে !

অপর্ণা । হাসি নয় ভাই ! কাজেই দেখিয়ে দেবো এই ক্ষুদ্রবুদ্ধি ছুটি বালক-বালিকার দ্বারা অসম্ভব সম্ভব হ'তে পারে । ই্যা— তুই বাকদ বহতে পারবি তো ?

চন্দন । খুব পারবো । আর তুমি ?

অপর্ণা । আমি কামান দাগবো ।

চন্দন । পারবে ?

অপর্ণা । দাদার কাছে শেখা বিগেটা দেখি না কাজে লাগাতে পারি কি না !

চন্দন । তুমি এসব কখন শেখো দিদি ?

অপর্ণা । আমার আর কাজ কি ভাই ? রাজসংসাবে থেকে দিলাস-ব্যসনে সময় কাটানোর চেয়ে ছোটো বিগে শেখা ভাল নয় কি ?

চন্দন । আমায় কিন্তু কেউ কিছুই শেখায় না ।

অপর্ণা । আমাকেই কি শেখাতে চেয়েছিলেন ? দাদা গোলন্দাজ সৈন্যাদ্যক্ষের কাছে যখনই যান, আমিও তাঁর সঙ্গে যাই । কৌতুহল-পরায়ণা বালিকার কৌতুহল মেটাতেই হবে. কাজেই আমার শেখবার পথে কোন বাধা পড়ে নি । কথায় কথায় অনেক দেরী হ'য়ে গেল । আয়—চ'লে আয়—

[ উভয়ের প্রস্থান ।

বটুকেশ্বরের হাত ধরিয়া টানিতে টানিতে অপর  
দিক দিয়া রণলালের প্রবেশ ।

রণলাল । ঠিক বল্ছো, তুমি স্বকর্ণে এ সংবাদ শুনেছো ?

বটুকেশ্বর । আমি তো সেইখানেই ছিলুম,—ওদের পরামর্শ আমি  
নিজের কানে শুনেছি ।

রণলাল । মিথ্যা বল্লে বা প্রতারণা করলে তার শাস্তি কি  
জানো ? শাস্তি প্রাণদণ্ড ! যেমন তেমন ভাবে প্রাণদণ্ড নয়,  
আমি তোমায তপ্ত তৈলকটাহে নিক্ষেপ ক'রে তোমায় জীবন্ত  
দগ্ধ করবো ।

বটুকেশ্বর । আমি একটি কথাও মিথ্যে বলি নি হুজুর ! তাঁরা  
স্থির করেছেন—খাসাহেব সসৈন্তে যাবেন গড় মান্দাবণের পথে, আর  
আমার হুজুব কতলুপু-ব-দুর্গ আক্রমণ করবেন সেনাদল নিয়ে নিজেই ।

রণলাল । কিন্তু কুশদুর্গাধিপতি স্বধীরত্ব যে একাকী পালিয়েছে  
বল্লে ?

বটুকেশ্বর । দুর্গদ্বারে সৈন্যকোলাহল শুনে তিনি উপায়ান্তর না  
দেখে গুপ্তপথ দিয়ে পালিয়েছেন ।

রণলাল । সম্ভবতঃ গোলাম মহম্মদেরই শরণাপন্ন হয়েছেন ?

বটুকেশ্বর । তাই অতুমান হয় হুজুর !

রণলাল । তাহ'লে তাদের পরামর্শ মত কাজ হবে ব'লে মনে  
হয় না । অথচ মহারাজ গেলেন সসৈন্তে গড় মান্দাবণের পথে—  
উদ্বেগ উভয় দলকে বাধা দেওয়া চাকদহের সম্মিলনে—মধ্যপথে,  
কিন্তু ঘটনাস্রোত এখন ভিন্নমুখী । গোলাম মহম্মদ যদি কতলুপু-  
দুর্গ আক্রমণ করে, তাহ'লে সে বিনা বাধায় সেই অসংকুল

অবক্ষিত দুর্গ অনায়াসেই অধিকার করতে সক্ষম হবে,—ফলে মল্লভূমির মেরুদণ্ড ভেঙ্গে যাবে ! তা হবে না—তা হ’তে দেবো না । গোলন্দাজ সেনানায়কের উপর রাজধানী রক্ষার ভার—পুরীরক্ষার স্বতন্ত্র ব্যবস্থাব কোন প্রয়োজন নেই ; আমি দ্রুতগামী অথ আবোহণ ক’রে এখনই যাবো কতলুপুর দুর্গে । তারপর—তার পরের ভাবনা তারপর ! এসো বটুক আমার সঙ্গে ; তোমাঘ উপস্থিত থাকতে হবে পুর্বীরক্ষীর নজববন্দী হ’য়ে কতলুপুর হ’তে আমি প্রত্যাগমন না করা পর্য্যন্ত ! বুঝেছ ?

বটুকেশ্বর । আজ্ঞে হ্যা—পৈধ্য ! সে ধৈর্য্যধারণের শক্তি আমার আছে—

[ উভয়ের প্রস্থান ।

## তৃতীয় দৃশ্য ।

কতলুপুর—দুর্গ-সম্মুখ ।

[ দুর্গদ্বার বন্ধ ছিল, দুর্গপ্রাকার হইতে মুহুমূহঃ তোপধ্বনি হইতেছিল, অদূরে সৈন্ত-কোলাহল ও আহতের আর্ন্তনাদ দিগন্ত মুখরিত করিতেছিল । ]

বেগে সুধীরথমল্লের প্রবেশ ।

সুধীরথ । তাইতো, একি বিপত্তি ! এই শুনলুম কতলুপুর দুর্গের সংস্কার এখনও শেষ হয় নি—দুর্গ অরক্ষিত, অথচ দুর্গ-হ’তে মুহুমূহঃ কামান দাগ্ছে কে ? বন্ধুর দেওয়া সেনাদলের

অর্ধেক ধ্বংস হ'য়ে গেল, অর্ধেক ভীত ত্রস্ত আহত হ'য়ে ছত্রভঙ্গ হ'য়ে পলায়ন করলে। একা আমি অগ্নিবর্ষী কামানের মুখে কেমন ক'রে দাঁড়াবো? পরাজয়ের কলঙ্ক-কালিমা মেখে বন্ধুর কাছে ফিরে যাবোই বা কেমন ক'রে? কি কবি? কি কবি? ঐ সেই কামান-গর্জ্জন! ঐ আবার! অগ্নিবর্ষী কামানগর্জ্জন ঠিক সমভাবেই চলেছে। ছাশা—এই তুর্ভেগ্য তুর্গজ্জয় নিতান্ত ছাশা! একি, অকস্মাৎ কামানগর্জ্জন স্তব্ধ হ'লো কেন? বারুদ ফুটিয়ে গেল, না শত্রু পালিয়েছে দেখে গোলন্দাজ তোপদাগা বন্ধ ক'রে দিলে? সেনা-দলকে ফিরিয়ে আনতে পারলে হয়তো—না—না, তারা আর ফিরবে না। তুর্গজ্জয়ের আশা নেই!

তুর্গের গুপ্তদ্বার দিয়া সর্বদাঙ্গ বারুদমাখা অবস্থায়

অপর্ণা ও চন্দন বাহিরে আসিল।

অপর্ণা। এখনও কি তুর্গজ্জয়ের আশা কর সৈনিক?

স্বধীরথ। কে তোবা? সর্বদাঙ্গ বারুদ মেখে জীবন্ত প্রেতের মত তুর্গ থেকে গেরিষে এলি?

অপর্ণা। কে তুমি? বাবা? তুমি এসেছিলে তুর্গজ্জয় করতে? আর কেন দাঁড়িয়ে? রাজদ্রোহিতাব ছাপ সর্বদাঙ্গ মেখে বন্ধুর সঙ্গে ষড়যন্ত্র ক'বে যে আশা এসেছিলে, সে আশা যখন পূর্ণ হ'লো না, তখন আর কেন? পরাজয়ের কালি মেখে এইবার ফিরে যাও তোমার শুভাহুধায়ী বন্ধুব কাছে—সবিস্তাবে বর্ণনা ক'রো পিতা-পুত্রীর বিরাট সংগ্রাম-কাহিনী! পুরস্কার পাবে—আশাতীত পুরস্কার পাবে।

স্বধীরথ। অপর্ণা—তুই? পিতৃদ্রোহিনি! তোর এই কাজ?



অপর্ণা । এ তো পিতৃদ্রোহিতা নয় বাবা, এ কর্তব্যপালন ।

স্বধীরথ । কর্তব্যপালন ? পিতৃবক্ষে

অস্ত্রাঘাত—কর্তব্যপালন !

যাহাব কৃপায় ধবাবক্ষে লইলি জনম,

সেই পিতা—জগতের প্রত্যক্ষ দেবতা

শাস্ত্রে যারে কয়, বিরুদ্ধে তাহার

অবহেলে তুলিলি বিদ্রোহ-খড়্গ ?

অপর্ণা ।

বিদ্রোহ ? বিদ্রোহ কাহারে বল তুমি ?

পিতৃভক্ত তনয়া বলিয়া

যা সহেছি আমি,

জগতের অণু কোন তনয়-তনয়া

সহিত না এত অত্যাচার !

শুধু পিতার কল্যাণ হেতু

কলঙ্ক নিন্দার ভয় করি পরিহার

গিয়েছিলাম অজ্ঞাত বন্ধুর পাশে,

যার ফলে হইয়াছি গৃহহারা !

বিনা অপরাধে

তুলিয়া দিয়াছ শিরে কলঙ্ক-পশরা,

তাও সহিয়াছি শুধু তোমারি কারণ !—

তবু কর মোরে অপরাধী ?

স্বধীরথ ।

শতবার—সহস্র সহস্রবার

উচ্চকণ্ঠে জগতসমক্ষে

বলিব, নাগিনী তুই—

দংশন করিয়া বুকে

দিয়েছি স্ ভাল প্রতিদান

অপত্যস্নেহের !

অপর্ণা ।

ভুল—আগাগোড়া করিয়াছ ভুল,

তাই অহুতপ্ত আজি

মানিময় হীন পরাজয়ে !

যাব সৰ্বনাশ করিতে সাধন

কবেছিলে এত আয়োজন,

সেই দিয়েছিল অসময়ে

আশ্রয় আমারে,

তাই এই বণ—

আশ্রয়দাতার প্রতি কর্তব্যপালন ।

ক্লতজ্ঞতা-ব্ধে বদ্ধ আমি,

অক্লতজ্ঞ কভু না হইব ;

যদি হয় প্রয়োজন,

অবহেলে দিব উপকাবী বন্ধু হেতু

প্রাণ বিসর্জন ।

সুদীরথ ।

তবে তাই দে রাখসি !

বধ করি নিজহাতে তোবে

সর!ই গথের কাটা !

চন্দন । যদি ভাল চাও তো এগিও না বলছি !

সুদীরথ । তবে রে অপোগণ্ড, আগে তুই মর—[ আক্রমণোত্তত ]

বেগে রণলালের প্রবেশ ।

রণলাল । রাজদ্রোহি সয়তান ! এইবার তোমায় আয়ত্তে পেয়েছি !

স্বধীরথ । হীন দম্ভা ! মরণের পাখা উঠেছে তোর !

[ উভয়ের যুদ্ধ ; স্বধীরথ পবাক্তিত হইলে বণলাল

তাঁহাকে শৃঙ্খলিত করিল । ]

বণলাল । তুমি যদি বল অপর্ণা, তোমার পিতাকে মুক্তি দিতে পারি ।

অপর্ণা । রাজদ্রোহীর বিচার করবেন মহারাজ স্বয়ং, তুমি আমি মুক্তি দেবো কোন্ অবিকারে বণলাল ?

বেগে হান্সীরের প্রবেশ ।

হান্সীর । যুদ্ধে আমাদের জয় হয়েছে বণলাল ! শত্রুসৈন্য বিধ্বস্ত—বিতাড়িত—চতুর্ভঙ্গ ।

বণলাল । যুদ্ধে জয় হয়েছে ? তাহ'লে গড়মান্দাবণ বিপদমুক্ত ?

হান্সীর । সম্পূর্ণ । নবাব-সেনাপতি গোলাম মহম্মদ দশ সহস্র সৈন্য নিয়ে গড়মান্দারণের পথে আমাদের আক্রমণ করেছিল, যুদ্ধে অর্ধেক সৈন্য হারিয়ে সে এখন মুর্শিদাবাদের দিকে পলায়ন করেছে ।

বণলাল । জয় মা মুন্সয়ী দেবী !

হান্সীর । বণক্ষেত্র হ'তে নবমুণ্ডের মালা গেঁথে এনেছি বণলাল ! এসো—মুন্সয়ী দেবীর গলায় পরিয়ে দেবে এসো—

স্বধীরথ । [ অর্দ্ধস্বগত ] কি বীভৎস আচরণ !

হান্সীর । এ আবার কে ?

বণলাল । কুশভূর্গাধিপতি স্বধীরথমল্ল । ইনিও কম ঘান না ; প্রায় বিশ হাজার সেনা নিয়ে এই কতলুপুর-ভূর্গ আক্রমণ করতে এসেছিলেন, ভেবেছিলেন ভূর্গ অরক্ষিত—বিনা বাধায় অধিকার করবেন ।

হাঙ্গীর । অহুমান মিথ্যা । নয় রণলাল ! কতলুপুর-দুর্গ সম্পূর্ণ অরক্ষিত ছিল ।

রণলাল । এমন স্বরক্ষিত দুর্গ আপনার আর একটিও ছিল না মহারাজ !

হাঙ্গীর । এর অর্থ কি রণলাল ?

রণলাল । স্বধীরত্বমল্লের দিশ সহস্র সুশিক্ষিত দুর্দর্শ সেনার আক্রমণ থেকে দুর্গ রক্ষা কবেছেন আমাদের অপর্ণা দেবী আর এই বালক চন্দন ।

হাঙ্গীর । অপর্ণা ?

রণলাল । ই্যা মহারাজ, অপর্ণা । বালক চন্দন ,বাকদ এনে জুগিয়েছে, আর অপর্ণা দেবী মুহুমূহুঃ কামান দেগে শত্রুদল বিধ্বস্ত—বিতাড়িত করেছেন ।

হাঙ্গীর । অপর্ণা ! তুমি কামানদাগা শিখলে কেমন ক'বে ?

অপর্ণা । কেন দাদা, তুমিই তো আমায় সঙ্গে ক'রে নিয়ে যেতে গোলন্দাজ সেনানায়কের কাছে ! এরই মনো ভুলে গেলে বুঝি ?

হাঙ্গীর । আমি মনে করতুম সে তোমার ছেলেখেলা ! কিন্তু এত বুদ্ধিমতী তুমি অপর্ণা ? তুমি আজ আমাব মল্লভূমিকে বাঁচিয়েছ, তোমাব স্বর্ণ আমি কখনো শুদ্ধে পারবো না । যদি দিন পাই—

রণলাল । বন্দীর প্রতি কি আদেশ হয় মহারাজ ?

হাঙ্গীর । রাজদ্রোহী বিশ্বাসঘাতককে কুকুরের মত হত্যা কর !

স্বধীরত্ব । আমায় কুকুরের মত হত্যা করবে ?

হাঙ্গীর । ই্যা—এখনই—এই দণ্ডে ।

স্বধীরথ ! অপর্ণা ! মা ! আমি তোর পিতা -শত অপরাধে  
অপরাধী হ'লেও তোর জন্মদাতা পিতা—আমি নতজাহ্নু হ'য়ে তোর  
কাছে প্রাণভিক্ষা চাইছি—আমায় রক্ষা কর—আমায় বাঁচতে দে ।

অপর্ণা । আমি নতজাহ্নু হ'য়ে মহারাজের কাছে ভিক্ষা চাইছি,  
এবারকার মত আমার পিতাকে মার্জনা করুন—তাঁকে বাঁচতে  
দিন—

হাঙ্গীর । এর জগৎ এত কাকুতি কেন ধোন ? তোমায় অদেষ  
আমার কিছুই নেই । রণলাল ! বন্দীকে শৃঙ্খলমুক্ত ক'রে দাও ।

[ রণলাল স্বধীরথের শৃঙ্খল খুলিয়া দিল, স্বধীরথ চলিয়া গেল । ]

হাঙ্গীর । তোমাকেও কিছু পুরস্কার না দিয়ে পারছি না রণলাল !  
অবলম্বনহীন। আমার এই স্নেহের বোনটীকে তোমার হাতে সঁপে  
দিলুম—আজ এর সমস্ত ভার তোমার উপর দিয়ে আমি নিশ্চিন্ত  
হ'লুম । চন্দন ! চূপ ক'রে দাঁড়িয়ে কেন ? চল, ঘটা ক'রে  
স্বয়ম্বী দেবীর পূজা করিতে হবে ; আর কি করিতে হবে জানিস ?  
একট বোনের বিয়ে—তুই ভাই মিলে দেবার উৎসবের আয়োজন—  
ঝুলি ?

চন্দন । হুঁ ।

[ সকলের প্রস্থান ।

## চতুর্থ দৃশ্য ।

মুম্বয়ীদেবীর মন্দির ।

কল্যাণী পূজা করিতেছিল ।

কল্যাণী । সর্বমঙ্গলমঙ্গলো শিবো সর্বার্থসাধিকে ।  
শরণ্যে ত্র্যম্বকে গৌরি নারায়ণি নমঃস্তুতে ॥  
জগৎ-জননি মাগো মঙ্গলা অভয়ে !  
চাহ ফিরে করুণা-নয়নে  
চরণ-আশ্রিতা দুঃখিনী তনয়া পানে ।  
জানি মাগো ! স্বদ্রিয়নন্দিনী  
হাসিমুখে পাঠায় স্বামীরে  
রণসাজে স্বকরে সাজায়ে মহান্ আহবে—  
জানি সব, জেনে শুনে তবু  
হিয়া না বাঁধিতে পারি !  
মৃত্যু ল'য়ে খেলা যথা,  
সেথায গিয়াছে স্বামী নারীর সম্বল—  
জীবন মরণে গতি একান্ত সতীর !  
অরি তাই, থেকে থেকে কেঁদে ওঠে প্রাণ-  
আপনা হারায়ে ফেলি !  
দয়া কর—দয়া কর দয়াময়ি !  
সগৌরবে জিনি রণ আসে ঘেন ফিরে  
হাসিমুখে স্বামী মোর করুণায় তোর !

## গীতকণ্ঠে যোগময়ের প্রবেশ ।

যোগময় ।—

### গীত ।

মিছে ভাবনা ভেবে ভেবে, মা তুই কেন পাগলপারা ?  
 যার ভাবনা সেই ভাববে, সে যে ভাবময়ী তারা ॥  
 জগৎ এসব করে সে যে জগৎ পানে চেরে,  
 কোথায় হাসে কোথায় কাঁদে তার অবুঝ ছেলে মেয়ে,—  
 তাদের ভাবনা ভেবে সারা, জগন্ম তা ভবদারা,  
 তাইতো দেখি পাগলিনী বিবসনা নৃত্যপরা ॥  
 স্বভাবে যে অন্নপূর্ণা অন্ন যোগাষ আপামরে,  
 সে ভাবের অভাবেতে রক্তমুখী শবোপরে,—  
 রক্তখাগী রক্ত নিয়ে, খেলে গো রাক্ষসী মেয়ে,  
 আগার বরাভয় দিতে যে মা ব্রহ্মময়ী সারাৎসারা ॥

[ প্রস্থান ]

কল্যাণী । মা !—মা ! দয়া কব—দয়া কর !

## ছদ্মবেশে সুধীরখের জনৈক অনুচরের প্রবেশ ।

অনুচর । আর মিছে কাঁদছো মা ! ঠাকুর দেবতা কি আব  
 আছে—এ যে ঘোর কলি !

কল্যাণী । কে তুমি ? কি বলছে ?

অনুচর । আমি এজন সামান্ত ব্যক্তি, আমার আর পরিচয়  
 কি দেবো মা—আর দিলেই বা চিন্তে পারবেন কি ? তবে  
 মোটামুটি বলতে গেলে বলতে হয়, মহারাজ হারীরেব আমি একজন  
 সামান্ত দেহরক্ষী ।

কল্যাণী। তুমি কি বলছিলে ?

অনুচর। বলছিলুম যোর কলি কি না—ঠাকুর দেবতা নেই, আর থাকলেও তাদের কোন শক্তি নেই! গোত্রাসে নৈবিত্তি খাচ্ছেন আর ব'সে আছেন জড়ভরত হ'য়ে।

কল্যাণী। এ কথার তাৎপর্য ?

অনুচর। তাৎপর্য আর কি ? এই আপনি ঘটা ক'রে পূজো করছেন—‘মা’ ‘মা’ ব'লে ডাকছেন—চোখের জলে বুক ভাসাচ্ছেন কি না, তাই বললুম। ঠাকুর দেবতা যদি থাকতো, তাহ'লে তারা এ ডাক শুনতো।

কল্যাণী। আমি তোমাব কথাব অর্থ বুঝতে পারছি নে—কেন তুমি একথা বলছো ?

অনুচর। কেন বলছি ? বলবার প্রয়োজন হয়েছে তাই বলছি, নইলে আজ এমন সময় আপনার কাছে ছুটে আসবো কেন ?

কল্যাণী। হেঁয়ালী রাখ ; সত্য ক'বে বল, আমার স্বামীর সংবাদ কি ? তিনি কুশলে আছেন তো ?

অনুচর। সেই কথাই বলতে তো এসেছি মা !

কল্যাণী। কি বলতে এসেছ ? বল—শীঘ্র বল, আমায় আর উৎকণ্ঠায় রেখো না—বল।

অনুচর। কি আর বলবো মা—মহারাজ বীর হান্সার—

কল্যাণী। বল—বল, তাঁব কি হয়েছে ? তিনি কি শত্রুহস্তে বন্দী ?

বল ভ্রা ! শত্রুকরে বন্দী যদি তিনি,

আমি ক্ষত্রিয়ানী—বীরের অঙ্গনা,

রণসাজে সাজিয়া এখনি যাবো রণক্ষেত্রে

উদ্ধারিতে স্বামীরে আমার !



তুচ্ছ সে অরাতি—  
 ক্ষুদ্র পিপীলিকা সম  
 উঠিয়াছে মরণের পাখা!  
 ছলে বা কোশলে  
 পশুরাজে ফেলি আনায-মাঝারে  
 দেখায বীবহু-দস্ত!  
 সে দস্ত তাহাব অচিরে করিব চূর্ণ,  
 দেখিবে জগৎ  
 কত শক্তি ধরে ক্ষত্রিয়-রমণী।

অহুচর। তা যদি হ'তো, তাহ'লে কি আমি এমন আকুল হ'য়ে  
 ছুটে আস্তুম মা?

কল্যাণী। তবে? তবে কি তিনি—

অহুচর। আপনার অহুমান মিথ্যা নয় মা! অযুত হস্তীর বলে  
 অরাতি-সৈন্যদল দলিত মণ্ডিত ক'রে মহারাজ বিজয়-গৌরবে রাজ-  
 ধানীতে ফিরে আসছিলেন, কিন্তু দুর্ভাগ্য এই মল্লভূমির—তাই পথে  
 আসতে আসতে লুণ্ঠাযিত গুপ্তশত্রুর বিষদিশ্র তীর কোথা হ'তে এসে  
 অকস্মাৎ তাঁব বীর-হৃদয় বিদ্ধ করলে! ছিন্নমূল তরুর শাখ বীরশ্রেষ্ঠ  
 মহারাজ হাছোর অশ্বপৃষ্ঠ হ'তে ভূপৃষ্ঠে ঢ'লে পড়লেন। অঙ্গুলিসন্ধিতে  
 আমায় আহ্বান ক'রে বললেন, “বন্ধু! আমার অস্ত্রিমের অহুরোধ  
 রাখ—অবিলম্বে অভাগিনী কল্যাণীকে আমার কথা জানিয়ে বল,  
 মরণের আগে সে যেন একটিবার একটি মুহূর্তের জন্য আমায় দেখা  
 দেয়—নইলে আর তো দেখতে পাবো না ভাই!” মুহূর্তমাত্র কালক্ষয়  
 না ক'রে আমি আপনার কাছে ছুটে এসেছি মা এই নির্দাক্ষণ হৃৎসংবাদ  
 বহন ক'রে! এখন আপনার কর্তব্য আপনার হাতে।

কল্যাণী । কর্তব্য কি আর ভাবতে হবে সৈনিক ? তুমি আমায় অবিলম্বে আমার স্বামীর কাছে নিয়ে চল ।

অনুচর । আশ্বিন দেবি, আমার সঙ্গে—[ উভয়ের প্রস্থানোচ্চোগ ]

### রঞ্জনের প্রবেশ ।

বজন । একি, কোথায় চলেছ মা ? [ অনুচরের প্রতি ] কে তুমি ?

কল্যাণী । আমার যে সর্বনাশ হয়েছে, রজন ! আমি চলেছি আমার স্বামীর কাছে—তাঁর সঙ্গে শেষ দেখা করতে !

রজন । শেষ দেখা করতে ? কি বলছো মা, তোমার কথা তো আমি কিছুই বুঝতে পারছি নে !

কল্যাণী । তুমি জানো না—কেমন ক'রেই বা জানবে ? রাজপুত্রী রক্ষার ভার তোমার উপর দিয়ে তিনি গেলেন যুদ্ধে, এইটুকুই তুমি জানো, এব অধিক তো কিছুই জানো না ? শত্রুর গুপ্ত আঘাতে তিনি মৃত্যুশয্যায়—অস্তিম সাক্ষাতের ভগ্ন তিনি আমায় অস্থান কবেছেন ।

রজন । মিথ্যাকথা ! তিনি শত্রু জয় ক'রে বিজয়-গৌরবে রাজধানীতে ফিরে আসছেন ।

কল্যাণী । জানি ; কিন্তু তুমি বোধ হয় জানো না রজন, তাঁর প্রত্যাগমনপথেই এই সর্বনাশ হয়েছে !

রজন । মিথ্যাকথা ! এই সংবাদ বহন ক'রে এনেছ বোধ হয় তুমি ? [ অনুচরের কর্ণদেশ চাপিয়া ধরিয়া ] মিথ্যাবাদি সন্নতান ! বল তুই কে ?

অনুচর । আমি—আমি—রাজার দেহরক্ষী—

রঞ্জন। মিথ্যাকথা! রঞ্জনের চোখে ধুলো দিবি সময়তান? তুই নিশ্চয়ই সেই স্থখীরথমলের পদলেহী কুকুর! আজ তোর একদিন কি আমার একদিন—

[ সহসা একটা তীর আসিয়া রঞ্জনব বাহতে বিদ্ধ হইল, রঞ্জন একটা আর্ন্তনাদ করিয়া সেইখানে বসিয়া পড়িল, অহুচর মুক্তিলাভ করিয়া কল্যাণীর মিকট গিয়া বলিল— ]

অহুচর। দাঁড়িয়ে রইলেন যে—আস্থন।

কল্যাণী। মিথ্যাবাদি প্রবঞ্চক! দ্ব হও এখান থেকে—

অহুচর। দূর হনো ব'লে আসি নি। ভালষ ভালষ না গেলে আমি বলপ্রয়োগ করতে বাধ্য হনো—খাঁ সাহেবের জ্ঞান নজরানা সংগ্রহ করতে এসে রিক্ত ফিবনো না। তোমাব রক্ষকের অবস্থা দেখে এটা বোধ হয় বুঝতে পারছো, আমি এতবড় একটা কাজে একলা আসি নি?

রঞ্জন। বেইমান কুকুর! ওঃ, অসহ্য যন্ত্রণা মা—অসহ্য যন্ত্রণা! তবু—তবু রঞ্জন এগনো মরে নি! মরবার আগে এট কুকুরটাকে শেষ ক'রে তবো মরুনো—[ অহুচরকে আক্রমণ, কিন্তু প্রথম রক্তপাতে অবসন্নতা হেতু তাহাকে আঘাত কবিতে অপারগ হইয়া পুনরায় ভূপতিত হইল। ] ওঃ, পাবলুম না মা—পারলুম না! রঞ্জনের ডান হাত গেছে, বাঁ হাতে কি করবে সে—কি করবে সে? এর চেয়ে যে মরা ভাল ছিল! ছষমন সময়তান! তুই আমাষ মৃত্যু দে—আমাষ মৃত্যু দে—!

অহুচর। নীরব কেন, উত্তর দাও! অম্নি অম্নি যাতে—না বলপ্রয়োগের প্রযোজন হবে?

কল্যাণী। তুই দূর হ' পিশাচ!

অনুচর। আমাকে অত সোজা লোক ভেবো না সোনার  
চাঁদ !

### হাঙ্গীর ও চন্দনের প্রবেশ ।

হাঙ্গীর। হাঙ্গীরকেই বুঝি খুব সোজা ভেবেছি স্নেহে সয়তান ?

কল্যাণী। এঁা—তুমি এসেছ ?

হাঙ্গীর। ঈশ্বরের রূপায় ঠিক সময়েই এসেছি কল্যাণি ! তুমি  
মুখে কিছু না বললেও আমি সব বুঝেছি। চন্দন ! একে শৃঙ্খলিত  
কর ! [চন্দনের তথাকরণ] একে কুকুর দিয়ে খাওয়াবি—কদাচারী  
দুর্ভক্ত নরপশুর এই শাস্তি !

অনুচর। মহারাজ ! আমায় মার্জনা করুন ! তুচ্ছ অর্থলোভে  
আমি মানুষ হ'য়ে পশুর অঙ্গ, তাই এ মহাপাপ কর্ত্তে অগ্রসর  
হয়েছিলুম। আমার চোখ খুলেছে ! আজ হ'তে ভিক্ষা ক'রে  
খাবো, তবু এমন সয়তানেব চাকরি আব করবো না।

হাঙ্গীর। মার্জনা ! হাঃ—হাঃ—হাঃ !

অনুচর। মহাবাণি ! মা ! আমায় মার্জনা করুন—[নতজানু  
হইল।]

কল্যাণী। একটা ক্ষুদ্র মুমিককে মেরে বীর হাঙ্গীরের পৌরুষ  
বাড়বে না কখনো। একে মার্জনা করুন মহারাজ !

হাঙ্গীর। ভুলে যাচ্ছে কল্যাণি, সে কি কর্ত্তে অগ্রসর  
হয়েছিল ?

কল্যাণী। মহাপাপীকে মার্জনা করাই তে, জগতে শ্রেষ্ঠ ধর্ম্ম স্বামি !

হাঙ্গীর। চন্দন ! এর শৃঙ্খল খুলে দাও। যা নরপশু ! এ  
মল্লভূমিতে আর কখনো মুখ দেখাস্ নি।

## বীর হাঙ্গীর

[ চতুর্থ অঙ্ক ।

অতুচ্চর। মহান্ দেবতা ! আমি মুক্তি চাই না—আমায়  
শান্তি দিন—

হাঙ্গীর। শান্তি ? হাঃ—হাঃ—হাঃ ! নরাধম ! এই মুক্তিই তোরা  
শান্তি ! এসো কল্যাণি ! চন্দন ! রঞ্জনকে নিয়ে আয়—

[ অগ্রে হাঙ্গীর ও কল্যাণী, তৎপরে সকলের প্রস্থান ।

## পঞ্চম দৃশ্য ।

বাজপ্রাসাদ—উৎসব-মণ্ডপ ।

গীতকণ্ঠে উৎসববেশ-পরিহিতা পুরাঙ্গনাগণের প্রবেশ ।

পুরাঙ্গনাগণ ।—

## গীত ।

আজি উৎসব-মুখরিত মধুময়ী যামিনী

হসিত চাঁদিয়া সুখা স্বরে ॥

উল্লাস দিকে দিকে, দ্রাবন বহিয়া যায়,

কাননে কুহুম খরে খরে ॥

আজি মনের কুঞ্জবনে ফুটে নিরাশায়,

কত বাসনা-কুহুম কোন্ মোহিনী মায়ায়,

যুস্মের আবেশে ঢলে, স্বপনের ছায়াতলে,

অসীমের কোন্‌খানে আলোকপুরে—

রঙিন আলোক আলি আশার ঘরে ॥

[ সকলের প্রস্থান ।

## হাশীরের প্রবেশ ।

হাশীর । উৎসবমুখর পুরী কি আনন্দময় !

মনে হয়,

যেন যুগ-যুগান্তর পরে

পাইলাম নূতন জীবন ।

ফুলপ্রাণ পুরবাসিগণ,

ফুল প্রজাকুল ;

আনন্দের বজ্রাশ্রোতে যেন

ভেসে যায় সারা রাজ্যখান !

এই তো চরম তৃপ্তি নৃপতির,—

এ হ’তে অধিক স্বপ্ন

মনে হয় কল্পনা-অতীত !

## রণলালের প্রবেশ ।

হাশীর । কি সংবাদ রণলাল ?

রণলাল । মহারাজের বিজয়-গৌরবে অভিনন্দন জানাতে মল্লভূমের  
প্রজাবৃন্দ তো রণসম্মুখে সমবেত হয়েছে ।

হাশীর । তাদের উপযুক্ত সন্মর্দনার সহিত রাজসভায় নিয়ে এসো—

[ রণলালের প্রস্থান ।

রাজভক্ত প্রজাবৃন্দ

সাম্রাজ্যের মেরুদণ্ড সম,

নিত্য সাধে রাজ্যের কল্যাণ,

রাজার গৌরব তারা—

কল্যাণে তাদের হয়  
রাজার কল্যাণ।  
রাজশক্তি প্রজাশক্তি সম্মিলিত হ'লে  
তাসে কাঁপে অরিকুল,  
শান্তি-স্থখে রহে সর্বজন।  
প্রজাতত্ত্বজন রাজা প্রজার কারণ  
মুক্তপ্রাণ মুক্তহস্ত সর্বক্ষণ  
পুরাইতে প্রজার কামনা।

রণলাল, চিমনলাল ও প্রজাগণের প্রবেশ।

প্রজাগণ। জয় রাজরাজেশ্বর বীর হাঙ্গীরের জয়!

হাঙ্গীর। ভাই সব! বন্ধু সব! আমি পেয়েছি তোমাদের  
প্রীতিপূর্ণ প্রাণময় অভিনন্দন-পত্র, যাতে তোমরা আমাকে সম্মানিত  
করেছ “বীর” আখ্যা দিয়ে। কিন্তু বন্ধুগণ! ভাই সব! আমি  
জানি না, এ “বীর” আখ্যাব অধিকার আমার কতটুকু! আমার  
বীরত্বের, আমার বিজয়-গৌরবের সম্পূর্ণ অধিকারী তোমরা। তোমরা  
আছ ব'লেই বীরভূমি মল্লভূমিব স্বাবীনতা আজ অক্ষুণ্ণ থেকে শত্রুর  
ঈর্ষানল মুহুমুহঃ বাড়িয়ে দিচ্ছে। তোমরাই আমার বল-বীৰ্য—  
তোমরাই আমার সব।

চিমন। সমগ্র প্রজার মুখপাত্রস্বরূপ আমি শুধু এইটুকু বলবো,  
মল্লভূমিবাসী বীরত্বের কদর জানে—প্রকৃত বীরের মর্যাদা দিতে জানে,  
তাই আজ স্বর্গগত মল্লভূম্যধিপতির যোগ্যপুত্রকে “বীর” আখ্যায়  
অভিনন্দিত করছে।

সকলে। জয় রাজাধিরাজ বীর হাঙ্গীরের জয়!

## শ্রীনিবাস আচার্য্যের প্রবেশ ।

শ্রীনিবাস । জয়ধ্বনিব তীব্রতা একটু শ্রদ্ধ কর তোমরা, মহা-  
রাজের কাছে আমাব আজ্জি আছে ।

হাঙ্গীর । কে আপনি মহাভাগ ?  
কোন্ ধর্ম্মী ?  
এসেছেন কোন্ প্রযোজনে ?  
নিজ্জিত, লাক্ষিত কিম্বা প্রপীড়িত যদি  
অরাতিব অত্যাচাবে,  
কহ মতিমান্ !  
ষেভাবে যেখানে থাক্  
নির্যাতনকারী দুরাণয়,  
কেশে ধবি তাব আনিয়া চেপায়  
দিব তারে যোগ্য শাস্তি  
সমক্ষে তোমার ।  
কহ মহাশয়, কহ অরা—  
কিব। অভিযোগ তব  
বিরুদ্ধে কাহার ?

শ্রীনিবাস । নগরের সীমান্তপ্রদেশে  
জঙ্গলের পথে ছুরস্ত দস্যুর দল  
হরিয়াছে সর্ব্বশ্ব আমার ।

হাঙ্গীর । একি অদ্ভুত বারতা পিতা ?  
বীর হাঙ্গীরের রাজ্যে  
এখনো কি আছে দস্যুর অস্তিত্ব ?



চিমন । হয়তো বা আছে  
 ছন্নমতি দুই এক জন,  
 তব্ব যাহাদের পাই নাই এতদিন ।  
 যানো আমি আপনি সেথায়,  
 অবিলম্বে শৃঙ্খলিত করি  
 দুর্নীতের দলে আনিব হেথায় ।  
 হে অতিথি !  
 তিষ্ঠ হৈথা গণকাল তরে ।

[ প্রস্থান ।

হাঙ্গীর । জানিতে বাসনা মহাভাগ !  
 কত অর্থ তব লুপ্তিত দস্যুর করে ?  
 শ্রীনিবাস । অর্থ নহে ।  
 হাঙ্গীর । অলঙ্কার ?  
 শ্রীনিবাস । নহে অলঙ্কার ?  
 হাঙ্গীর । নারী ?  
 শ্রীনিবাস । তাব চেষে শতগুণ মূল্যবান্ ।  
 হাঙ্গীর । অর্থ নহে, নারী নহে, নহে অলঙ্কার,  
 তবে কোন্ কৌস্তভ রতন  
 হরিয়াছে দস্যুরা তোমার ?  
 শ্রীনিবাস । শাস্ত্র আর পুঁথি পাণ্ডুলিপি  
 শতধিক হবে—  
 আনিয়াছি যাহা বৃন্দাবন হ'তে,  
 দস্যুদল হরিয়া লয়েছে মোর ।  
 হাঙ্গীর । পুঁথি পাণ্ডুলিপি ? হাঃ-হাঃ-হাঃ !

রণলাল । দূব হও বাতুল ব্রাহ্মণ,  
উন্নত-আগার নহে রাজসভাস্থল ।

শ্রীনিবাস । উন্নত আমি ?  
ওরে সংসার-বাতুলাগাবে  
উন্নাদের দাস—

বণলাল । যাও—যাও—

শ্রীনিবাস । বিচার পাবে না বাজা ?

হাসীব । পুঁথি পাণ্ডুলিপি ল'য়ে  
কি কাজ সাধিবে দস্যাদল ?  
নিরক্ষর দস্যগণ  
কি বুঝিবে ঋষি তাব ?

শ্রীনিবাস । তা জানি না, কিন্তু—

হাসীব । বল, কত মূল্য পুঁথি ব তোমাৰ ?

শ্রীনিবাস । মূল্য ? ছত্রে ছত্রে বার  
লিপিবদ্ধ দেবের মাহাত্ম্য,  
প্রতিটি অক্ষর হ'তে যার  
ক্ষরে বিশ্বপ্রেম-সুধা,  
কত মূল্য দিতে পাব  
তুমি সে রত্নের ?

হাসীব । সহস্র স্ববর্ণমুদ্রা ।

শ্রীনিবাস । হাসালে রাজন !  
কি ছার ঐশ্বর্য্য তব !  
বিনিময় দাও যদি  
শত শত রাজার সম্পদ,

তবু যোগ্য মূল্য নহে  
সে নামের একটি আখরে ।

[ হাঙ্গীর ও রণলাল একসঙ্গে হাসিয়া উঠিলেন । ]

শ্রীনিবাস । “হরি”—“হরি”—

দুইটি আখরে নাম,  
যে নামে পাগল ভোলা—  
প্রেমোন্মাদ শত শত যোগী,  
সে নাম-মাহাত্ম্য  
তুমি কি বুঝিবে বাজা  
ঐশ্বর্যের মাদকতা ল’য়ে ?

রণলাল ।

অতি শঠ, অতি প্রবঞ্চক  
আসিয়াছে ছলায় ভুলাতে ।  
মনে হয় অরাতির চর,  
গুপ্ত অভিসন্ধি ল’য়ে  
আসিয়াছে অনিষ্টসাধন হেতু ।  
করুন আদেশ রাজা !

বহিষ্কৃত ক’রে দিই নগর হইতে  
চতুর এ গুপ্তচরে ।

হাঙ্গীর ।

হোক শত্রু, হোক গুপ্তচর,  
তবু আমি শুনিব এ ব্রাহ্মণের কথা ।  
কহ সাধু, কহ আরবার,  
এতক্ষণ শুনাইলে  
নামের মাহাত্ম্য যার,  
সেই বুঝি ইষ্টদেব তব ?

সে কোন্ দেবতা—  
 স্বরূপ কেমন তার ?  
 শ্রীনিবাস । স্বরূপ কেমন তাব ?  
 গরি ! মবি !  
 ব্রহ্মার আনন হ'তে  
 উদ্ভূত যে বেদ চতুষ্টয়,  
 অসম্পূর্ণ সেই বেদ স্বরূপ বর্ণনে ;  
 ক্ষুদ্র আমি—আমি কি কহিব ?  
 রূপ, রস, শব্দ, গন্ধ, স্পর্শ আদি দিয়া  
 কল্পনায় নাহি আসে কভু  
 সে রূপেব রূপা ।  
 দেখেছ কি বাজা,  
 কভু ইন্দ্রধনু নব জলধরে ?  
 কল্পনা করহ এবে—  
 সেই নবজলধর রূপ,  
 করে বাঁশী, শিরে শিখিপাখা,  
 দু'নয়ন বাঁকা, বক্সিম স্ফুটাম,  
 কটিতট বেড়া চারু পীতধড়া,  
 যুগল চরণে নৃপুব নিকণ !  
 পাশে প্রেমময়ী রাই রসময়ী  
 মেঘের বুকেতে সৌদামিনী সমা—  
 প্রেম-অবতার সেই ইষ্টদেব মম ।  
 হাঙ্গীর । ভাস্ক সাধু !  
 আমায়েও চাহ ভুল বুঝাইতে ?

বিশ্বপ্রসবিনী জগন্মাতা আত্মাশক্তি বিনা  
 স্নেহময়ী—দয়াময়ী—প্রেমময়ী  
 নাহি আর কোন মানবের উপাস্ত দেবতা ।  
 শক্তি, আয়ুঃ, যশঃ, ধন আদি  
 কামনার যত উপাদান,  
 আর কে দানিবে জীব  
 জগন্মাতা আত্মাশক্তি বিনা ?  
 দেখে এসো গিয়ে সাধু,  
 ওই উচ্চ দেউল-অন্দরে  
 জননীর পাষণ-মূর্তি,  
 বক্তসিক্ত লোল রসনায়  
 শবাসনা নাচে রণাঙ্গনে ;  
 সত্ত্বকাটা নরমুণ্ডমালা  
 এই হাতে পরায়ে দিয়েছি  
 জননীর গলে ।

দেখে এসো সাধু—

শ্রীনিবাস । তুমি দেখে এসো রাজা  
 দেউল-অস্তরে কার ইষ্টদেব—  
 তোমার না আমার ?

হাঙ্গীর । তোমার ?

শ্রীনিবাস । হ্যা—আমার । বিশ্বপ্রেম-অবতার  
 পাপী-তাপী-ত্রাতা  
 জগতের ইষ্টদেব যিনি,  
 সকল দেউল মাঝে আবির্ভূত তিনি ।

- হান্সর । সকল দেউলমাঝে  
আবির্ভূত তব ইষ্টদেব ?
- বর্ণলাল । বাতুল—বাতুল ব্রাহ্মণ ।
- শ্রীনিবাস । দেখে এসো কে বাতুল,  
তোমরা কি আমি ?
- হান্সর । সত্য মিথ্যা দেখিব এখনি ;  
মিথ্যা যদি হয় প্রমাণিত,  
দিন শাস্তি ভণ্ড দুরাচাবে ।  
বক্ষিরূপে থাকো বর্ণলাল !  
দেখো, যেন সাবু না পালায় ।
- শ্রীনিবাস । কিন্তু সত্য যদি হয় বাণী,  
দাও প্রতিশ্রুতি রাজা !  
যোগ্য মূল্য দেবে মোর অমূল্য পুথির ?
- হান্সর । কি মূল্য ?
- শ্রীনিবাস । হিংসাতর্রা প্রাণটা তোমাব ।
- বর্ণলাল । কি ?
- হান্সর । প্রতিশ্রুত ।  
বর্ণলাল ! রহ প্রহরায় ।  
হে ব্রাহ্মণ ! মিথ্যা যদি হয় তব বাণী,  
কন্দুকের সম মুণ্ড তব গড়াবে ধুলায় ।

[ প্রস্থান ।

- শ্রীনিবাস । ত্বয়া হৃষীকেশ হৃদিস্থিতেন  
যথা নিযুক্তোন্মি তথা করোমি ।

[ ধ্যান উপবেশন ]

## বীর হান্ধীর

[ চতুর্থ অঙ্ক ।

রণলাল । বুজরুকিটা জমিষে তুলেছিলে ভাল সাধু মশায়,  
কিন্তু বোধ হয় ধোপে টুকলো না । কেন এসেছিলে বাপু  
বেঘোরে প্রাণটা হারাতে ? ও বাবা ! ইনি যে একেবারে পাথর  
ব'নে গেছেন দেখছি । সাড়াও নেই—শব্দও নেই । এ আবার  
সাধুর এক নূতন ঢং ।

### গীতকণ্ঠে প্রেমানন্দের প্রবেশ ।

প্রেমানন্দ ।—

#### গীত ।

জগৎ জুড়ে আশে পাশে শুধু রঙ, বেরঙ ।  
যে বিশ্বপ্রেমের স্বাদ পেয়েছে তারি এন্নি ঢং ॥  
সকল বাঁধন ফেলে কেটে,  
প্রেমময়ের পাষে লোটে,  
তার হৃদকমলে ফোটা ফুলে খেলে প্রেমের রঙ ।  
যে চেনে না সে চিন্মযে, ভাবে তারে আস্ত সঙ ॥

রণলাল । তোমার এ গানের অর্থ কি উন্মাদ ?

উদাসীন । হাঃ—হাঃ—হাঃ !

[ প্রস্থান ।

### অপর দিক দিয়া হান্ধীরের প্রবেশ ।

হান্ধীর । রণলাল ! রণলাল ! মন্দির হ'তে মাতৃমূর্তি অপহৃত,  
তার স্থানে নবজলধর শ্রামমূর্তি, সাধু তার পদতলে ধ্যানমগ্ন । তব্বর  
ব্রাহ্মণ—আমি তাকে মন্দিরে রুদ্ধ ক'রে এসেছি । বিচার করবো—  
আমার মাতৃমূর্তি সে অপহরণ করেছে,—একি ! এখানেও সেই সাধু ?

রণলাল । আপনি কি বলছেন মহারাজ ! সাধু আমার নজর-বন্দী, সে কিরূপে মন্দিরে যাবে ?

হাঙ্গীর । কিন্তু আমি আমার নিজের চোখকে তো অবিশ্বাস করুতে পারি না রণলাল !

রণলাল । মহারাজ ! আপনি কি পাগল হ'লেন ?

হাঙ্গীর । দেখ—দেখ রণলাল ! সম্মুখে, পশ্চাতে, উর্দ্ধে, নিম্নে, জলে, স্থলে, আকাশে, বাতাসে, চাবিদিকে—বিশ্বব্রহ্মাণ্ডময় সেই নব-জলধর শ্রামমূর্তি, পদতলে ধ্যানমগ্ন সেই ব্রাহ্মণ । দেখ তো—দেখ তো রণলাল, আমি জেগে আছি না স্বপ্ন দেখছি ?

রণলাল । স্বপ্ন ।

হাঙ্গীর । না—না, ওবে ! ঐ নবজলধর শ্রামমূর্তি যে আমার দিকেই দিলোল কটাক্ষে চেয়ে আছে । কি বলছে জান ?

সৰ্বধৰ্ম্মান্ পারত্যজ্য মামেকং শরণং ব্রজ,

অহং জ্বাং সৰ্বপাপেভ্যো মোক্ষযিচ্ছামি মা শুচ ।

রণলাল । এ তো বড় বিপদ হ'লো দেখছি ।

হাঙ্গীর । ওবে, আমার হাতে এত বক্ত কেন ? ধুয়ে দে—ওবে, তোবা আমার হাতের রক্ত ধুয়ে দে ! এর মধ্যে কত সতীর সীমন্তের সিন্দূব, কত পুত্রহারা মায়ের কান্না, কত জ্ঞাতিহারার দীর্ঘশ্বাস ! ওং, আমি পাপল হ'য়ে যাবো—পাগল হ'য়ে যাবো—

[ উদ্ভ্রান্তবৎ পরিভ্রমণ ]

রণলাল । তাইতো, কি করি ? ভগু সাধু ফুস্-মস্তুর দিয়ে রাজার মাথাটা গুলিয়ে দিলে যে ! বাই, মহারাণীকে সংবাদ দিই গে, তিনি যদি এব কোন প্রতিবিধান করুতে পারেন ।

[ প্রস্থান ।



- শ্রীনিবাস । [ ধ্যানভঙ্গে ] হরি—হরি !  
 কি দেখিলে মহারাজ ?
- হাঙ্গীর । দেখিলাম, মাতা নাই দেউল ভিতরে,  
 তার স্থানে বিরাজিত  
 অপূৰ্ণ যুবতি !  
 নব জলধর স্তম্ভাম সন্দব  
 অধরে মুরগীধারী,  
 বাঁকা ছ'নয়ন, মানসমোহন,  
 আশি পালটিতে নাবি ।  
 চারু ক্ষীণ কটি, পবা পীত নটি,  
 শিখিপুচ্ছচূড়া শিরে,  
 মবি অতুলন, যুগল চরণ,  
 যুগল নূপুর শোভে ।
- শ্রীনিবাস । প্রমাণ পেয়েছ তপে  
 সকল দেউলমাঝে ইষ্টদেব মোব ?
- হাঙ্গীর । সাধু ! সাধু ।  
 ক্ষমা কর মোরে,  
 দেখিয়াছি প্রেমের ঠাকুর ।  
 যেই শির কবি নাই নত  
 কারো পদতলে,  
 আজি নত করি সেই উচ্চ শির  
 যাচি প্রভু করুণা তোমার ।
- শ্রীনিবাস । তবে প্রতিশ্রুতি করহ পালন,  
 মূল্য দাও পুঁথির আমাব ।

## কল্যাণী ও রণলালের প্রবেশ ।

কল্যাণী । কি মূল্য ?  
 হাথীর । হিংসাভবা পবাণ আমার ।  
 কল্যাণী । কে তুমি ব্রাহ্মণ ?  
 মনে হয়, অবাতির গুপ্তচর ।  
 ছলে ভুলাইয়া স্বামীরে আমাব  
 ফেলিয়া কথাব ফাঁদে  
 নিতে চাহ প্রাণ ?  
 রণলাল । দাও মা আদেশ,  
 যোগ্য শাস্তি দিই গুপ্তচবে ।  
 হাথীব । রণলাল ! পবিহর ক্রোধ,  
 গুপ্তচব নহে এ ব্রাহ্মণ ।  
 আমি জেনেছি স্বরূপ তাঁর,  
 তাই শিব বিকাষেছি বাতুল চবণে ।  
 হে ধীমান্ ! জিঘাংসায়  
 পবিপূর্ণ কলুণিত প্রাণ  
 আব আমি নাহি বাসি ভালো ।  
 হায হায । এই হাতে  
 ববিষাছি শত শত প্রাণী,  
 আর্ন্তবণে কাঁদিষাছ কত শিশু নারী,  
 ভ্রক্ষেণ কবি নি তায় ।  
 জালায বিদরে হিষা,  
 গভীর কলঙ্করেখা

অঙ্কিত এ করযুগে মোর ।  
বধ প্রাণ, হে ব্রাহ্মণ !  
লহ মূল্য পুঁথির তোমার—

[ পদতলে পতন ]

রণলাল । ব্রাহ্মণ !—

শ্রীনিবাস । কারো কথা শুনিব না আমি ;  
প্রতিশ্রুত রাজা, প্রাণ নিয়ে  
মূল্য নেবো পুঁথির আমার ।

কল্যাণী । ক্ষমা কর—ক্ষমা কর !

হও তুমি গুপ্তচর,  
তবু ধবিয়াছ বৈষ্ণবের বেশ,—  
কিস্তি নহেক এ বৈষ্ণব আচার ;  
তবু যদি মৃত্যু দেবে স্বামীরে আমার,  
মোরে আগে দেহ বলিদান ।

শ্রীনিবাস । দেবো বাণি, তোমারেও দেবো বলিদান,  
আজ নহে, পূর্ণ হ'লে কাল ।  
গুঠো রাজা ! প্রতিশ্রুতি করহ পূরণ ।

[ হাত ধবিয়া তুলিলেন ।

বাথ অস্ত্র ।

[ রাজার অস্ত্রত্যাগ ]

ফেলে দাও কনক-মুকুট ।

[ রাজার মুকুট ত্যাগ ]

ত্যাগ কর রাজ-আভরণ ।

[ রাজা রত্নহার প্রহৃতি দূরে নিক্ষেপ করিলেন । ]

রণলাল ও কল্যাণী । ব্রাহ্মণ ! ব্রাহ্মণ !

শ্রীনিবাস । জিঘাংসায় পূর্ণ প্রাণ

এই আমি করিছ গ্রহণ ।

[ হান্সীবের গলায় তুলসীর মালা পরাইয়া দিলেন । ]

দানিষ নূতন প্রাণ,

এসো সাথে দেবেব মন্দিরে ।

হান্সীর । গুরু !

শ্রীনিবাস । মাইঃ ! ওই শোন—

সর্ববিশ্বান্ পবিত্র্যজ্য মামেকং শরণং ব্রজ,

অহং ত্বাং সৰ্দ পাপেভ্যো মোক্ষযিষ্ঠামি না শুচ ।

[ শ্রীনিবাস ও হান্সীবের প্রস্থান ।

বণলাল । মা—মা—

কল্যাণী । চূপ ! কথা ক'যো না, শুধু কান পেতে শোন—

চোখ মেলে দেখ, অস্তব দিযে অস্ত্রভব বর বণলাল ! এ বড় স্বন্দর দৃশ্য !

[ প্রস্থান ।

বণলাল । দুর্ভাগ্য মলভূমির ।

[ প্রস্থান ।

## পঞ্চম অঙ্ক ।

প্রথম দৃশ্য ।

প্রাসাদ-কক্ষ ।

অপর্ণা ও রণলাল কথোপকথন করিতেছিল ।

রণলাল । শ্রীনিবাস আচার্য্য মহারাজকে একেবারে পেয়ে বসেছে অপর্ণা ! তাঁর ভাবগতিকও বেশ ভাল ব'লে মনে হয় না । এত শীঘ্র মানুষ্যের যে এতটা পরিবর্তন ঘটা সম্ভব হ'তে পারে, তা আমার ধারণা ছিল না ।

অপর্ণা । আমারও না ।

রণলাল । বীবচারী শক্তির উপাসক মহারাজ নীব হান্নীব, সংগ্রাম ছিল যার একমাত্র লক্ষ্য—একমাত্র ব্যসন—একমাত্র সাধনা, আহতের আর্তনাদে—সত্তা বিধবার সকল ক্রন্দনে—মুমূর্ষুর মরণযন্ত্রণা দেখে ষাঁব নীব হৃদয় একটিবার এক মুহূর্তের জগৎ স্পন্দিত হ'তো না, যিনি একদিন স্বহস্তে সত্তাকর্ষিত নবমুণ্ডের মালা গাঁথে গৃহ-দেবতা মুন্মথোদেবীর গলায় পরিয়ে দিয়ে পৈশাচিক উল্লাসে নৃত্য করেছিলেন, আজ তাঁর একি অদ্ভুত পরিবর্তন ! ব্যাথিতের ব্যাথায় আত্মহাবা—কৃষ্ণপ্রেমে মাতোষারা—ভাবে বিভোর—প্রেমোন্মাদ !

অপর্ণা । এও সেই মায়ের ইচ্ছা । ইচ্ছাময়ীর ইচ্ছায় বাধা দেবার শক্তি কার কাছে বল ?

রণলাল । কিন্তু এর পরিণাম কি হ'তে পারে, একবার ভেবে দেখেছি কি অপর্ণা ?

অপর্ণা। পরিণাম? পরিণাম নিশ্চয়ই ভাল। যা যা করেন, ভালোর জন্তই করেন; তা নিয়ে আমাদের ভাববার কিছুই নেই।

রণলাল। কি বলছেন, অপর্ণা? ভাববার নেই? এই মল্লভূমির ভবিষ্যৎ একবার ভেবে দেখে দেখি! ঘারে প্রবল শত্রু—মহারাজ উদাসীন—ক্ষত্রবীর অস্ত্রত্যাগ করে হাতে নিয়েছেন তুলসীর মালা, এরূপ অবস্থায় মল্লভূমির স্বাধীনতা বজায় রাখা কি সম্ভব হবে অপর্ণা!

অপর্ণা। সম্ভব হবে কি অসম্ভব হবে, সে ভাবনা ভাববে রাজ্যের সেনাপতি তুমি আর মন্ত্রণাদাতা মন্ত্রী; আমি নারী, নারীর কর্তব্য রাজনীতির গুণীর বাইরে।

রণলাল। তোমাব মুখে এ কথা শোভা পায় না অপর্ণা! মনে পড়ে নারি, তুমিই না একদিন এই মল্লভূমির মান, মর্যাদা, স্বাধীনতা রক্ষা করতে নারীব শক্তি, নারীর সাহস, নারীর প্রতিভা, নারীর প্রত্যুৎপন্নমতিত্বের পবিচয় দিয়েছিলে, একাকিনী বিশ সহস্র শত্রুসৈন্যের প্রবল আক্রমণের বেগ প্রতিহত করে—তাদের বিপর্যস্ত, বিতাড়িত করে? সেই বীরাজনা মহিমময়ী নারী তুমি, আজ তোমার মুখে একি কথা অপর্ণা?

অপর্ণা। এই বিশ্বজগতেব স্বাবর, জঙ্ঘম, চেতন, অচেতন প্রত্যেকটিই যখন পরিবর্তনশীল, তখন আমার যদি কিছু পরিবর্তন দেখে, তবে আশ্চর্য্য হবার কি আছে?

রণলাল। কিন্তু আমি যে তা আশা করি নি—করতে পারি না অপর্ণা!

অপর্ণা। আমি তা অস্বীকার করছি না; কিন্তু আমি কি করবো? ওগো, আমি যে আর পারছি না! আমার বুক ভেঙ্গে

গিয়েছে—আঘাতের পর আঘাতে জীবনের সেই প্রথম প্রভাত থেকে ।  
আর কত সহিবো? কত সয়?

রণলাল । আঘাত সহিতেই তো আমাদের জন্ম অপর্ণা! সহিতেই হবে ।

### কল্যাণীর প্রবেশ ।

রণলাল । এ কি মহারানি ?

কল্যাণী । বিস্মিত হ'চ্ছে রণলাল আমার এ বেশ দেখে ?  
বিস্ময়ের কোন কাবণ নেই । স্বামী যার সর্বভাগী পবন বৈষ্ণব,  
তার পত্নীও বৈষ্ণবী—আর এই তার যোগ্য বেশ ।

রণলাল । বাজ পড়ুক বৈষ্ণবের মাথাষ ।

কল্যাণী । ও কথা থাক; আমি যে জন্ম এসেছি শোন ।  
মন্ত্রিমশায় মহাবাজের কাছে গিয়েছিলেন এক দুঃসংবাদ নিয়ে—

রণলাল । দুঃসংবাদ ?

কল্যাণী । হ্যা—দুঃসংবাদ !

রণলাল । শত্রুর আক্রমণেব কোন সংবাদ নিয়েই কি মন্ত্রিমশায়  
মহারাজের কাছে এসেছিলেন ?

কল্যাণী । শত্রু অণু কেউ নয় বণলাল ! শত্রু তোমার পূজ্য-  
পাদ স্বশুর—এর পিতা ।

অপর্ণা । বাবা ?

কল্যাণী । তোমার বাবা না হ'লে এত বড় হিতৈষী আর কে  
হবে ? তিনি নাকি আবাব সৈন্ত সংগ্রহ ক'রে কতলুপুর দুর্গ  
আক্রমণ করতে ছুটেছেন—

রণলাল । সে দুর্গবক্ষার ভার যোগ্য লোকের উপবই দেওয়া

আছে মহাবাণী ! চিমন সর্দার বেঁচে থাকতে সে দুর্গ জব করা কারও সাধ্য নেই ।

কল্যাণী । সর্দার দুর্গে উপস্থিত থাকলে আব ভাবনার বিষয় কি ছিল ! সর্দার দুর্গে নেই , কুচক্রী কৌশলে তাকে সেখান থেকে সবিয়েছে ।

রণলাল । কেমন ক'বে ?

কল্যাণী । মহাবাহুর জাল পরোয়ানা পার্টিয়ে তাকে কতলুপুব-দুর্গ থেকে কুশদুর্গে আনিয়েছে—মহাবাহু যেন তাকে কুশদুর্গের ভাব দিয়েছেন ।

রণলাল । এ সংবাদ আপনি কেমন ক'বে জানলেন ?

কল্যাণী । কুশদুর্গের সহকারী দুর্গাদিপতি এইমাত্র জানতে এসেছিলেন, কি অপবাধে অকস্মাৎ তাঁর হাত থেকে দুর্গরক্ষার ভাব ছিনিয়ে নেওয়া হয়েছে ?

রণলাল । সর্দারকে কি কতলুপুব-দুর্গে ফিবে যাবার আদেশ দেওয়া হয় নি মা ?

কল্যাণী । হ'লেই বা কি হবে ? এতক্ষণ হবতো কতলুপুব-দুর্গ শত্রুর করতলগত !

রণলাল । মহারাজ কি আদেশ দিলেন ?

কল্যাণী । মহারাজ বললেন, নাম-সঙ্কীৰ্ত্তন কর—বিপদবারণের ইচ্ছায় সব বিপদ কেটে যাবে ।

অপর্ণা । চন্দন কোথায় ? চন্দন—চন্দন !

### চন্দনের প্রবেশ ।

চন্দন । কি দিদি, আমায় ডাকছে কেন ?

অপর্ণা । তোব সেই ঘোড়াটা চন্দন ! এখনি তৈরী চাই,—



## বীর হান্সীর

[ পঞ্চম অঙ্ক ।

আমাদের কতলুপুর দুর্গে যেতে হবে। যা শীগগির, আমি তোরণ-পার্শ্বে তোরা অপেক্ষা করবো।

[ চন্দনকে লইয়া প্রস্থানোত্তোগ ]

রণলাল। যেও না—যেও না অপর্ণা! এ অসমসাহসিকতার পরিণাম কি, তা জানো?

অপর্ণা। [ গাইতে ঘাইতে ] জানি প্রভু, মৃত্যু! আমি মৃত্যুই চাই—

[ চন্দন ও অপর্ণাব প্রস্থান ।

রণলাল। আমিও নিশ্চিন্ত হ'য়ে থাকতে পারবো না মা! আমাকেও যেতে হবে—

কল্যাণী। যাবে? যাও—বাধা আমি কাকেও দেবো না। তবে পুরীরক্ষা—যাক, সে ভাবনা ভাবতে হবে না। নাবায়ণের মনে যা আছে, তাই হবে; রাখতে হয়, তিনিই রাখবেন।

### হান্সীরের প্রবেশ।

হান্সীর। ঠিক বলেছ রাণি, রাখতে হয় নাবায়ণ রাখবেন। মিছে কেন আমরা ভেবে মরি? নাম সঙ্কীৰ্তন কর—সবাই মিলে প্রাণ খুলে নাম সঙ্কীৰ্তন কর, বিপদবারণ শ্রীহরি সকল বিপদ থেকে উদ্ধার করবেন। কিসের চিন্তা রণলাল? কিসের ভাবনা? নাম সঙ্কীৰ্তন কর! বল হরিবোল—হরিবোল—হরিবোল!

রণলাল। ও নামটা আপনিই নিন মহারাজ! আমি মহাপাপী, বরং একবার অস্ত্রের ধারটা পরীক্ষা কবি। বিপদের খাঁড়া মাথার উপর ঝুলছে, একটা ক্ষুদ্র মুহূর্তও আমি বুথা নষ্ট করতে পারবো না।

[ বেগে প্রস্থান ।

হাঙ্গীর। দেখলে বাণি, কেউ আমার কথায় কান দিলে না। দবাই মনে কবে আমি উন্মাদ হয়েছি। যদি এই নাম-স্বধাপানে উন্মাদ হ'তে পারতুম? কিন্তু কৈ? এখনও তো তা হয় নি। এখনও বুঝতে পারছি কল্যাণি, তুমি আমার আদবিণী পত্নী— আমি তোমার স্বামী। এখনও তো আমি আমার আগিস্বটুকু ত্রিহরিব চরণে অর্পণ ক'বে সম্পূর্ণভাবে নিঃস্ব হ'তে পাবি নি কল্যাণি! গুরু! গুরু! শিখিয়ে দাও প্রভু আমায় মুক্তির মন্ত্র। নামে আমার পাগল ক'রে দাও—পাগল ক'বে দাও!

### ত্রিনিবাসের প্রবেশ।

ত্রিনিবাস। আক্ষেপ ক'বো না বৎস! মদনমোহনের রূপায় তোমার কোন সাধ অপূর্ণ থাকবে না। করুণানিদান তোমায় করুণা করবেন।

হাঙ্গীর। বলুন প্রভু, কতদিনে আমার ইষ্টদেব মদনমোহনের দেখা পাবো?

ত্রিনিবাস। সে শুভ দিনও সমাগত বৎস! যাজ্ঞিগ্রাম ষাবার পথে বৃষভাঙ্গুর গ্রামে এক পবন নির্ভাবানু ব্রাহ্মণের গৃহে তোমার অন্তরেব ইষ্টদেবতা মদনমোহনের বিগ্রহ অবস্থান করছেন, তুমি সেই বিগ্রহ নিয়ে এসে মল্লভূমিতে প্রতিষ্ঠা কর—তোমার আশা পূর্ণ হবে।

হাঙ্গীর। শুন্লে বাণি! আর আমি অপেক্ষা করতে পারবো না; বিগ্রহ আনতে আজই যাত্রা করবো—তুমি আমার যাত্রার আয়োজন ক'রে দাও।

কল্যাণী। কিন্তু মহারাজ! বিপদের মেঘ ঘনীভূত—দ্বারে শত্রু, এ অবস্থায় আপনি কেমন ক'রে রাজধানী ত্যাগ করবেন?

## বীর হাঙ্গীর

[ পঞ্চম অঙ্ক ।

হাঙ্গীর। বিপদ? কিসের বিপদ? বিপদবারণ শ্রীহরি আমায়  
ডাক দিযেছেন, আমার আবার বিপদ কি? জয় মদনমোহন—  
জয় মদনমোহন —

[ বেগে প্রস্থান ।

কল্যাণী। কি হবে গুরুদেব?

শ্রীনিবাস। বিপদভঞ্জন মধুসূদনকে ডাকে। না! জয় মধুসূদন—  
জয় মধুসূদন—জয় মধুসূদন!

[ প্রস্থান ।

কল্যাণী। বিপদভঞ্জন মধুসূদন! এ বিপদে বক্ষা কর প্রভু!

[ প্রস্থান ।

## দ্বিতীয় দৃশ্য ।

কতলুপুর—দুর্গাভ্যন্তর।

### সসৈন্য সুধীরথের প্রবেশ ।

সুধীরথ। ব্যস! সব বাবা একে একে সরিয়েছি, কতলুপুর  
দুর্গ এখন আমাব সম্পূর্ণ করতলগত—আর আমায় পায় কে? মল্ল  
ভূমিব সিংহাসন এইবার আমাব হবে। কতলুপুর-দুর্গজয়ের অর্থ  
মল্লভূমির অর্ধেক শক্তি পয্যুদন্ত। বীর হাঙ্গীর! এইবার আমি  
তোমায় দেখে নেবো; আমার এ দুর্জয় আক্রমণে বাধা দিতে  
একজনও নেই—একজনও নেই—হাঃ-হাঃ-হাঃ!

### চিমনলালের প্রবেশ ।

চিমনলাল । তোমাঘ বাবা দিতে শত্রু মাটি ফুঁড়ে উঠবে স্বীরথমল্ল ! ভূর্গজয় এখনও স্বদূবপবাহত ।

স্বীরথ । কে—বুদ্ধ দস্য চিমনলাল ? তুমি এসে পড়েছ ? মবণের পাখা উঠেছে তোমাব, তাই নির্দোষ পতঙ্গের মত আগুনে ঝাঁপ দিতে এসেছ । তোমার কামনা অপূর্ণ রাখবো না চিমনলাল ! চিরশাস্তিময় মৃত্যু দিয়ে তোমাব আশা পূর্ণ করবো । সৈন্তগণ ! আক্রমণ কব, তোমাদেব সময়েত শক্তিব কাছে একা এই বুদ্ধ সর্দাব, তাকে নখে টিপে মাবো ।

চিমনলাল । চিমন সর্দাব বুদ্ধ হলেও তাব বজ্রগুপ্তি এখনও শিথিল হয় নি বিশ্বাসঘাতক !

[ সৈন্তগণ সহ যুদ্ধ কবিতে কবিতে প্রস্থান ।

স্বীরথ । হাঃ-হাঃ-হাঃ ! ভূর্গ প্রবেশেব আব কোন বাধা নেই—এইবাব আমি সম্পূর্ণ নিষ্কণ্টক ।

### যোদ্ধা বৈশে স্তম্ভজিত অপর্ণার প্রবেশ ।

অপর্ণা । পণেব কাঁটা এখনও সম্পূর্ণ অপসারিত হয় নি পিতা ! তোমার পিতৃদ্রোহিণী বক্সা এখনও মবে নি ।

স্বীরথ । কে ? অপর্ণা—তুই ? পিতৃদ্রোহিণি ! মবুতে এসেছিস কেন ? যা—যা, ফিরে যা—

অপর্ণা । মৃত্যু ভিন্ন এ অন্তরেব দাহ যে নিভবে না বাবা ! তাই তোমার কাছে ছুটে এসেছি মরণ-কামনা নিয়ে । দাও—মৃত্যু দাও !

স্বধীরথ । না—না, পারবো না,—পারবো না আমি স্বহস্তে কণ্ঠাকে বধ কর্তে । যা—যা, যদি ভাল চাস, এখান থেকে যা ।

অপর্ণা । ভাল ? কি ভাল আর চাইবো বাবা ? কি ভাল আর করবে তুমি ? জীবনের প্রভাত থেকে ভাল করে আস্ছো, যে ভালর জন্ত আজ গৃহ থাকতে গৃহহারা—পিতা বর্তমানে পিতৃ-স্নেহে বঞ্চিতা অভাগিনী—পরের একগিন্দু করুণাব প্রার্থিনী । আর তুমি কি ভাল করবে বাবা ? শেষে ভাল কর—আমায় মৃত্যু দাও, আমার সকল যন্ত্রণার অবসান হোক ।

স্বধীরথ । না—না, আমি তা পারবো না, তুই যা—তুই যা—

অপর্ণা । তোমায পারতেই হবে বাবা ! আমি বেঁচে থাকতে আমি তোমায দুর্গে প্রবেশ কর্তে দেবো না ।

স্বধীরথ । দিবি না ? বেঁচে থাকতে দুর্গে প্রবেশ কর্তে দিবি না ? তবে কি—তবে কি নিজের হাতে কণ্ঠাকে বধ কর্তে হবে ?

অপর্ণা । তা ছাড়া অস্ত্র উপায় যে নেই বাবা !

স্বধীরথ । উপায় নেই ?—উপায় নেই ? কিন্তু কতলুপুর-দুর্গ আমি চাই !

অপর্ণা । ঐ উত্তম অস্ত্র কণ্ঠার বৃকে বসিয়ে দিতে তবে আর ইতস্ততঃ কর্ছো কেন বাবা ?

স্বধীরথ । দুর্গজয়ের আশা আমি কিছুতেই ত্যাগ কর্তে পারবো না, তার জন্ত যদি কণ্ঠাহত্যা কর্তে হয়—

[ সহসা কোথা হইতে একটি তীর আসিয়া অপর্ণার

বৃকে বিদ্ধ হইল, অপর্ণা আর্জুনাদ করিয়া

ভূপতিত হইল । ]

স্বধীরথ । কোন্ অদৃশ্য বন্ধু আমায় কণ্ঠাহত্যা মহাপাতক থেকে রক্ষা ক'রে আমার দুর্গ প্রবেশের পথ নিষ্কণ্টক ক'রে দিলে ? হে অদৃশ্য বন্ধু ! আমি তোমার নিকট কৃতজ্ঞ রইলুম । এ কৃতজ্ঞতার ঋণ শোধ করবো সেই দিন, যেদিন বসবো আমি আমার চির-আকাজ্জিত ওই মল্লভূমির সিংহাসনে—[ প্রস্থানোত্তত ]

### ধনুর্বাণহস্তে বেগে রণলালের প্রবেশ ।

রণলাল । কে আর্তনাদ করলে—কে আর্তনাদ করলে ? তবে কি মানসিক চাঞ্চল্যে আমার লক্ষ্যভ্রষ্ট হয়েছে ? বিশ্বাসঘাতক শযতানকে আঘাত করতে গিয়ে এ আমি কাকে আঘাত করলুম—!

স্বধীরথ । যাকে আঘাতের প্রয়োজন ছিল, তাকেই আঘাত করেছ তুমি ; আমাব পথ মুক্ত ক'রে দিয়েছ—আমি তোমায় পুরস্কৃত করবো বন্ধু !

অর্পণ । স্বামি !—

রণলাল । পুরস্কার ?

আশাতীত পুরস্কার

ঘটিয়াছে ভাগ্যে মোর,

এব অধিক কিবা পুরস্কার

তুমি দিবে মোরে ?

প্রভুদ্রোহি বিশ্বাসঘাতক !

তুমি চিরদিন ধরেছিলে

তীক্ষ্ণ অস্ত্র বধিতে কণ্ঠায়,

সে সাধ তোমার আমি পুরায়েছি—

হানিয়াছি বিষদিক্ষ শর

অভাগিনী অর্পণার বৃকে ।  
 ওঃ—কি করেছি—কি কবেছি !  
 স্বধীরথ । কে তুমি ?  
 রণলাল । জামাতা ।  
 স্বধীরথ । কার ?  
 রণলাল । কল্যাঘাতী পান্ডু দস্যর ।  
 স্বধীরথ । স্তব্ধ হও রে নিদোষ !  
 রণলাল । ঘুমাও—ঘুমাও দেবি, মহানিদ্রা-কোলে,  
 আমি লবো প্রতিশোধ তোমার হত্যার ।  
 গেছে দুর্গ, যাক, —নাহি ক্ষতি তাষ,  
 লুপ্ত হোক স্বাধীনতা চিবতরে  
 এ মল্লভূমিব !  
 সকল বন্ধন মোর কেটেছে যখন  
 অর্পণার জীবনের সাথে,  
 তবে আর কেন ?—  
 আব কেন প্রতিহিংসা অপূর্ণ রহিলে ?  
 এই তীক্ষ্ণ শরে উপাডিয়া  
 কল্যাঘাতী পাপিষ্ঠেব হৃদপিণ্ডখান  
 খাণ্ডয়াইব শৃগাল কুকুরে,  
 পূর্ণ হবে তবে প্রতিহিংসা মোর ।

[ ধনুকে শর যোজনা করিয়া কি ভাবিয়া স্তম্ভিত হইলেন । ]

একি ! শ্লোথ মোর করযুগ,  
 বাহুর অদম্য শক্তি কে নিল হরিষা ?  
 ওই মৃত্যুচ্ছায়া অঙ্কিত ললাট

প্রিয়তমা অপর্ণার ;  
 ঐ মরণ-যন্ত্রণা-কাতর  
 সক্রুণ আখি ছুটি যেন চাহি মোর পানে  
 কহিতেছে নীবব ভাষায়—  
 "ওগো প্রিয়তম ! সম্বর—সম্বর শর,  
 মৃত্যু দিবে পিতাবে আমার  
 পাবে না আমায় ফিরে !  
 আমি দিমেছিছ বুক পেতে  
 উগত রূপাণমুখে তার,  
 তুমি কেন চাও প্রতিশোধ নিতে ?  
 কব আহ্নসমর্পণ,  
 তাতে যদি হয় গো মরণ,  
 আসিবে আমার ঠাই—  
 রবে। আমি আকুল আগ্রহে  
 প্রতীক্ষায় তব ।"  
 তাই হোক—তবে তাই হোক ।  
 শোন কণ্ঠাঘাতি, তুমি অপর্ণার পিতা,  
 তব অঙ্গে অস্ত্রাঘাত  
 কণ্ঠাব নিষেধ তব ।  
 এই আমি ত্যজিলাম ধনুর্ধ্বাণ ।

[ ধনুর্ধ্বাণ ত্যাগ ]

স্বধীরথ । কে আছ ? শৃঙ্খল—  
 রণলাল । ক্ষান্ত হও হে বিজয়ি,  
 স্বেচ্ছায় বন্দি আমি করিছ স্বীকার ।



নাহি ভয়, পলাইতে শক্তি নাই,  
নাহিক লালসা ।  
ছুটি দণ্ড ভিক্ষা দাও মোবে,  
স্বহস্তে সাজায়ে চিতা  
তুলে দিই সোনার প্রতিমা ।  
তাবপব ফিবে আগি স্ব ইচ্ছায়  
পবিত্র শত্মল ।

[ অপর্ণাব মৃতদেহ লইয়া প্রস্থান ।

স্ববীৰথ । মস্তেব সাধন কিঙ্গা শবীর পতন । আমাব উদ্দেশ্য  
সাধনে যে বাবা দেবে, পবমাস্ত্রায় হ'লেও আমাব অস্ত্র এমনি ক'বেই  
তার বক্ষ ভেদ করবে ।

জনৈক সৈনিকের প্রবেশ ।

সৈনিক । মহাবাজ ! কোথা হ'তে মুহূৰ্হু বিবাক্ত শব ছুটে  
আসছে -

স্ববীৰথ । কাব শব ?

সৈনিক । ক'উকে দেখছি না, শু শু এক বালক দুৰ্গময হাণ্ডয় ব  
মত ছুটে বেড়াচ্ছে—কেউ তাব নাগাল পাচ্ছে না ।

স্ববীৰথ । অপদার্থ সব ! চল—আমি যাচ্ছি—

[ সৈনিক সহ প্রস্থান ।

চন্দন । [ নেপথ্যে ] দিদি । দিদি ।

বণলাল । [ নেপথ্যে ] নেই—নেই—

## তৃতীয় দৃশ্য।

আশান।

### চন্দনের প্রবেশ।

চন্দন। মরেছ দিদি? বেশ করেছ। বেঁচে থাকার চেয়ে মরাই বুঝি ভাল! সংসার বড় খারাপ জায়গা, এখানে আবার মানুষ থাকে? বেশ কবেছ! কিন্তু আমায় তো কিছু বললে গেলে না! আমি যে তোমার ছোট ভাই! দু'জনে একসঙ্গে যুদ্ধ করতে এসেছি, একসঙ্গেই মরবো। আমায় নাও দিদি—আমায় নাও!

### রণলালের প্রবেশ।

রণলাল। ফিরে এসো—ফিরে এসো, গ্রিহতমা মোব,  
দুঃসহ এ দাহ আর পাবি না সহিতে।  
কথা কও—একবার কথা কও!  
না—না, জাগিও না—কহিও না কথা,  
পৃথিবীর বিষাক্ত বাতাস হ'তে  
দূরে—দূরে—আরও দূরে  
অনন্ত নিদ্রার কোলে রহ ঘুমাইয়া।

চন্দন। রণদাদা!

রণলাল। চুপ! চুপ! ঘুম ভেঙ্গে যাবে—ডুকুরে কেঁদে উঠবে।  
কত জালায় জলছে জানিস? পিতা চেয়েছে তার মৃত্যু—স্বামী  
হেনেছে তার বুকে তীক্ষ্ণ শর।

চন্দন । তুমি ? আমাব দিদিকে তাহ'লে তুমি হত্যা করেছ ?

রণলাল । আমি ? সত্যই কি আমি ? না—না, আমি নই—  
স্বদীর্ঘকাল ; না—তারও কোন হাত ছিল না, আমারও কোন শক্তি  
ছিল না । গুরু শ্রীনিবাস কি বলেছিল জানিস্ ? রাখে কৃষ্ণ মাঝে কে,  
মারে কৃষ্ণ রাখে কে ? সেই নিষ্ঠুর, সেই দয়াল, সেই সর্বশক্তিমানই  
দাবী, আমি উপলব্ধি । ওই দেখ, কি বলছে তোর দিদি, কান  
পেতে শোন ।

চন্দন । দাদা ! আমার দিদিকে তুমি কেবল নিয়েই করেছিলে,  
ভালবাস নি ।

রণলাল । বাসি নি ? তবে আমার বুকেটা এমন ক'চ্ছে কেন ?  
কেন একজনের অভাবে পৃথিবীটা এমন শূন্য হ'বে গেল ? অপর্ণা !  
অপর্ণা—

### শৃঙ্খলহস্তে দুইজন সৈনিকের প্রবেশ ।

রণলাল । একি, কে তোমবা ? কেন এ নীরব আশানের  
শান্তিভঙ্গ করছো ? ও—হ্যা—হ্যা, মনে পড়েছে—আমি প্রতিশ্রুত ।

১ম সৈনিক । স্বেচ্ছায় প্রতিশ্রুতি রক্ষা করবে না বলপ্রয়োগ  
করতে হবে ?

রণলাল । কিছুই করতে হবে না, প্রতিমার নিরঞ্জন হ'য়ে  
গেছে—আমি প্রস্তুত । কিন্তু এখানে নয় ; এখানে আমায় বন্দী  
করলে আশানের ছাইগুলো কেঁদে উঠবে । চল—একটু আড়ালে চল ।  
না—না, কি জানি, মন বড় অবিশ্বাসী । 'এই আমি হাত বাড়িয়েছি  
—কর বন্দী । পার যদি—অন্তর্বেদ করছি, আমায় হত্যা কর—এইখানে  
—এই আশানে ।

১ম সৈনিক । সে কাজটা মহারাজই করবেন । [ রণলালকে বন্দী করিল । ]

চন্দন । কি, রণদাদা বন্দী ?

রণলাল । চুপ ! চুপ ! তোর দিদি শুনতে পাবে । অপর্ণা !  
আমার অপেক্ষায় বসে আছ তুমি ? আমি আসছি—

১ম সৈনিক । তুই এই ছোড়াটাকে বেঁধে নিয়ে আয়—

[ রণলালকে লইয়া প্রস্থান । ]

২য় সৈনিক । এই ছোড়া !

চন্দন । যা—যাঃ !

২য় সৈনিক । “যা—যা” মানে ?

চন্দন । মানে আবার কি ? তোর রাজাকে আসতে বল ।

২য় সৈনিক । ভেড়ের ভেড়ে বলে কি ?

চন্দন । সোজা কথাই তো বলছি । আমি যার তার হাতে  
বন্দী হবো না—বাজাকে আসতে হবে ।

২য় সৈনিক । তবে রে—[ অগ্রসর ]

চন্দন । এই—এগুস্ নি বলছি, চড় খেয়ে মরবি ।

[ সৈনিক অগ্রসর হইল, চন্দন তাহার দুই পায়ের ফাঁক

দিয়া গলিয়া পিছে আসিয়া সৈনিকের পিঠে

এক গুঁতা মারিল । ]

২য় সৈনিক । ওরে বাবা—একি ছেলে রে বাবা !

স্বধীরথের প্রবেশ ।

স্বধীরথ । এখনো এই শিশু-সম্রতানকে জীবিত বেখেছ ? বন্দী  
কর—বন্দী কর ।

২য় সৈনিক। মাপ করুন মহারাজ ! এই তুচ্ছ বালককে বন্দী করতে আমার লজ্জা হ'চ্ছে ; ও আমি পারবো না।

স্বধীরথ। দূর হও !

[ শৃঙ্খল রাখিয়া সৈনিকের প্রস্থান। ]

স্বধীরথ। বালক ! তুমি বিষাক্ত শরে আমার অনেকগুলো সৈন্যকে হত্যা করেছ, আজ তার প্রতিশোধ।

চন্দন। তুমি আমার দিদির বাবা ? স্বধীরথমল তোমার নাম ? তোমার অনেক কীত্তির কথাই শুনেছি, কিন্তু বিশ্বাস করি নি যে একটা মানুষ এত ভয়ানক হ'তে পারে। আজ মনে হ'চ্ছে, তুমি সদাই পার। তুমি যখন নিজের মেয়েকেই মারতে পার, তখন তোমার অসাধ্য কিছুই নেই।

স্বধীরথ। বালক !

চন্দন। করুলে কি ঘটক ! এমন রক্ত হাতে পেয়ে ডালি দিলে ?

স্বধীরথ। স্তব্ধ হও বাচাল !

চন্দন। এত পাপী তুমি, নরকেও তোমার ঠাই হবে না, তবু কেন জানি না, তোমাকে বড় ভালবাসতে ইচ্ছে হচ্ছে। তুমি আমার দিদির বাবা, তোমাকে একটা প্রণাম করি।

স্বধীরথ। বালক ! ছলনায় স্বধীরথমল ভোলে না। তুমি আমার অনেক অনিষ্ট করেছ, এই মুহূর্তে তোমায় আমি যমালয়ে প্রেরণ করবো।

চন্দন। এসো—মরতে আমার একটুও দুঃখ নেই। আমি কে, তাই আমি জানি না। কারও কাছে কখনো একটু মিষ্টি কথা শুনি নি, শুধু পেয়েছিলুম দিদির কাছে জীবনের যা কিছু কামনা।

সেও যখন চ'লে গেল, আমি আর বাঁচতে চাই নে। যে মুহূর্তে তার মৃত্যু সংবাদ পেয়েছি, সেই মুহূর্তেই আমি অস্ত্রত্যাগ করে মরুবার জন্ত তৈরী হ'য়ে আছি।

সুধীরথ । দাঁড়া তবে, এই তরবারি তোর বুকে আমূল বি'ধিয়ে দেবো।

[ চন্দন বুক ফুলিয়া দাঁড়াইল, সুধীরথ তরবারি  
বিদ্ধ করিতে প্রস্তুত হইল। ]

সুধীরথ । বালক ! তুমি আমার পরম শত্রু, কিন্তু তোমার মুখ-  
খানি বড় সুন্দর !

চন্দন । তাই হাত কাঁপছে, না ? বনের পশু, তোমাব আবার  
মায়া !

সুধীরথ । সাবধান প্রগল্ভ বালক !

চন্দন । বেঁধাও তরবারি !

সুধীরথ । কি আশ্চর্য্য ! এই হাতে কত শিশু যুবা বৃদ্ধ প্রাণ  
দিয়েছে, মনটা একটুও টলে নি ; আজ কেন হাত কাঁপছে ?  
বালক ! তুমি কি যাহু জান ? তুমি কে ? তুমি কে ?

চন্দন । সর্ব্বহারা।

সুধীরথ । পরম শত্রু তুমি, তবু তুমি শিশু। জীবনে যা কখনো  
করি নি, তোমাব জন্ত আমি তাও করতে পারি, যদি তুমি অল্পতপ্ত  
হ'য়ে ক্ষমাভিক্ষা কর।

চন্দন । ক্ষমা ? পাপীর কাছে ক্ষমা ?

সুধীরথ । বেঁচে যাবে।

চন্দন । চাই না বাঁচতে।

সুধীরথ । অর্থ দেবো।

চন্দন । চাই না অর্থ ।

সুধীরথ । আশ্রয় পাবে ।

চন্দন । যমের কাছে, তোমার কাছে নয় ।

সুধীরথ । বিষধর সর্প ! তবে এই আঘাতেই তোমার ভবলীলা শেষ হোক । [ আঘাতের নিশ্ফল উত্তোষ ] না, কোথায় যেন বাধে—কে যেন কাঁদে—কি এক দুর্বীর শক্তি এসে হাত চেপে ধরে । তবু মায়াবি শিশু ! তোমায় আমি ক্ষমা করুবো না— [ শৃঙ্খলিত করিলেন । ] আমার হাতে মৃত্যুর গৌরব তোমায় আমি দেবো না, তোমার মৃত্যু হবে ঘাতকের নিষ্ঠুর খড়্গে । কে আছে ?

### রক্ষীর প্রবেশ ।

সুধীরথ । নিষে যাও ।

চন্দন । দিদি ! আব একটু অপেক্ষা কর, আমি আসছি ।

[ রক্ষিসহ প্রস্থান ।

সুধীরথ । স্নেহ ! এখনও স্নেহ আছে ? ধর্মপত্নীকে ত্যাগ করেছি, কন্যাকে হত্যা করেছি, তবু স্নেহ উঁকি মারে ? বুক ভেঙ্গে ফেলুবো । ঐ যে চিতাভস্ম—ওইখানে কি হৃদয়ের সব স্নেহ নিঃশেষ হ'য়ে যায় নি ? [ নিজের অজ্ঞাতেই অগ্রসর হইতে লাগিলেন ] আর তো কেউ নেই ! আমি একা—আমি একা—হাঃ-হাঃ-হাঃ ! [ নিজের অট্টহাসিতে নিজেই চমকিয়া উঠিলেন । ] কে কাঁদে ? পেছন থেকে কে টানে ? কে যেন বলছে—আমি আছি । একি ! চিতাভস্ম ন'ড়ে উঠেছে—সহস্র চক্ষু মেলে আমার দিকে চেয়ে আছে । অপর্ণা—অপর্ণা !

ফকিরের বেশে গোলাম মহম্মদের প্রবেশ ।

গোলাম । হিন্দু মহীয়সী নারীব এই শ্মশানচিহ্ন আমি যদি কুসুমগুচ্ছ দিয়ে যাই, শ্মশান কি অপবিত্র হবে ?

স্বধীরথ । না ; কিন্তু কে আপনি হজবৎ ?

গোলাম । আমি সন্তান, আজ আব আমাব অল্প পরিচয় নেই ।

স্বধীরথ । কিন্তু আপনাকে যে পরিচিত ব'লে মনে হ'চ্ছে ।

গোলাম । স্বধীরথমল্ল !

স্বধীরথ । [ আশ্চর্য্যে ] কে—গোলাম মহম্মদ ?

গোলাম । চূপ ! চূপ ! ও পরিচয় মুছে ফেলে দিয়েছি । আজ আমি শুধু সন্তান । হিন্দু নেই—মুসলমান নেই, জগতের যত নারী, সবার মতোই আমি আজ মাকে দেখতে পাচ্ছি । কে আমাকে ঘরছাড়া ক'বে লক্ষ লক্ষ মাতৃমুগ্ধিতে দিকে দিকে আকর্ষণ ক'চ্ছে জান ? এই নারী । স্বধীরথমল্ল ! তুমি চিনিব বোঝা ব'য়েই মরেছ, চিনির স্বাদ পেলে না ।

স্বধীরথ । শক্তির পূজাবী নবাব-সেনাপতি গোলাম মহম্মদেব এই বৈরাগ্যেব কারণ ?

গোলাম । শক্তির অহঙ্কার আব আমাব নেই স্বধীরথমল্ল ! আজ আমি মুক্তিপথের সন্ধান পেয়েছি । এক মহীয়সী নারী আমায় শিখিয়ে দিয়েছে, শক্তি বাহুতে নয়—ঐশ্বর্য্যে নয়, শক্তি ধর্ম্মে ; তাই এই দীন ফকিরের পথ বেছে নিয়েছি ।

স্বধীরথ । কোথায় ছিলে এতদিন ?

গোলাম । অনেক দিন বনে-জঙ্গলে পশুর সঙ্গে ছিলাম ; দেখলাম, মাতৃষের চেয়ে পশু অনেক ভাল । তারা সোজাসজি শত্রুতা করে, বন্ধুত্বের মুখোশ প'রে ছোবল মারে না । মাঝে মাঝে



লোকালয়ে আসি, প্রাণ হাফিয়ে ওঠে, আবার চ'লে যাই সেই হিংস্র পশুদের মাঝখানে ।

স্বধীরথ । ফিরে এসো গোলাম মহম্মদ ! দেখবে এসো, আজ আমি সমস্ত শত্রুদল পরাজিত কবেছি ।

গোলাম । কিছুই কর নি মূর্থ ! তুমি নিজেই পরাজিত ।

স্বধীরথ । পরাজিত ?

গোলাম । পরাজিত আর কাকে বলে স্বধীব্রথমল্ল ? বরাবর ঘা খেয়েও যে অন্তরেব শত্রুকে দমন করতে পারলে না, সে যদি জয়ী, তবে পরাজিত কে ? ঘবে ছিল তোমাব স্পর্শমণি, তার স্পর্শে লৌহ সোনা হ'য়ে গেল, আর তুমি র'য়ে গেলে যে তিমিরে সেই তিমিরে ।

স্বধীরথ । গোলাম মহম্মদ !

গোলাম । স্বধীরথমল্ল ! একদিন তোমার দোস্তি ছিল আমার পরম সম্পদ । আজ কি মনে হ'চ্ছে জানো ? তোমার মত স্বণিত নরকের কীট জগতে আর ছুটি নেই । তুমি সহধর্মিণী পত্নীকে ত্যাগ করেছ—নিজের কন্যাকে পর্যাস্ত মৃত্যু দিয়েছ,—আর সে এমন কন্যা, দেহেন্দ্রেস্তও যার তুলনা মেলে না । তুমি হতভাগ্য—তুমি শয়তান—তুমি মহাপাপী, তোমার ছায়া স্পর্শ করাও মহাপাপ ।

স্বধীরথ । যাও—যাও ।

গোলাম । যাচ্ছি—চিরদিনের মত বাংলাদেশ ছেড়ে চ'লে যাচ্ছি । যাবার পূর্বে আমার মাকে একবার শ্রদ্ধাজলি দিয়ে যাই ।

স্বধীরথ । ভুল করলে গোলাম মহম্মদ ! এর পর ভুল সংশোধন করতে এলে আর কোন ফল হবে না ।

[ প্রস্থান ।

গোলাম । [সম্ভরণে চিতার উপর পুষ্পগুচ্ছ রক্ষা করিলেন ।]

চতুর্থ দৃশ্য ।]

বীর হাঙ্গীর

ঘুমিয়েছ, ঘুমোও ; কিন্তু চিরদিন ঘুমিয়ে থেকো না ; আবার এসো  
মা বাঙ্গালীর ঘরে বরাভয় মুক্তি নিয়ে। নাবীর সন্তান নিয়ে পুরুষ  
যখন ছিনিমিনি খেলবে, পশুহস্তে লাক্ষিতা অসহায়া বাঙ্গালী নারী  
যখন চোখের জলে বুক ভাসাবে, তখন তুমি এসো মা বাংলার  
ঘরে ঘরে, তুমি জেগে উঠো মা নারীর অন্তরে অন্তরে দশভুজা  
দশগ্রহরঞ্জনীর মাহিমাদিনীকপে। দুষ্টের দলনে, শিষ্টের পালনে,  
অসহায়ের অশ্রুমোচনে তোমার অদৃশ্য তাতথ্যানি চিরদিন যেন নিয়ো-  
জিত থাকে।

[ পুনঃ পুনঃ সেলাম করিতে কবিতে প্রস্থান ।

চতুর্থ দৃশ্য ।

বৃদ্ধভাতৃপুত্র—সনাতন শ্রমাব বাটী ।

বেদীর উপর মদনমোহনের বিগ্রহ স্থাপিত, বিগ্রহ  
সম্মুখে প্রেমানন্দ গাহিতেছিল, একজন দেবদাসী  
নৃত্যছন্দে আরতি করিতেছিল ।

প্রেমানন্দ ।—

গীত ।

তব কটিকটে কে পরালে ধটি,

কে দিয়েছে তা রাঙিয়া ।

আবরিল কেবা শ্রামতশু বানি

পরায়ে রঙিন আঙিয়া ।

কেবা পরায়ে দিল—

অমন হুস্তাম হুন্দর, তমু মনোহর,

কেন আঙিয়ার তা ঢাকিয়া দিল—

যেন নীল নভোতলে, রাস্তা ঘেঘদলে,

সঞ্চারি শোভা ধরিল ভুবন আলো করিয়া ॥

তব রাস্তা চরণে বাধিত নুপুর,

কমলদলে ভ্রমর গুঞ্জর,

শিরে শিখিচূড়া হেলত বামে আছে মোহন ঠামে বাঁকিয়া ॥

[ প্রস্থান ; পরে দেবদাসীর প্রস্থান ।

### সনাতন ও হাঙ্গীরের প্রবেশ ।

সনাতন । আমার অন্তর-দেবতা গৃহ আলোকর। মদনমোহনকে দেখতে চান ? এ তো আমার সৌভাগ্য ! আস্তে আজ্ঞা হোক—  
হাঙ্গীর । শুধু দেখা নয় ব্রাহ্মণ ! যদি তোমাব অন্তরের দেবতা আর আমার অন্তরের দেবতা এক হন, তাহ'লে—

সনাতন । তাহ'লে বলুন অতিথি, আমায় কি করিতে হবে ?

হাঙ্গীর । তাহ'লে আমায় একটা প্রতিশ্রুতি দিতে হবে, অগ্র-  
থায় আমি তোমার আতিথ্যগ্রহণ করবো না ।

সনাতন । সে কি কথা ? আতিথ্যগ্রহণ করবেন না কি ? যখন অতিথিরূপে দীন ব্রাহ্মণেব গৃহে পদার্পণ করেছেন, তখন মহানু অতিথিকে বিমুখ হ'তে দেবো না । জানেন না কি, অতিথির সেবাই ব্রাহ্মণের ধর্ম ? সেই মহানু অতিথিকে বিমুখ ক'রে আমি কি ধর্মে পতিত হবো ? না—তা আমি কখনই পারবো না ।

হাঙ্গীর । তবে প্রতিশ্রুতি দিন—

সনাতন । আপনি যেই হোন, আজ আপনি আমার অতিথি ;

চতুর্থ দৃশ্য ।]

বীর হাঙ্গীর

আমি প্রতিশ্রুতি দিছি, আপনার প্রার্থনা আমি পূর্ণ করবো। বলুন আপনি কি চান?

হাঙ্গীর। আমি শিক্ষা চাই, তবে আমার শিক্ষা যে-সে শিক্ষা নয় ব্রাহ্মণ, একটু উচুদরের।

গীতকণ্ঠে প্রেমানন্দের পুনঃ প্রবেশ।

প্রেমানন্দ।—

গীত।

নিত্য কত শত শত দীন ভিখারী যার দুয়ারে।

সে নিয়েছে শিক্ষার বুলি, এসেছে আজ পরের ঘারে ॥

সে যে নিজের নথকো ছোটো,

আশাট তার নথকো খাটো,

যার ভাবে সে আপনহারা, আজকে চাষ সে শিক্ষা তারে ॥

[ প্রস্থান।

হাঙ্গীর। আমায় শিক্ষা দেবেন ব্রাহ্মণ?

সনাতন। বুঝতে পেবেছি আপনি সাধারণ ভিক্ষুক নন, তবু আজ আমার অতিথি। আমি প্রতিশ্রুতি দিছি, আমি আপনাকে শিক্ষা দেবো, আগে মদনমোহন দর্শন করুন—

হাঙ্গীর। শিক্ষা দেবে? তা হ'লে দেখাও ব্রাহ্মণ, কোথায় তোমাব মদনমোহন?

সনাতন। এই যে ভিক্ষুক! দেখ তোমাবই সম্মুখে আমার অন্তরের দেবতা মদনমোহন—

হাঙ্গীর। ওই মদনমোহন?

আহা-হা, কি রূপ! কি রূপ!

ধানের ধারণা সেই অন্তর দেবতা মোর !  
 সেই নবজলধর স্ত্যাম স্তন্দর,  
 অধরে মুবলীধরা, বক্ষিম নয়ন,  
 রাসিকারঞ্জন গোপীজন মনোহরা !  
 সেই ক্ষীণ তটি, পরা পীত ধটি,  
 অধরে মধুর হাসি,  
 সেই ভুবনমোহন রূপ অতুলন  
 শারদ পূর্ণিমা শশী !  
 সেই কোটি চাঁদ চরণ-নখরে,  
 চবণকমলে ভ্রমব গুঞ্জরে,  
 ডাকে 'রাধা' রাধা' বাঁশরীর স্বরে !  
 বৃন্দাবনে বনমালী সেই নটবর  
 আমার শ্রীধর  
 ডেকেছেন মোরে দেখা দিবে বলি !  
 ব্রাহ্মণ ! ব্রাহ্মণ ! ভিক্ষা দাও—ভিক্ষা দাও !  
 বলা প্রাণি, কিবা চাই তুমি ?  
 দাও—দাও হে ব্রাহ্মণ,  
 হৃদয়ের ধন ওই মদনমোহন !  
 চিরদিন দাস হ'বে সেবিত চরণ ।

সনাতন ।

হাঙ্গীর ।

সনাতন । তাই দেবো—তাই দেবো অতিথি, আগে আমার  
 এই পর্ণকুটিরে আতিথ্যগ্রহণ করবেন আসুন ।

হাঙ্গীর । জয় মদনমোহন ! জয় মদনমোহন !

[ উভয়ের প্রস্থান ।

## পঞ্চম দৃশ্য ।

কতলুপুর দুর্গপ্রাঙ্গণ—বিচারমণ্ডপ ।

বিচারাসনে সুধীরথ বসিয়াছিল, উভয় পার্শ্বে রক্ষি-  
বেষ্টিত ও শৃঙ্খলিত বন্দীগণ ; দক্ষিণপার্শ্বে রণলাল  
ও শৃঙ্খলিত চন্দন দাঁড়াইয়াছিল এবং বামপার্শ্বে  
বিগতদেহ চিমনলাল দাঁড়াইয়াছিল ।

সুধীরথ । আগেই বলেছি, মল্লভূমি আক্রমণেব পূর্বেই আমি  
বিচার করতে চাই এই সব বন্দীদের ।

চিমন । বিচার ? আর বিচারের ভাণ কেন সম্মতান ? তোমার  
নৃশংস তত্যালীলা দেখাতে চাও—দেখাও ! শুধু শুধু বিচারের ভাণ  
ক'রে নিজের সাধুতা সপ্রমাণ করবার কোন প্রয়োজন নেই ।

সুধীরথ । ই্যা—বিচার প্রয়োজন দস্যুসর্দার ! তুমি—তোমারই  
ষড়যন্ত্রে মল্লভূম-অধিপতি রাজাধিরাজ স্বরথমল্ল রাজ্যভ্রষ্ট হ'বে আজ  
বৃন্দাবনবাসী । তোমারই ষড়যন্ত্রে পবিত্র মল্লভূমির রাজবংশ কলঙ্কিত ।  
মানের দায়ে, প্রাণের দায়ে বিপন্ন দাদা আমাব হীন দস্যুহস্তে কণ্ঠা  
সম্প্রদান করেছিলেন ; তার ফলেই হীন দস্যু আজ মল্লভূমির  
অধীশ্বর । তোমাদেরই প্ররোচনায় দাদা আমায় বঞ্চিত ক'রে মল্ল-  
ভূমির রাজ্যপাট তুলে দিয়েছিলেন এক দস্যুর করে । এতখানি  
অত্যাচার—এতটা অবিচার—এতদূর অত্যাচারের আজ যোগ্য শাস্তি  
নিতে হবে দস্যু !

চিমন ।

অবিচার অত্যাচার কাহার অধিক  
 জায়বান রাজভ্রাতা ?  
 তোমার না আমার ?  
 মনে পড়ে অতীতের কথা ?  
 ষড়যন্ত্র করি দুই ভ্রাতা,  
 রাজ-অগ্নে পালিত বন্ধিত  
 কৃতঘ্ন কুকুব দুইজন।  
 রাজারে আশ্রয় কবি আপনার গৃহে  
 বিষদানে বধিলে তাহারে,  
 তারপর নিকটকে নিজ সহোদরে  
 বসাইলে সিংহাসনে ।  
 পিতৃ-মাতৃহীন রাজার কুমাবে  
 কেড়ে নিষে ধাত্রী-অঙ্ক হ'তে  
 করেছিলে কতই প্রয়াস  
 বধিতে তাহারে,  
 কিন্তু ঈশ্বর বাঞ্ছন যাবে,  
 কে তাবে মারিতে পারে ?  
 তাই বিধাতৃ-ইচ্ছায় সেই ক্ষুদ্র শিশু  
 অধিষ্ঠিত আজি মল্লভূম-সিংহাসনে ।  
 প্রভুদ্রোহি রাজদ্রোহি কৃতঘ্ন অধম !  
 দস্যুতা কাহার ?  
 তোমার না আমার ?  
 অত্যাচারী কেবা ?  
 তুমি না আমি ?

কর শাস্তি প্রয়োজন ?  
তোমার না আমার ?  
স্বধীরথ । মিথ্যাবাদি ! প্রবঞ্চক !  
উপকথা করিয়া রচনা  
বাকপটুতায় নিজ  
সবাবে ভুলাতে চাও ?  
সাক্ষী কেবা ? সমর্থন কে করিবে  
এ অলীক উপকথা তব ?

### পাগলিনীর প্রবেশ ।

পাগলিনী । আমি সাক্ষী,  
আর সাক্ষী জগতেব পতি ।  
তুই !—চিনিবাছি তুই সে রাক্ষস—  
এই বুক থেকে নিয়েছিলি ছিনাইয়া  
দুঃখিনীর হৃদয়ের নিধি ।  
সেই দিন—সেইক্ষণ হ’তে  
সর্বহারা অনাথিনী  
ফিরিতেছি পাগলিনী সমা ।  
ওরে, দে—ফিরে দে আমায়  
দুঃখিনীর নয়নের মণি,  
মণিহারা ফণী  
কতক্ষণ ধরিবে জীবন আর ?

স্বধীরথ । ভাল সাক্ষী আনিয়াছ  
চতুর সর্দার !



চমৎকার খেলেছ চাতুবী !  
 পথের কুকুরী এক  
 উন্মাদিনী নারী  
 আসিয়াছে ইঙ্গিতে তোমাব !  
 চমৎকার ! অতি চমৎকার !  
 চিম্ন ! সত্য উন্মাদিনী নারী,  
 কিস্ত কে কবেছে  
 উন্মাদিনী তারে ?  
 তুমি—তুমি নবাপম !  
 হান্সীরের ধাত্রীমাতা এষ্ট,  
 উন্মাদিনী তোমাবি কারণ ।

### হান্সীরের প্রবেশ ।

হান্সীর । ধাত্রীমাতা—ধাত্রীমাতা,  
 কোথা ধাত্রীমাতা মোর ?  
 কে মোর স্বহৃদ  
 অনিষাছ জননী-সন্ধান ?  
 নিষে চল—নিষে চল মোরে  
 জননীসকাশে ।  
 শৈশবে যাহার পেয়েছিহু  
 স্নেহের আশ্বাদ,  
 সেই অভাগিনী জননী আমার  
 অনিষাছি উন্মাদিনী আমা লাগি !  
 বল—কে আছ স্বহৃদ,

যে দিলে এ শুভ বার্তা মোরে,  
ব'লে দাও কোথায় জননী ?  
চিম্ন । উন্মাদিনি !  
একদৃষ্টে কি দেখিছ চেয়ে ?  
আছে কি স্মরণে  
সেই কচি মুখখানি,  
কচি কচি হাত দুটি,  
স্নকেমল তলু,  
ধরেছিলি ওই বক্ষে তোর  
নিবিড় বাঁধনে বাহুলতা দিয়ে ?  
পাবিনি কি চিনিতে এখন  
সেই মুখ—সেই চোখ—  
সেই তোর হারানো রতনে ?  
তা যদি পারিস,  
ছুটে যা—ছুটে যা নারি !  
মা-হারা সন্তান তোব  
আজি দীর্ঘকাল পবে  
খুঁজিছে মায়েবে তার ।  
রাজা ! রাজা ! কি দেখিছ চেয়ে ?  
ওই উন্মাদিনী ধাত্রীমাতা তব ।

হাঙ্গীর । মা—মা —  
পাগলিনী । তুই—তুই হারানিবি মোর ?  
হ্যা—হ্যা, তুই-ই তো !  
সেই মুখ—সেই চোখ—

করণ-সজলদৃষ্টি সেই !

কিন্তু রাজা তুই—মল্লভূমপতি,

আমি পাগলিনী—পথের কুকুরী ।

এত স্পর্ধা হবে

পুল্ল বলি ধরিবারে বৃকে তোরে ?

বামনে ধরিবে আকাশের চাঁদ ?

হাঙ্গীর ।

কে বলে পথের কুকুরী তুমি ?

যে বলে বলুক যাহা,

করুক জগত ঘৃণা—

হেরি তোমা অবজায় ফিরাকু বদন,

কিন্তু মো'ব পাশে তুমি

জগতে প্রত্যক্ষ দেবী জননী আমার ।

আমি ভৃত্য—আজ্ঞাবাহী দাস

চবণে তোমাব দেবি !

[ পাগলিনীর সম্মুখে নতজান্ত হইলেন । ]

পাগলিনী । ওবে—ওরে,

ওখানে নয়—ওখানে নয়,

বৃকে আয়—বৃকে আয়

হারানো রতন মো'ব !

[ পাগলিনী সম্মুখে হাঙ্গীরকে বক্ষে চাপিয়া ধরিল,

ঠিক সেই স্থযোগে সুদীর্ঘশ্বাসের ইঙ্গিতে

রক্ষিণ তাহাদেব ঘিরিয়া ফেলিল । ]

সুদীর্ঘ ।

বিনা আয়াসেই মল্লভূমি হ'লো জয়,

যবে মল্লভূমপতি দিল ধরা স্ব-ইচ্ছায় ।

হাঙ্গীর ! স্ব-ইচ্ছায় সিংহের বিবরে

যবে করেছ প্রবেশ,

বুঝেছ কি বুদ্ধিহীন

কিবা পবিণাম তার ?

জেতা আমি আজিকার রণে,

বন্দী তুমি মোর করে ।

হাঙ্গীর । ভাঙ্গিও না—ভাঙ্গিও না

স্বথতন্ত্রা মোর ; যুগান্তের পরে

স্নেহময়ী জননীর শৃঙ্গ বক্ষনীড়ে

তদ্ভাগত ক্ষুদ্র শিশু,

রে নিষ্ঠুর !

ভাঙ্গিও না স্বথতন্ত্রা তাব ।

দীর্ঘ অদর্শন পরে

মাতা-পুত্র হযেছে মিলন,

এ মধুব মিলন-আনন্দে

শত্রু হ'য়ে সাদিও না বাদ ।

স্বধীবথ পবাজয় অনিবার্য জেনে ধরা দিতে এসেছ, এখন  
আর বুজুকি কেন ? সৈন্তগণ ! বন্দী কর, আমিও শাস্তির তালিকা  
প্রস্তুত কবি ।

হাঙ্গীর । বন্দী করবে আমায় ? কেন ? এই যে সর্দার, তুমিও  
বন্দী ? রণলাল ! তুমিও শৃঙ্খলিত ? বালক চন্দন ! তুমিও বাদ  
পড় নি ? বেশ ! বেশ ! তবে আর আমি বাকি থাকি কেন ?  
কিন্তু বিজয়ী বীর ! তোমার উদ্দেশ্য কি, বলতে পার ? তুমি কি  
চাও ? তুমি কি চাও মল্লভূমির সিংহাসন, তাই আমাদের বন্দী

করছে? ভুল করছে বন্ধু, ভুল করছে। মল্লভূমির সিংহাসন এদেরও নয়—আমারও নয়, সে সিংহাসন মদমমোহনের। আমি সর্বস্ব তাঁর চরণে উৎসর্গ করে নিঃস্ব হয়েছি—আমার বলতে আমার আর কিছুই নাই।

স্বধীরথ। ও সব বুজুকি আর এখানে চলবে না। সৈন্তগণ! দাঁড়িয়ে কেন, শৃঙ্খলিত কর।

রণলাল। ওঃ, এও চোখে দেখতে হ'লো? না—না, তা কখনও পাবো না। বিজয়ি বীর! বিজিতের একটা অনুরোধ—একটা প্রার্থনা, মহাবাজ বীর হাঙ্গীরের হাতে লৌহ-শৃঙ্খল পরাবার আগে আমাষ মৃত্যু দাও!

স্বধীরথ। সে সৌভাগ্য হ'তে কাকেও বঞ্চিত করবো না রণলাল! তবে একটু ধৈর্য ধারণ করতে হবে। আমাষ একটু ভেবে দেখতে হবে, কাকে শাস্তি আগে দেবো? তোমাষ, না চিমনলাল, না এই সযতানের বটুকে? আর ভাবতে হবে, কি অস্ত্রে তোমাদের হত্যা করবো,—তরবারি—না বর্শা—না আগ্নেয়াস্ত্র? না—নুতন অস্ত্র চাই—তোমাদের হত্যা করতে নুতন অস্ত্র চাই!

### শ্রীনিবাসের প্রবেশ।

শ্রীনিবাস। সে অস্ত্র আজও তৈরী হয় নি স্বধীরথ! তোমার প্রতিহিংসা-বিষের জ্বালা নেভাতে তুমি শীঘ্র বিষের পাত্র একে একে এদের মুখে তুলে দাও—তীব্র বিষের জ্বালায় মর্মভেদী আর্তনাদ করতে করতে ছটফট করে মরুক, তবে হবে বিষে বিষক্ষয়।

স্বধীরথ। কে তুমি ভণ্ড?

শ্রীনিবাস। পরিচয় শুনে কি আর চিন্তে পাববে? অতি নগণ্য

ব্যক্তি আমি—প্রভুর দাসহুদাস, এসেছি প্রভুর ইচ্ছায় তোমার এই হত্যা-উৎসব দেখতে ।

হান্সরিক । গুরুদেব ! আপনি এখানে ?

শ্রীনিবাস । মদনমোহনের ইচ্ছায় বৎস ! নাও সুধীরথ, কার্য আরম্ভ কর । আব অযথা বিলম্ব কেন ? অস্ত্র নির্বাচন করতে পারছো না ? আমি বলে দেবো ? অঙ্গরাজ কর্ণ একদিন শিশু-হত্যা করেছিলেন করাত অস্ত্র দিয়ে, তুমিও তাই কর না কেন ? তোমাব অস্ত্রের পরীক্ষা হয়ে যাক প্রথমে এই বালককে দিয়ে ।

সুধীরথ । ঠিক বলেছ , অস্ত্রের এক আঘাতে মৃত্যু হবে না—টানে টানে মরণ-মন্ত্রণা ভোগ করতে হবে । সৈনিক ! অবিলম্বে করাত অস্ত্র নিয়ে এসো , প্রথমে বধ কর এই বালককে , তারপর বন্দীদের একজনের পব আর একজন ।

[ সৈনিকের প্রস্থান ।

রণলাল । এমনি নৃশংসভাবে হত্যা করবে ? ঈশ্বর কি নেই ? ধর্মের অস্তিত্ব কি পৃথিবী থেকে লোপ পেয়েছে ?

সৈনিক করাত অস্ত্র লইয়া আসিল ।

শ্রীনিবাস । মঙ্গলময় ভগবানের নামে দোষারোপ করো না রণলাল ! মনে রেখো , সুধীরথ উপলক্ষ্য মাত্র—সবই সেই মঙ্গলময়ের ইচ্ছা । সুধীরথ ! অস্ত্র তোমার সম্মুখে ; আর বিলম্ব কেন ? এই বালককে দিয়েই অস্ত্রের ধার পরীক্ষা কর ।

সুধীরথ । এই করাত অস্ত্রে আগে বালককে বধ কর সৈনিক !

[ সৈনিক অগ্রসর হইল । ]

শ্রীনিবাস । দাঁড়াও—এক মুহূর্ত । আমি একটা কথা জিজ্ঞাস্য

করবো স্বধীরথ ? ক্ষত্রিয় তুমি, সত্য বল—তোমার অস্ত্র স্পর্শ ক’রে শপথ কর, তুমি এই দানবী হত্যালীলায় দৃঢ়প্রতিজ্ঞ ? কোনরূপে কারও অহরোধে তুমি নিবৃত্ত হবে না ?

স্বধীরথ । না—না, আমি দৃঢ়প্রতিজ্ঞ । মল্লভূমির সিংহাসন লাভ করিতে শুধু এই নরপশুদের হত্যা নয়, যদি প্রয়োজন মনে করি, ঐ হারীরকেও—

শ্রীনিবাস । থাক—থাক ! মনসা চিন্তিতং কৰ্ম্ম বচসা ন প্রকাশয়েৎ । আর বেশী কিছু বলতে হবে না । প্রতিজ্ঞা পালন ক্ষত্রিয়ের ধর্ম, এই নীতিবাক্য স্মরণ ক’বে তুমি প্রস্তুত হও স্বধীরথ ! আমার একটি কথা বলার সঙ্গে সঙ্গে তোমার ঐ আজ্ঞাবাহী অহুচরদের আদেশ দেবে ঐ বালককে বধ করিতে ।

স্বধীরথ । সে আদেশ তো দিবেছি, অনর্থক কালক্ষেপেব প্রয়োজন কি ?

শ্রীনিবাস । রসনাগ্রে তোমার আদেশ-বাণী প্রস্তুত রাখ স্বধীরথ ! শুধু আমার কথাটা শেষ করিতে দাও—বস্ত্রাভ্যস্তর হইতে একটি পেটিকা বাহির করিয়া ] এটা চিন্তে পার স্বধীরথ ?

স্বধীরথ । এ পেটিকা তুমি কোথায় পেলো ?

শ্রীনিবাস । ধীরে স্বধীরথ—ধীরে । [ পেটিকা হইতে একখানি পদক বাহির করিয়া ] আর এটা চিন্তে পার ?

স্বধীরথ । একি ! একি ইন্দ্রজাল ! ভোজবাজী ! এষে আমার দেওয়া যুগ্ম পদকের একখানা সেই অভাগিনীর গলায় পরিয়ে দিয়েছিলুম, আর একখানা দিয়েছিলুম সেই দুঃখপোষ শিশুর গলায় !

শ্রীনিবাস । সেখানাও হারায় নি স্বধীরথ ! এখনো আছে । [ চন্দনের গলার পদক দেখাইয়া ] এই দেখ । পতি-পরিত্যক্তা

অভাগিনী মৃত্যুকালে এই পেটিশ গচ্ছিত রেখে গিয়েছিল ঐ উন্মাদিনীর কাছে—ঘটনাচক্রে আজ আমার হাতে এসে পড়েছে।

স্বধীরথ। তবে কি—তবে কি এই শিশুই আমার হারানিধি!

শ্রীনিবাস। আমার বক্তব্য শেষ হয়েছে স্বধীরথ! এইবার তুমি তোমার প্রতিজ্ঞা পালন কর—আদেশ দাও তোমার সৈনিকদের ঐ বালককে বধ কর্তে। পালন কর ক্ষত্রবীর ক্ষত্রিযের প্রতিজ্ঞা!

স্বধীরথ। হে অপরিচিত শুভানুধ্যায়ি বন্ধু! আমায় মার্জনা করুন। স্বহস্তে কণা হত্যা করেছি, আর আমায় পুত্রহত্যা উৎসাহিত করবেন না।

শ্রীনিবাস। আমি তোমায় উৎসাহিত করি নি—আমি স্মরণ করিয়ে দিচ্ছি শুধু তোমার প্রতিজ্ঞা।

স্বধীরথ। পারবো না—পারবো না পুত্রহত্যা কর্তে, তাতে যদি ধর্ম্মে পতিত হ'তে হয়, সত্যভঙ্গজনিত মহাপাপে অনন্তকালের জন্ত ভীষণ রৌরবনরকে বাস কর্তে হয়, সেও ভালো, তবু—তবু পারবো না আমি পুত্রহত্যা কর্তে। আয়—আয় ওরে হারানিধি পুত্র আমার! তোর মহাপাপী বিশ্বাসঘাতক পত্নীঘাতী কণ্ঠাঘাতী রাক্ষস পিতার বক্ষে আয়—

চন্দন। না—না, আমি যাবো না। তুমি দিদিকে মেরেছ—কত লোককে মেরেছ—সদাঁরকে বেঁধেছ—রণদাকে বেঁধেছ—তুমি কি না করেছ! আমি কখখনো যাবো না তোমার কাছে। তোমার ছায়া স্পর্শ করাও মহাপাপ।

স্বধীরথ। সত্য মহাপাপী আমি!

ছার রাজ্যলোভে হ'য়ে আত্মহারা

ভনি নাই হিত-উপদেশ



স্ত্রীলা পত্নীর,  
 অবাদ্য বলিয়া ত'বে কবেছি বর্জন !  
 এই রাজ্যলোভে কবিষাছি রাজহত্যা  
 অতিথিসংকার ছলে,  
 হইয়াছি প্রভুদ্রোহী ভাতৃদ্রোহী,  
 তবু মিটে নাই আশা—  
 নিজ হাতে বধেছি কল্লারে !  
 এই রাজ্যলোভে পুনঃ  
 অগ্রসর হইয়াছি বধিতে তনয় !  
 ধিক্—শত ধিক্ মোরে,  
 পিশাচ-অধম আমি ।  
 মার্জনা—মার্জনা—কাব কাছে চাবো,  
 কে করিবে মার্জনা আমারে ?  
 মার্জনা-অতীত পাপে  
 অপরাধী সকলেব ঠাই ।  
 হে অপরিচিত বান্ধব আমার !  
 জ্ঞানচক্ষু দিয়াছ খুলিষ, নিজগুণে,  
 লইছ শরণ আজি চরণে তোমার,  
 করহ মার্জনা মোরে—  
 ব'লে দাও প্রায়শ্চিত্ত-পথ !  
 অতি ক্ষুদ্র আমি,  
 আমি কি করিতে পারি ?  
 মদনমোহন পদে লহগে শরণ,  
 ঘুচে যাবে পাপতাপ-জালা ।

শ্রীনিবাস ।

স্বধীরথ ।

[ একে একে বন্দীদের শৃঙ্খল খুলিয়া ]

রণলাল ! চিমনসর্দার !

তোমরাও ক্ষমা কর মোরে ।

আর মহারাজ বীর হাঙ্গীর !

বলিবার ভাষা না যোগায়,

নাহিক সাহস

চাহিতে মার্জ্জনা তব ঠাই !

হাঙ্গীর ।

কেবা কাবে করিবে মার্জ্জনা !

জগতেব একমাত্র পরিত্রাতা

মদনমোহন, তাঁবই ইচ্ছায় মোবা

চালিত সকলে ।

অথা হুযীকেশ হৃদিস্থিতেন

যথা নিযুক্তোহস্মি তথা করোমি ।

মার্জ্জনা করহ ভিক্ষা

মদনমোহন পাশে,

পাবে পরিত্রাণ, লভিবে অনন্ত শাস্তি ।


বল রাজা,

হরেনাম হবেনাম হরেনামৈব কেবলম্,

কলৌ নাস্ত্যেব নাস্ত্যেব নাস্ত্যেব গতিরন্তথা ।

সকলে ।

[ আবৃত্তি করিল । ]



## শ্রীব্রজেন্দ্রকুমার দে এম-এ, বি-টি, প্রণীত নাটকাবলী

- রাজলক্ষ্মী ( পৌরাণিক নাটক ) গণেশ অপেরায় অভিনীত । মূল্য ২।০
- বলবীর ( ঐতিহাসিক নাটক ) গণেশ অপেরায় অভিনীত । মূল্য ২।০
- প্রদীপাঙ্কুর ( পৌরাণিক নাটক ) গণেশ অপেরায় অভিনীত । মূল্য ২।০
- লীলাবসান ( পৌরাণিক নাটক ) গণেশ অপেরায় অভিনীত । মূল্য ২।০
- রক্তাভিলক ( ঐতিহাসিক নাটক ) নট্ট কোংতে অভিনীত । মূল্য ২।০
- চাঁদের মেয়ে ( ঐতিহাসিক নাটক ) নট্ট কোংতে অভিনীত । মূল্য ২।০
- বাঁশের বাঁশী ( কাল্পনিক নাটক ) রঞ্জন অপেরায় অভিনীত । মূল্য ২।০
- চাষার ছেলে ( ঐতিহাসিক নাটক ) নট্ট কোংতে অভিনীত । মূল্য ২।০
- জারথি ( পৌরাণিক নাটক ) নিউ গণেশ অপেরায় অভিনীত । মূল্য ২।০
- স্বামীর ঘর ( দেশাত্মবোধক নাটক ) প্রভাস অপেরায় অভিঃ । মূল্য ২।০
- সমাজের বলি ( কাল্পনিক নাটক ) নট্ট কোংতে অভিনীত । মূল্য ২।০
- রাজ-লক্ষ্মীনা ( কাল্পনিক নাটক ) রঞ্জন অপেরায় অভিনীত । মূল্য ২।০
- মায়ের ডাক ( রূপক নাটক ) প্রভাস অপেরায় অভিনীত । মূল্য ২।০
- দেবতার গ্রাম ( পৌরাণিক নাটক ) নট্ট কোংতে অভিনীত । মূল্য ২।০
- রাজ-সন্ন্যাসী ( ঐতিহাসিক নাটক ) বিশ্বগ্রাম নট্ট কোংতে ” মূল্য ২।০
- স্বর্ণলক্ষা ( পৌরাণিক নাটক ) বাণী নাট্য-সমাজে অভিনীত । মূল্য ২।০
- ভক্তকবি জয়দেব ( ঐতিহাসিক নাটক ) নট্টকোংতে অভিনীত । মূল্য ২।০
- দানবীর ( পৌরাণিক নাটক ) ভোলানাথ অপেরায় অভিনীত । মূল্য ২।০
- গজকর্কের মেয়ে ( পৌরাণিক নাটক ) নট্ট কোংতে অভিনীত । মূল্য ২।০
- প্রতিশোধ ( কবিতার নাট্যরূপ ) চণ্ডী অপেরায় অভিনীত । মূল্য ২।০
- গঁয়ের মেয়ে ( ঐতিহাসিক নাটক ) সতানারায়ণ অপেরায় ” । মূল্য ২।০
- ভারত-ভীর্থ ( কাল্পনিক নাটক ) নট্ট কোংতে অভিনীত । মূল্য ২।০
- বিচারক ( ঐতিহাসিক নাটক ) রঞ্জন অপেরায় অভিনীত । মূল্য ২।০
- পুরুষোত্তম ( পৌরাণিক নাটক ) প্রভাস অপেরায় অভিনীত । মূল্য ২।০
- সবার দেবতা ( পৌরাণিক নাটক ) চণ্ডী অপেরায় অভিনীত । মূল্য ২।০

